


14-36 P-29<sub>a</sub>

14-25-D-25




**BERNARDINI  
BALDI VRBINATIS  
GVASTALLÆ AB-  
BATIS**

I N

**MECHANICA ARISTOTE-  
LIS PROBLEMAT  
EXERCITATIONES:**

*ADIECTA SUCCINCTA NAR-  
ratione de autoris vita & scriptis.*



*Biblioth. P. Baldi Vrb. in apud R. 1674*

**MOGENTIAE,**

Typis & Sumptibus Viduæ Ioannis Albi

**M. DC. XXI.**

BERNARDINI  
BALDI VRBINATIS  
CVASTALLI F. AL

MECHANICA ARISTOTE  
EXERCITATIONES

ADVENTVM SOCIETATIS A. M.



AMSTERDAMI  
MDCCCLXX





NOBILISSIMO AC GENE-  
ROSO DOMINO

D. ADAMO PHILIP-  
PO BARONI A CRON-  
BERG, EQVITI, SACRÆ CÆSA-  
RÆ MAIESTATIS, ET SERENISSIMI  
Principis Archiducis Alberti Camerario intimo &c.  
Domino meo gratiosissimo.



Opportune sub hoc ipsum tem-  
pus, quo in Belgium ad Sere-  
nissimos Principes iter ador-  
nat. Nobilissima & Generosa  
Dom. V.<sup>ra</sup>, prodit nostris for-  
mis in publicum editus Com-  
mentarius Bernardini Baldi Vrbınatis Gua-  
stallæ Abbatis in Aristotelis Mechanica. Is  
vir in omni scientiæ genere, at maxime in Ma-  
thematicis disciplinis fuit versatissimus, quod  
multa ab eo præclare scripta testantur opera  
ex quibus paucula edita, reliqua vero spera-


## EPISTOLA

mus suo tempore in publicam lucem producenda. Cum vero nemini sit obscurum Nobilissimæ ac Generosæ Dom. V.<sup>rz</sup> id semper extitisse familiarissimum, ut tum domesticum otium, tum maxime peregrinationes, quibus totam pæne Europam summa cum laude circumscripsit, tum variarum linguarum perfecto usu, tum Mathematicarum disciplinarum noticia & exercitio redderet iucundiores, nulla me tenet dubitatio quin & Baldum Vrbinatem nostris typis loquentem in hoc itinere, quod à Deo felicissimum Nobilissimæ ac Generosæ Dom. V.<sup>rz</sup> precor, in suum comitatum ac tutelam beneuolo animo sit admisura. Id rogo humillime simulque precor, ut hanc meam typographiam plurimis iam retro annis de inclytæ familiæ Cronbergicæ tutela gloriantem, suo favore prosequatur, viduæque afflictæ fortunis beneuole adspiret. Sic Deus Nobiliss. & Generosam Dom. V.<sup>ram</sup> illustret omnibus bonis, eamque R.<sup>mo</sup> & Ill.<sup>mo</sup> Principi ac Domino meo Clementissimo, D. Ioanni Suicardo Archiepiscopo Moguntino Principi Electori ac per Germaniam Archican-

# DEDICATORIA<sup>c</sup>

chicancellario &c. patruo suo optatissimo  
saluo florentique redhibeat saluum simili-  
ter florentem ac incolumem. Moguntia è  
typographeio Viduæ Albinianæ, honori No-  
bilissimæ ac Generosæ Dom. Vestræ perpe-  
tuum dicato. Anno 1621. 28. Martij.





## PRÆFATIO.

**D**iligenter legenti mihi quaestiones illas, in quibus ea quæ ad Mechanicam facultatem pertinent, explicantur, multa in mentem veniebant; & primum quidem eorum, quæ ibi disputantur, utilitatem, subtilitatem, copiam admirabar: Tum ex animo dolebam, aureum hunc libellum propè negligi, & ab iis qui pulcherrimis hisce studiis dant operam, assidue præ manibus non haberi: Multas autem Auctori ipsi habendas referendasque esse gratias, qui tam egregiam, utilem & probè instructam suppellectilem Architectis, Mechanicis, & omnibus ferè Artificibus suppeditauerit. Aristotelis nomini ascribitur Commentarius, licet nonnulli, sitne Philosophi illius præclarissimi & acutissimi labor, an non, adfirmare subdubitauerint. Aristotelis tamen esse omnes ferè meliores consentiunt: Idque tum ex phrasi, & explicatione, quæ Aristotelem sapiunt, tum iudicio subtilitatis & rationum, quibus



*bus quaestiones ipsa ingeniosissimè diluuntur. Videtur autem mihi, rem accuratius exploranti, satis verisimile ( nullum enim habeo opinionis huius assertorem ) sectionem esse hanc, & partem quandam eius operis nobilissimi, quod idem auctor De Problematibus edidit, & hanc, nescio quam ob causam; nisi fortè quod tractatio merè Physica non sit, à reliquo corpore distractam atque reuulsam. Id certè quod ad rem facit, probè nouimus, Diogenem Laërtium inter cetera Aristotelici ingenij monumenta Mechanica quoque adnumerasse. Quibus consideratis magnopere subit mirari, cur ij qui post Aristotelem floruere atq; vixere, Mechanici, Archimedes, Athenaeus, Heron, Pappus, & ceteri, nullam huius libelli fecerint commemorationem: & sanè debuerunt; neq; enim à vero est dissimile, ipsos per hunc aliquatenus profecisse. Verum enimvero cum ingenui illi fuerint homines, & nullatenus obtrectatores, credendum potius est, Commentariolum istud, eorum auctore, paucis cognitum, alicubi in Bibliothecis latuisse: etenim cetera quoq; Aristotelis scripta, post vetusta illa tempora, ante Alexandrum Aphrodisiensem, à multis fuisse igno-*

# P R Æ F A T I O

*rata non dubitamus. Habemus siquidem, Strabone teste, lib. 13. Aristotelis, & Theophrasti bibliothecam, post ipsius Theophrasti decessum, ad Neleum quendam Scepsium, Corisci filium, qui eius fuerat auditor, peruenisse; post hæc libros, blattis olim, & humore corruptos, Apelliconi Tegio venditos, & ab eo Athenas translatos, tum Athenis captis in Sylla potestatem deuenisse, eosque tandem à Sylla acceptos, Tyrannionem Grammaticum, ut potuit melius emendatos, promulgasse. Ex quibus colligimus, mirum non esse, Archimedi, Heroni, & alijs qui ante Syllam vixere, fuisse incognitos. quicquid sit, illud certum est, Aristotelem eorum omnium qui de Mechanicis commentaria edidere, esse longè vetustissimum. Pappus enim Herone iunior, Athenæus Archimedi æqualis, uterq; enim sub Marcello, cui Athenæus suum de bellicis Machinis libellū dedicauit. Archimedes verò circa CXL. Olympiadem floruit, quamobrem post Aristotelem Olympiadas XL. hoc est, annos ferè CLX. Ist hæc autem considerantibus, facile est cognoscere facultatis huius nobilitatem, atq; dignitatem; quippe quod summus Philosophus non modo eam  
 pro-*

probauerit, sed etiam suis acutissimis lucubrationibus illustrauerit. Hanc porro tractationem subiecto quidem Physicam esse, demonstrationibus verò Geometricam, ipsemet nos docuit Aristoteles, cuius etiam naturæ sunt Perspectiua, Specularia, Musica, & cetera eiusdemmodi facultates, quas quidem subalternas Peripatetici appellant. Vitruuius Architectura membrum, ut ita dicam, & portionem quandam facit, ait enim Architectura partes esse tres, Edificationem, Gnomonicam, Machinationem. Est autem Architecturâ quidem inferior, paret enim Architecto Mechanicus; attamen si ceteras artes spectes, Architectonica; hæc enim omnes ferè sedentaria, sellulariæque, quas banauas Græci appellant, ordine subiiciuntur, & sanè latissimos isthæc habet fines; præcipuè autem circa eam versatur cognitionem, eamque inter ceteras ferè principem, quam dixere Centrobaticam, quæ quidem ad Centri gravitatem, eiusque speculationem pertinet: qua in specie inter veteres primum sibi vindicauit locum Archimedes, mox Heron, deinde Pappus; inter neotericos au-

): ( ): (

tem



# P R Æ F A T I O

tem Commandinus, qui librum de Centro gra-  
uitatis solidorum scripsit, & post eum G. Vbal-  
dus è Marchion. Montis, qui non modò ab-  
solutissimum Mechanicorum librum cum maxi-  
ma ingenij sui laude conscripsit, sed & Paraphra-  
sin in librum Aequponderantium Archimedis  
egregiè concinnauit Centrobaricam hanc, igno-  
tam fuisse Aristoteli, satis patet. nunquam enim  
in Mechanicis demonstrationibus, quod tamen  
est potissimum, grauitatis centrum nominat, e-  
iusue naturam atque vim speculatur. Diuidi-  
tur autem Mechanice tota, teste Herone apud  
Pappum libro octauo, in Rationalem, hoc est,  
Theoricam & Chirurgicam, id est, manu ope-  
ratricem, quam Praxim aptè dicere valemus.  
Rationalis, speculationi & demonstrationibus, ex  
Geometricis, Arithmeticis & Physicis rationi-  
bus, dat operam; Chirurgica vero materiam  
tractat, & sese in varias artes diffundit, Era-  
riam, Lignariam, Sculptoriam, Pictoriam, Æ-  
dificatoriam, Machinariam & Thaumaturgi-  
cam, ceterasque eiusmodi. Machinatoria au-  
tem sunt partes Manganaria, qua ingentia  
trans-

transferuntur pondera, tum ipsa Poliorcetica,  
 quæ bellicas Machinas ad urbium expugnationes,  
 quod vel ipso nomine profitetur, adificat. At-  
 qui hac de re plura scribere supersedemus, ne a-  
 ctum agamus: quisquis enim minutè magis hac  
 cognoscere desiderat, is Pappum adeat libro cita-  
 to, & Guidum Vbaldum in Præfatione quam  
 suo Mechanicorum Operi præposuit. Ut autem  
 ad Aristotelis, de quo egimus, libellum reuertamur,  
 pauci sunt qui ei ante nos stilum & operam  
 commodauerint: Leoniceus Latinum fecit &  
 figuris tum brevissimis, & parvi sane ponderis,  
 marginalibus adnotatiunculis, instruxit. Post  
 hunc Alexander Picolomineus luculentissima  
 Paraphrasi illustravit. Modo, ut audio, Simon  
 Sticinus Hollandensis quadam edidit, quæ ad  
 nos minime peruenere. Nos demum, omnium,  
 tum scientia, & ingenio, tum ætate, postremi huic  
 operi manum admouimus; Considerantes enim  
 Aristotelem alijs principijs usum, ac probatissi-  
 mi post eum fecerint Mechanici, demonstrasse,  
 morem huiusce facultatis studiosis gesturos nos  
 fore arbitrati sumus, si easdem illas quæstiones

*Mechanicis, hoc est, Archimedeis probationi-  
bus confirmaremus; dum per latissimos faculta-  
tis huius campos vagantes, alias quoque istis af-  
fines dubitationes introducentes solueremus.  
quicquid autē fecerimus profecerimusue, Lector  
optime, boni consule, & quia fax per manus tra-  
ditur, tu interim de me accipe, ut alijs tradas.*

9

# DE VITA ET SCRIP- TIS BERNARDINI BALDI VRBINATIS

*EX LITERIS FABRITII SCHAR-  
loncini ad Illustrissimum & Reuerendissimum  
Dominum Lalem Ruinum Episcopum Bal-  
neoregiensem ex-Nuntium Apostolicum  
ad Polonia Regem &c.*

**N**atus est Bern. Baldus Vrbini nobilibus pa-  
rētibus postridie Non. Iunij anno MDLIII.  
Genus traxit, quod me sæpè ab eo memini  
audire, à familia Cantagallina, quæ inter  
Perusinas illustris: hoc autem cognomen,  
Baldiacepto, vt in varietate temporum fit,  
Abauus reliquit, à teneris vnguiculis pietatē erga Deum  
præfetulit; nam vt mater eius narrabat, sanctorum imagi-  
nes & Altariola non cum lætitia solum, sed cum veneratione  
anniculus intuebarur. Præceptoribus in adolescen-  
tia vsus fuit laudatissimis Io. And. Palatio, & Io. Antonio  
Turoneo, qui altero doctior, & Paulo Manutio maxime  
carus ob latinæ & græcæ linguæ peritiā propè singula-  
rem: ad illorum autem sedulitatem tantum animi ardorem  
attulit, tantam ingenij acudicij vim, vt non tantum  
æqualis sed omnium vicerit expectationem. Puer adhuc  
Arati apparitiones Italico carmine reddidit. Parens hac  
filij laudē & gloria motus anno 1573. eum ad maiorem in-  
genij cultum capeffendum Patavium misit. Hic in Ema-  
nuelis Margunij familiaritatem statim venit, cui porro  
): ( ) ( 3 fuit



fuit in amoribus. Homeri Iliad. illo Doctore & interprete diligentius quam fecisset antea, euoluit. priuato autem studio Anacreonti, Pindaro, Æschyli, Euripidi, Sophocli operam dedit, sed præ exteris Theocriti Bucolica triuit, ad quod scriptionis genus natura magis ferri videbatur: centenos græci alicuius poëtæ versus memoriter tenebat, sæpeque habebat in ore, in oratoribus græcis versandis laborem se aliquem sentire, in poëtis nullum. Scripsit Patruij libellum de Tormentis Bellicis, & eorum inuentoribus, & cum in Transalpinorum amicitias incidisset, sibi ducebat dedecori ipsos sua lingua loquentes non intelligere. quare incredibili celeritate Gallicam & Germanicam didicit. Pestilentia ex eo Gymnasio exactus in Patriam redijt, vbi quinquennium integrum Federico Commandino affixus omnes Matheseos partes perdidicit, cui viro in delineandis figuris ad Euclidis, Pappi, & Heronis monumenta manum commodauit: ex eiusdem obitu dolorem vix consolabilem sustinuit, susceptoque eius vitam scribendi consilio, subinde ad omnium Mathematicorum vitas conscribendas animum adplicuit, quod & duodecim annorum spatio præstitit felicissimè. cum vero Mathematicarum disciplinarum amore torqueretur, amisso Commandino Præceptore, amicum nactus fuit præstantissimum & symmystam Guidum Vbaldum è Marchionibus Montis, in cuius se consuetudinem daret: quantum profecisset, ostendunt ij commentarij quos anno 1582. in Arist. Mechanica scripsit. Vt postea à grauioribus studijs ad amœniora animum abduceret, de re nautica poemata Italicè confecit. quo absoluto Paradoxa multa Mathematica explicauit. Fama de Baldi virtutibus dissipata Ferrandus Gonzaga Molfetræ Princeps & Guastallæ Dominus cœpit de illo in suam familiam asciscendo cogitare, vt qui iisdem caperetur artibus, quibus excellere Baldus incipiebat:

piebat: Itaque opera Curtij Arditij honorifice fuit in aulam euocatus, dum vitam non aulicam viueret totus in litteras abditus precibus Vespasiani Gonzagæ Sablonetæ Ducis ad explanandos Vitruuij libros adactus fuit. quare tunc natus de Verborū Vitruuiianorum significatione commentarius; in quo minime mirandum si minuta quædam prosequutus fuit, quæ viro magno minus esse digna videantur: illi enim Principi morem gessit. scio dixisse aliquando Adrianum Romanum è Polonia reuersum, vbi Vitruuium Palatino cuidam explicauerat, si commentarium Baldi in Polonia adhibere potuisssem, aurum quod mecum attuli emunxissem, quia satisfecissem muneri labore nullo. Cum Ferrando herō suo obuenuisset necessitas Hispanias adeundi, illud iter sine Baldo facere se posse non putabat, non tam, vt haberet, qui erudito eloquio viæ tædium leuaret, quam cui posset arcana committere, atque adeo à quo iuuaretur consilio. Vix viæ se dederant cum Baldus grauem in morbum delapsus itinere cogitur desistere: Mediolanum proinde diuertit, vbi à S. Carolo Borromæo & benignè exceptus, & tamdiu detentus donec valerudinem recuperaret. Guastallam postea se recepit, vbi cum absente Domino liberiori otio frueretur, libros sex de Aula eruditissimos methodo analytica conscripsit. alios non commemoro, quod cum otium erit, omnium syllabum dabo. Anno 1586. ipso nihil postulante eligitur Guastallæ Abbas, à quo tempore luri Can. Concilij, & SS. Patribus totum se dedit. Hebrææ & Chaldææ linguarum discendarum triennium posuit. Anno 1593, nouæ Gnomonices libros quinque composuit. insequenti Chaldæam Onkeli paraphrasin in Pentateuchum vertit & commentarios adiunxit; quo exantlato labore in Iob ex Heb. fonte paraphrasin texuit, quam & scholijs illustrauit. Tabulam Etruscā Eugubinā interpretatus fuit:

## VITA ET SCRIPTA

fuit: in ea autem diuinatione, vt aiebat, subcisiuas vnus mensis horas consumpsit. De Firmamento & aquis egregie scripsit. Oeconomiam Tropologicam in S. Matthæum Card. Baronius, qui non alia Baldi vidit, vehementer probabat. Romæ dum viueret, fere nesciuit quid gereretur in Aulis: Arabicæ enim linguæ cum Io. Baptista Raimondo diligentissime studuit, & arcana industria Slauonicæ, quam perfecte callebat. Ex Arabico vertit Hortum Geographicum Anonymi, quem ante sexcentos annos floruisse arbitrabatur. Hunc vero extrusisset, vt alios Baldi libros, Marcus Velserus Ilvir Aug. si eo paulo longior huius lucis vsura contigisset. Composuit & Dictionarium Arabicum. atque cum beatissimam illam vbertatem ingenij assidue diffundi necesse esset, anno 1603. orbem vniuersum describere aggressus fuit; atque ita quidem, vt tam quæ ad Historiam, quam quæ ad Geographiam pertinerent complecteretur: Neque illustrare solum voluit quæ nouerunt antiqui, quemadmodum visum Ortelio, sed vel oppidula omnia & pagos, de quibus aliquando in postremis scriptoribus mentio. & profecto totum opus ad vmbilicum perduxit: non digessit tamen vniuersum. quatuor aut ni fallor quinque tantum Tomi fuerunt ordine Alphabetico dispositi: superessent septem aut octo disponendi, quantum ex chartarum & fasciculorum mole coniicere licet. Anno 1617. quarto Idus Octob. posteaquam dies 40. vehementi destillatione vexatus fuisset, spiritum Deo reddidit Sacramentis Ecclesiæ omnibus rite munitus. Statura procerus fuit, facie oblonga & acris oculis, colore subfusco. Membrorum ei fuit decens habitudo, & compactum corpus. Diebus festis omnibus sacrum faciebat, ieiunabat bis in hebdomada, eleemosynisque pauperes subleuabat. In studijs sic assiduus fuit, vt sæpe & legeret, & comederet. S. Augustini libros de Ciuitate Dei ter in-



ter prandium euoluit. Statim à noctis meridie dum ei vires firmiores essent ad lucubrandum surgebat. à prandio Euclidem Arabice editum, vel libellum aliquem germanicum aut gallicum in manus sumebat. Suauitate morum & modestia, etiam si ceteræ dotes abfuissent, quemlibet ad amorem sui allicere potuisset. Sermo modicus ei fuit, itemque cultus. Nullos vnquam honores petijt, qui à Clem. 8. amplissimi promissi fuerant; nullum emolumentum quæsiuit suo censu contentus. facile parcendum esse dicebat, ijs maxime qui in re leui impigissent, quoniam si quos censemus optimos, nudos conspiceremus, nullum eorum non iudicaremus multis dignum verberibus. Bibliothecam habuit non locupletem, sed selectis instructa codicibus. Verum ire per singula longum esset. Satis mihi de incomparabili Baldi doctrina, & summa innocentia, & rarum connubium, pauca dixisse, quæ forsitan ad imitandum nimis multa.

## SYLLABVS LIBRORVM

omnium B. Abb. Baldi.

**A** Rati apparitiones è gr. in Ital. vertit.  
 De Tormentis Bellicis & eorum Inuentoribus lib.  
 Heronis automata vertit.  
 Vitas omnium Mathematicorum scripsit, & trib. in Tom.  
 2. 1. P<sup>a</sup>. à Thalete ad Christum. 2. à Christo ad sua tempora.  
 Earumdem vitarum Epitomen Chronologicum confecit.  
 In Aristot. Mechan. Commentar.  
 De Renautica Poëmaton.  
 Paradoxorum Mathematicorum liber.  
 Descriptio Palatij Ducum Vrbinarum quod est Urbini.  
 Poema cui titulus, Lamus.

):( ):( ):(

Carmi-

# S C R I P T A

Carmina pia, quæ inscribuntur, Anni Coronæ  
De Verborum Vitruvianorum significatione.  
Carmina varia & eclogæ mixtæ  
Apologi centum, quos scripsit æmulatus Leonem Bapt.  
Albertum.

De Humanitate Dialogus qui inscribitur Gofelinus.

Comparatio Vitæ Monasticæ cum seculari.

De Aula libri sex.

De felicitate Principis Dialogus.

De Dignitate Dial.

Carmina Romana.

Musæi fabulam vertit.

De Italici carminis natura Dial. qui inscribitur Tassius.

De vniuersali Diluuio poemation.

Nouæ Gnomonices lib. quinque.

Hieremiæ Threnos vertit, & ex Heb. fonte annotat. ad-  
iecit.

Poemation inscriptum, Deiphobe, quod scripsit æmula-  
tus Lycophonem in Cassandra.

Scala cœlestis. i. Sermones pij & carmina.

Onkeli paraphrasin Chaldæam in Pentateuchum ver-  
tit & vberes commentarios adiecit.

In Iob Paraphrasis latina ex fonte Heb. additis Scholijs.

De scamillis imparibus Vitruuij.

De firmamento & aquis.

Quindæ Calabri Paralipomena vertit.

Tabulæ Etruscæ Eugubinz Interpretatio.

Oeconomia Tropologica in S. Matthæum.

Yrbini encomium.

Horti geographici ex Arab. versio.

Aduersus Aulam Carmina.

Luciani de miseris Aulicorum versio.

Oratio ad Romæ conseruatores pro antiquitatum eius

Yrbis custodia Vni-

Vniuersi orbis geographica & Historica descriptio con-  
texta ex septingentis & eo amplius scriptoribus.

Federici Urbini Ducis Vita.

Guidi Vbaldi Urbini Ducis Vita.

Epigrammaton & Odarum libri tres.

Aliorum Carminum liber.

Sententiarum moralium liber.

Dictionary Arabicum.

Pro Procopio contra Flauium Blondum.

Horographium vniuersale.

Epigrammata alia.

Heronis lib. de Ballistis conuersio.

Exercitationes in Aristotelis Mechan.

Templi Ezechielis noua descriptio.

Antiquitatum Guastallensium liber.

Historiarum scribendarum leges.

Et alia quædam.







IN MECHANICA ARISTOTE-  
LIS PROBLEMATA  
EXERCITATIONES.

*Mechanices descriptio, natura, finis.*

**M**ECHANICE, facultas quædam est, quæ naturali materiâ, Geometricisq; demonstrationibus usâ, ex centricâ, & eorû quæ ad vectem & libram rediguntur, speculatione; humanæ consulens necessitati, commoditatique, suapte vi, Naturam ipsam vel secundans, vel superans, varia, eaquæ mirabilia operatur. Hac diffinitione descriptioneue breuiter ea ferè omnia complexi sumus, quæ fusiſsimè ab Aristotele, Pappo, Guido Vbaldo, & alijs hac de re tradita fuère.

*Mechanices Obiectum.*

Considerata autem Mechanicus Graue & Leue.

Graue duplex, Naturâ, Violentiâ.

Graue Naturâ dicitur, quod insita propensione in centrum mundi fertur. Graue autem Violentiâ, quod impresso extrinsecus pondere ab impellente pellitur.

Leue contrâ, quod Naturâ à centro fertur.

Cæterum quicquid graue est, secundum punctum est, quod Gravitatis centrum dicitur, & hoc duplex, ve duplex est grauitas, Naturæ, Violentiæ.

A

Gra-

Grauitatis centrum in triplici magnitudine considerari potest, linearis, planâ, solidâ.

De centro grauitatis linearum nemo scripsit, simplicissimi enim illud est contemplationis.


De centro grauitatis linearum egregie tractauit Archimedes in libro *Æqueponderantium*, & de quadratura Parabolæ, cum in eo quem de his quæ ueluntur inscripsit.

De centro grauitatis solidorum ipsemet olim scripserat Archimedes, sed ea quæ protulit, temporis iniuriâ deperdita, suâ diligentia restituit Iedericus Commandinus.

Esse autem & Leuitatis centrum in rerum natura, palam est. Punctum enim illud est, secundum quod leuia rectâ a centro sursum feruntur. Huius autem non meminere Mechanici, propterea quod aut nihil, aut parum ad eorum rem faciat.


Porro Grauitatis centrum ita definit Heron, & qui ab Herone Pappus 1.8. *Collectionum Mathematicarum*.

Centrum grauitatis vniuscuiusque corporis est punctum quoddam intra positum, à quo si graue, mente appensum concipiatur, dum fertur, quiescit, & seruat eam quam in principio habuit positionem; neque in ipsa latrone circumuertitur. Commandinus verò in lib. de centro grauitatis solidorum hoc pacto: Centrum grauitatis vniuscuiusque solidæ figuræ, est punctum illud intra positum, circa quod vndique partes æqualium momentorum adstant. Si enim per tale centrum ducatur planum, figuram quomodolibet secans, in partes æquè ponderantes eam diuidit. Nos verò quàm breuissimè dicimus: Centrū grauitatis, vniuscuiusque magnitudinis punctum esse iatra extraque magnitudinem positum, per quod si plano linea punctoue diuidatur, in partes secatur æqueponderantes.



Diximus, Magnitudinis ut lineæ, plani solidi q; centrum complecteremur. Erit igitur, ut in præfenti figura, lineæ quidem centrum A, plani B, solidi verò C. quod si obijciat quispiam, lineam & superficiem nullam habere gravitatem; seiati, neq; corpora Mathematica gravitatem habere, Mechanicum verò funes, hastas, vectes pro lineis sumere; tabulas verò, & eiusmodi plana ad superficieum naturam referre.

Diximus in super, intra extraue. Aliquando enim gravitatis centrum extra molem corporis cuius corporis centrum est, cadit, ut in sequenti figura.




Esto corpus aliquod superficiesue A B C D E, ducatur linea C F, diuidens figuras in partes hinc inde æqueponderantes A B C, E D G. Ducatur & G H, diuidens item in partes æqueponderantes G G H, & G A B, E D H, secant autem se ipsas in I. erit igitur centrum I extra figuræ terminos & molem ipsam. At tamen licet hoc verum sit, intra esse dici potest, quippe quod imaginario quodam, & ytita dicam, virtuali ambitu A C D A contineatur.

Dicebamus, duplex esse gravitatis centrum, Natu-




ra, Violentiâ: affirmamus modò, hæc re quidem vnum esse, & ratione solum, non autem re ipsa ac si duo essent considerari.



Esto enim gravitatis naturalis centrum B, corporis A, secundum quod dimissum, suapte naturâ cadet in C, si verò corpus violenter impellatur in D, aliud acquireret centrum gravitatis ex violentia secundum quam fertur, motum, in D, idè autem sunt re, nempe vnum B, duo autem si violentia & natura seorsum considerentur.

Hæc centra, duo motus sequuntur, rectus uterque; Naturalis videlicet, & Violentus. Tertius ex his mixtus, & is quidem non rectus, sed curvus.



Proijciatur enim violenter corpus graue A superante igitur violentia, rectâ feretur in B; ea autem elanguescente paulatim per curuam & mixtam lineâ fecerit in C, quatenus enim ad anteriora fertur, violentia est, quatenus verò ad inferiores partes, naturæ. Vbi verò peruenit in C, violentiâ cessante, naturâ verò manente, rectâ deorsum fertur D C D.

Cæterum hæc centra, hiq̃ue motus, naturalis nempe, & violentus diuersimodè se habent adinuicem. Si enim graue corpus externâ vi adhibita, centrum mundi versus impellatur, adiuvabunt se inuicem Naturâ, Violentiâ. Si autem contra, altera alteri resister, in motibus autem


autem ad latus, eo magis pugnabunt, quo magis ab inferioribus ad superiora fiet motus.

### *Mechanices prapcipua instrumenta.*

His ita constitutis dicimus, instrumenta, quibus ad varias operationes Mechanici vtuntur, esse inter se quidem didersa, multiplicia, & si varietatem spectes, penè innumerabilia; quod quamuis verum sit, ea omnia Aristoteles ad vèctem reducit, & libram: quod etiam G. Vbaldus in libris Mechanicorum fecit. Cæterum qui post Aristotelem florere Mechanici, omnia ad quinque, quas appellant, Potentias, rede gère. Sunt autem ex Herone, Pappo, Guido Vbaldo, qui eos secutus est, Vèctis, Trochlea, Axis in Peritrochio, Cuneus, Cochlea. Videtur autem ipse G. Vbaldus sextam addere, nempe Libram, de qua & primus ipse Mechanicorum tractatum instituit. Verum enim vero idem ferè sunt Vèctis & Libra, nisi forte quod Libra tunc dicitur, cum brachia sunt æqualia. Vèctis vero quomocunque ea se habeant; quinque harum Potentiarũ imagines ita ob oculos ponimus. Vèctis A. Trochlea B. Axis in Peritrochio C. Cuneus D. Cochlea vero E.

Porro

A 3



Porro, Cuneum ad libram reducere conatur Aristoteles, quod facit & G. Vbaldus, qui eò refert & Cochleam, quippe quod nihil aliud sit Cochlea, quàm Cuneus Cylindro inuolutus. Nos autem duas tantum Potentias ad vectem reduci, posse arbitramur, Trochleam nempe, & Axem in Peritrochio. Nequaquam autem Cuneum & Cochleam. quod latius quidem ostendemus, cum de Cunco erit nobis sermo peculiaris.

*De Vecte & Libra secundum Aristotelem.*

Aristoteles in ipso Mechanicorum ingressu ita scribit, Mirum videri ab exigua virtute magnum pondus moveri,

ueri, addito nimirum ponderi pondere, siquidem & vectis est pondus. Duplex ergo illi admiratio, scilicet quòd exigua potentia moueat ingens pondus, id què etiam addito vectis ipsius pondere, fiat. Hoc secundum adieciſſe videtur, amplificationis alicuius gratiâ. Etenim quatenus ad rem pertinet, si mouendis ponderibus vectis ipsius pondus compares, nullius ferè esse momenti proculdubio affirmaueris. Sed & illud quoque notandum, aliquando vectis pondus mouenti auxilium ferre, quod fit vbi fulcimento inter potentiam mouentem, & pondus ipsum collocato, vectis pars quæ à fulcimento ad potentiam est, premitur. Tunc enim, vt dicebamus, vectis pondere suo potentiam adiuuat. Contra verò accidit, cum pondus ipsum inter fulcimentum est & potentiam vel potentia ipsa inter fulcimentum & pondus. tunc enim vectis vnâ cum pondere attollitur. quæ licet vera sint, non tamen inde sequitur, vectis pondus, quicquam quod curandum sit, in operatione efficere, aut impedire.

Porro vectem ita finire possumus, longitudinem esse quandam inflexibilem, quæ fulcimento dato, datâ potentia datum pondus mouetur.


Ipsa quoque Libra, vt diximus, vectis est: eius autem naturæ, vt semper fulcimentum medium obtineat locum inter pondus & pondus. Statera autem merus est vectis, si sparsum pro fulcimento; appendiculum verò currens pro potentia mouente deputaueris.

### *De Circulo eiusque natura Aristotelis doctrina examinata.*

Aristoteles, quicquid mirum in Mechanicis operatur, id totum admirabili circuli naturæ esse tribuendum arbitratur. Ait autem, absurdum nullatenus esse, si ex re mirabili mirandum quippiam oriatur. In circulo autem qua-



quatuor inueniri qualitates admiratione dignas. Primā, quod ex contrarijs constitutatur, mouente videlicet & moto. Secundam, quod contraria in eius circumferentia inueniantur, quippe quæ cum vnica linea sit, concava simul est & conuexa. Tertiā, quod contrarijs feratur motionibus, antrosum nimirum, retrorsum, sursum, atque deorsum. Quartā, quod vnica existente semidiametro, nullum in ea punctum sumi possit, æqualis alteri, in latitudine, velocitatis. Sit enim circulus A B, cuius centrum C, semidiameter A C, sumatur autem in ea punctum D, itemque punctum E. Erit itaque in ipsa circulatione D tardius E, ipsum verò E tardius A, & ita citius id feretur semper, quod remotius à mouente termino accipitur.




Hæc ex illo, quibus ne ultro assensum præbeamus non vnica de causa cohibemur. Dicimus igitur, videri nobis, circulum non ex contrarijs constitui, puta ex manente & moto, sed ex moto simpliciter. Nulla est enim semidiametri pars, quæ non moueatur. Punctum autem, quod stat, semidiametri pars nulla est. Et sanè cur moto semidiametro fiat circulus, non ideo accidit, quod alterum extremum stet, alterum verò moueatur: sed ideo quod semidiameter perpetuò eandem seruet longitudinem. Ellipsis sanè centrum habet, sed ab eo ad circumferentiam quatuor tantum semidiametri quomodolibet sumpti ducuntur æquales. Si quis igitur semidiametrum daret proportionem crescentem & decrescentem, stante altero extremorum Ellipsis describeretur. Præterea & spiralis linea, quæ mixta est, altero semidiametri extremo manente, altero vero moto producit. Legem itaque circulo præ-

præscribit, non quidem quod hæc extremitas stet, illa vero moueatur, sed quod sua circulatione semper semidiametret eandem feruet longitudinem, quod vel ex ipsa circuli definitione colligitur.

Ad secundum miraculum, scilicet, quod in circulo circumferentia, quæ vacua linea est, concaua simul sit, & conuexa. Diceret quispiam id, si modò mirabile est non circulari tantum, sed cui libet curuæ lineæ primo competere, etenim & Ellipsis & Hyperbole, & Parabole, & spiræ, tum Cysois, Conchois, & infinitæ aliæ irregulares concauæ simul sunt & conuexæ. Sed & hæc in superficiebus quoque desiderantur.

Ad tertium, quod contrarijs feratur lationibus, antrosum, retrorsum, sursum & deorsum. Dicimus, facile solui. Nullus enim, re bene perspectâ, affirmauerit circulum contrarijs lationibus moueri.



Est enim circulus A B C D, circa centrum E; ponamus rotari, & A versus B, exempli gratiâ, antrosum, mouebitur autem & B versus C, & C versus D, tum D versus A. Non puto quenquâ dicturum, circulum hunc antrosum eodem tempore, & retrorsum ferri nec sursum aut de-

orsum, si enim quispiam per eius circuli circumferentiam ambularet, is certe centrum ipsum semper ad dexteram haberet, vel ad sinistram, si ad dexteram, antrosum ibit, si ad sinistram, retrorsum. Sed hæc sursum vel deorsum, est manifestum. Nihil autem prohibet eundem motum vario respectu contrarium dici posse, id tamen profectò fieri nequaquam potest, nempe A moueri versus B, hoc est,

B


antro-

antrotrsum, & eandem eodem tempore versus B, id est, retrotrsum: repugnat enim naturæ.

De quarto circuli miraculo, ibi erit nobis sermo, ubi ea perpenderimus primò, quæ Philosophus de Circuli productione differens in medium profert. Sunt autem eiusmodi:

Circulum quidem duplici notione produci, Naturali videlicet altera, & altera quæ est præter naturam, & ideo circularem lineam in ter mixtas computari.

Motus mixtus ait, vel proportionem seruata fit, aut non; Si proportionem seruata, rectam lineam; ea verò non seruata, circularem lineam produci.




Esto enim rectangulum  $ABCD$ , cuius latera in datâ sunt proportionem,  $AD$  cum  $AB$ . Moueatur  $A$ , duplici motu, Altero quidem tendens in  $B$ , altero verò ad motum lineæ  $AB$ , feratur versus  $D$ , seruata inter laterum proportionem. Itaque ponatur ex motu ab  $A$  versus  $B$ , peruenisse in  $E$ , ex motu autem quò proportionaliter fertur cum lineâ  $AB$ , facta ipsa  $AB$ , in  $FH$ , peruenisse in  $G$ , &  $E$   $G$  connectatur. Erit igitur parallelogrammum  $AEGF$ , Parallelogrammo  $ABCD$  proportionale simile, & circa eandem diametrum  $AGC$ . Semper igitur punctum  $A$  si duabus lationibus feratur, laterum proportionem seruata, lineam producet rectam, diametrum nempe  $AGC$ . Et hoc sanè nullam habet dubitationem, exijs quæ docet Euclides 1. 6. prop. 24.

His ita demonstratis hæc uti videtur Philosophus argu-



argumentatione : Si mixtus motus proportionē semotā, rectam producit, si nunquam semota, efficiet circulum; si enim modo seruetur, modo non, partim recta partim non recta produceretur. Ingeniosa quidem argumentatio, ni virium contineret. non enim mixtus motus, qui nunquam seruatā proportionē fit, semper circulum producit, sed & Ellipsim potest, & quamlibet aliam lineam, cuius nulla pars sit recta. Hanc difficultatem vidit Pico-  
lomeus in sua Paraphrasi, & eam soluere conatus est, sed quā bene, aliorum esto iudicium. Cæterum falsum est, asserere circulum ex mixto motu nunquam seruatā proportionē produci. seruat enim assidue mixtus motus quo producitur (si eum mixto motu producere velimus) aliquam proportionem, sed non eandem.



Est enim recta AB, cui ad rectos angulos AC. Moueatur autem A, versus C per lineam AC, & eodem tempore lineam AC, versus B, ita tamen, ut semper ipsi AB, sit perpendicularis. feratur autem eā lege, ut quam proportionem habet motus lineæ AC versus B, ad motum puncti A versus C, eandem habeat ipse motus ab A versus C, ad residuum lineæ AB, demptā nempe ea parte quam peragravit lineam AC mota versus B. Sit autem, cum AC suo motu peruenierit

in D, punctum A, similiter suo motu per eam latum peruenisse in E. erit ergo ex mixto motu, non quidem in D, nec in E, sed in F, eritque punctum F in circumferentia circuli, cuius est diameter ipsa lineam AB, quod quidem demonstratur ex conuersa propof. 13. lib. 6. Elem. Est enim AE hoc est DF media proportionalis inter EF, hoc est, AD, & DB. Item si fiat motus AC in GH, ad motum H per

lineam A G, vsque in C, vt se habet proportio A G ad G H & G H ad G B, erit ex motu mixto A in H, nempe in eiusdem circuli circumferentia A F H B. ex quibus habemus, circulum ex mixto motu fieri posse proportionibus quidem mediarum seruatis, sed nunquam iisdem.

Vera hæc procudubio sunt; nihilominus, veluti ad rectam producendam mixtus motus non est necessarius, licet mixto motu produci possit, ita neque ad circularem, & ideo verum non esse quod asserbat Philosophus, circulum ex mixto motu proportionem nunquam seruata necessariò produci.

Conatur post hæc Aristoteles rationem asserre, cur circuli partes, quò propiores centro fuerint, eo sint tardiores. Ait autem, si duobus ab eadem potentia latis hoc quidem plus repellatur, illud verò minus, æquum est tardius id moueri quod plus repellitur, eo quod minus. Detrahi autem plus lineam, cuius extremum propius est centro illa quæ suum habet terminum à centro remotiorem.



Esto, inquit, circulus B C D E & alter in eo minor M N O P circa idem centrum A. Ducanturq; Diametri maioris quidem C D, E B, minoris verò M O, N P. Itaque vbi A B circulara eò peruenierit vnde est gressa, ipsa quoque A M eo vnde moueri cœperat, perueniet. Tardius autem fertur A M, quam A D, propterea quòd A M à centro magis retrahatur quàm ipsa A B. Ducatur igitur A L F & à puncto L, ipsi A B perpendicularis L Q, cadens in mino-

ricir-

ri circulo, & rursus ab eodem L ipsi AB, parallela ducatur L S, Ab S verò eidem perpendicularis S T, & ab F item F X. Sunt ergo q L, S T, quidem æquales, nempe illæ, per quas, secundum naturam, mouentur puncta B M Motu verò retractionis ad centrum, hoc est, præter naturam, plus motum est M quàm B. Maior enim est M q, ipsa B T, quod, ceu notum, supposuit Aristoteles. nos autem infra demonstrabimus. Si igitur fiat vt motus præter naturam ad motum præter naturam, ita motus secundum naturam, ad motum secundum naturam, punctum B; cum M fuerit in L, non erit in S, sed in F. tunc enim, vt est E X motus secundum naturam ad X B, præter naturam, ita est q L secundum naturam ad q M præter naturam; sed B F maior est M L, ergo proportionè seruata, velocius mouetur B quàm M circa idem centrum A. Hæc autem summa est eorum quæ præfert Aristoteles. Caterum nos parallelogrammum, quod in figura eius habetur prætermisimus, quippe quod nihil ad eam quæ affertur, demonstrationem faciat.

Modò quod pollicebamur, nempe minorem esse B T, quàm q M, ita demonstramus. quoniam S T, ex prop. 13. l. 6. media proportionalis est inter B T & T E, erit quadratum T S æquale parallelogramo seu rectangulo B T, T E, item, quoniam q L media proportionalis est inter M q, & q O. erit quadratum q L æquale rectangulo M q, q O, æqualia ergo sunt rectangula B T E, M q O, itaque reciproca latera habent proportionalia. quare, vt T E, ad q O, ita M q ad T B, sed T E maior est ipsa q O, quippe quòd pars sit q O ipsius T E, maior ergo & M q ipsa T B, quod ostendendum fuerat.

Caterum subtilia & ingeniosa isthæc esse non negamus, & longè faciliiori & explicationi modo veritas hæc demonstrari potest, reiectis nempe illis, secundum, & præ-

ter naturam motibus, qui quidē in simplici circulo necessario non cadunt : caderent autem fortasse, si de circulo res esset à pōderibus circumlatis ex stabili centro descripto; qua de re agit G. Vbaldus in Mechanicis tractatu de libra. tunc enim dici potest, pondus quod aliās reā ad mundi centrum tenderet, à circuli centro in circulatione retrahi, sed hæc ad circuli naturam, quatenus circulus est, nequaquam spectant.



Est igitur circumferentia AFBH, cuius centrum C, diameter ACB, semidiameter AC. sumatur in AC punctum quodlibet, D, & centro C, spatio CD, circumferentia describatur DGEI. Dico punctum A velocius moveri puncto D eādem circulatione rotato. etenim vt diameter ad diametrum, & semidiameter ad semidiametrum, ita circumferentia ad circumferentiam : igitur vt AC ad CD, ita circumferentia AFHB ad circumferentiam DGEI. At mota linea CA circa centrum C mouetur simul & CD, eodem igitur tempore rotationem complent puncta AD, maius ergo spatium eodem tempore metitur A, ipsa D, quare velocior. Ita igitur se habet velocitas ad velocitatem, vt circumferentia ad circumferentiam, & diameter ad diametrum, quare id quod mouetur in puncto à centro remotiori, velocius illo mouetur quod ab eo distat minus, quod fuerat demonstrandum.




QVÆSTIONES  
MECHANICÆ.

## QVÆSTIO I.

*Cur maiores libra exactiores sint minoribus?*

**P**Rioribus, cœu fundamentis quibusdam iactis, opportunè ad quæstiones proponendas, easque diluendas se confert Aristoteles. Porro in propolita quæstione videtur prima fronte causam quæriri de re quæ non est: etenim quis affirmaverit vnquam, lances quibus Apothecarij & Macellarij vtuntur, magnas eas quidem, illis exactiores esse quibus Gemmarij, atque Argentarij siliquis, & scrupulis minutissima appendunt, quæ tamen perexiguæ sunt, & si illis comparentur minimæ? Veruntamen, ita prorsus res habet, vt asserit Aristoteles. Non enim propterea quod illæ magnæ sint, hæ verò exiguæ, hæ sunt illis exactiores, sed quoniam magnæ, rudes sunt, minores verò exquisita diligentia elaboratæ, & à materiz pertinacia liberiores. Cæteris ergo paribus, exactiores esse maiores, ex Philosophimente, ita docebimus.



Esto libra maior AB, cuius fulcimentum C. Minor verò libra DE, circa idem fulcimentum C, vnâ cum maiori, imaginatione, conuersa. Apponatur quoduis pondus maiori libræ in A, declinetq; exempli gratiâ in F, eritque minor libra in G, in eadem enim linea sunt CGF. Vtræque igitur ex eodem

centro C portionem circuli describet GD, AF, eritque ACF sector circuli, cuius diameter AB, sed DEG sector circuli, cuius diameter DE. Itaque ut diameter ad diametrum, ita portio ad portionem: maior autem diameter AB diametro DE: maior ergo portio AF, portione DG. quod autem maius est, minus obtutum fallit, exquisitius itaque tractum ex maiori AB quàm ex ipsa minori DE cognoscemus, quod fuerat ostendendum.

Cæterum hac eadem de causa, Astronomica instrumenta, puta Astrolabia, Armillæ, & alia eiusmodi, quo ampliora eò exquisitiora, & certiora probantur.



Est enim Astrolabium magnum, cuius diameter AB, parvum autem CD, circa idem centrum E. Ducatur à centro recta EF tangens maiorem circulum in F, minorem vero secans in G, utrigitur GD ad totum circulum GCD, ita FB. ad totum circulum FAB, ut ergò GD ad FB, ita gradus signati in GD, ad eos qui signantur in BF, maiores ergo sunt qui in FB, & minutarum partium capaciores. Hinc itaque apparet, instrumenta quælibet quò maiora fuerint, eò esse & exquisitiora, quod proposuerat Aristoteles, in hac quæstione de Libra.

Quod autem addit de fraudibus Purpurariorum, inquiens; quamobrem machinantur ij qui purpuram vendunt, ut pèdendo defraudent, dum ad medium, spatium;

non

non ponentes; tum plumbum in alterutram libræ partem infundentes; aut ligni quod ad radicem vergebat, in eam quam deferri volunt partem constituentes, aut si nodum habuerit, ligni enim grauior ea est pars, in qua est radix, nodus verò radix quædam est. Hinc quæri posset:

*Vtrum libræ quæ ponderibus vacuæ æquibant, omni prorsus careant fraude?*

Videri cuipiam posset, libras, quæ ponderibus vacuæ, æquibant, omni prorsus fraude carere, verumtamen ita non est, quod diligentius (res enim magni momenti est) disquiremus.

Est enim libræ AB, ita diuisa in C, vt AC sit partium 15, CB verò earundem sit 10. apponatur parti A lancx ponderans 10, parti vero B lancx ponderans 15. ex permutata igitur proportionē libræ suspensa in C, æquè ponderabit; si autem apponatur lanci B sacoma vnciarum 6, & in lance A constitutur purpura, quæ ita se habeat ad vncias 6, vt 10 ad 15, iterum æquè ponderabit, sed vt 10 ad 15, ita 4 ad 6. Purpurarius ergo fraudulentus, ponens in lance A vncias purpuræ 4, facto æquilibrium petet pretium vnciarum 6, & ita emptorem decipiet, quod sanè innuerat, non autem demonstrauerat Aristoteles. Hæc autem faciliora fient ex ijs, quæ in sequentibus quæstionibus, vbi de vecte agetur, explicabuntur.

Detegitur autem fraus, si alternatim sacoma in ponderando, modo huic, modo illi lanci apponatur. Si enim in lance A constitutur sacoma, in B verò purpura non fit æquilibrium.

C

QVAE-

## QVÆSTIO II.

*Cur, si sursum libra fulcimentum sit, apposito ad alteram partem pondere, descendat libra, & eo amoto, iterum ascendat, & ad æquilibrium reuertatur Si verò deorsum fulcimentum fuerit, depressa ad æquilibrium non reuertatur?*


**B** Imembrem proponit Philosophus quæstionem, quam trimembrem debuit, triplici siquidem loco fulcimentum aptari potest, superiori, medio, inferiori. Nos de omnibus verba faciemus.

Prima Quæstionis pars.

*De Libra sursum fulcimentum habente.*

Aristoteles primam quæstionis partem ita soluit: An quia sursum parte quidem existente, plus libræ extra perpendiculum sit? Spatum enim perpendiculum est: quare necesse est deorsum ferri id quod plus est, donec ascendat qua bifariam libram diuidit ad ipsum perpendiculum, cum onus incumbat ad libræ partem sursum raptam.

Sit libra recta (hoc est, in æquilibrio constituta) B C,



spatum autem A D, fulcimentum autem D, de super: spatio autem deorsum proiecto ad M perpendicularis erit vbi A D M. Si igitur in ipso B ponatur onus, erit B quidem vbi E, C autem vbi H, quamobrem ea quæ bifariam librā

secat, primo quidem erit D M, ipsius perpendiculi; incumbente autē onere, erit D G. quare libræ ipsius E H, quod  
extra






bra in partes æquales, vt antea, diuidatur in C, fiatque æquilíbrium.

Hæc Philosophi demonstratio est vera illa quidem, sed non ex Mechanicis principijs, hoc est, ex centri grauitatis speculatione; nos igitur clarius rem exponemus, his quæ sequuntur consideratis.

Si pondus circa stabile centrum conuertatur, dimissum non stabit, nisi secundum grauitatis centrum fuerit in perpendiculari, quæ per centrum, circa quod conuertitur, ad mundi centrum cadit. Stabit autem in ea perpendiculari in duobus punctis, altero à centro mundi remotissimo; altero verò eidem quantum licuerit proximo.



Est corpus A, cuius grauitatis centrum B, nixum lineæ inflexibili BC, cum qua libere conuertatur circa centrum C. Ducatur autem per mundi centrum perpendicularis BCD. Sit igitur primò pondus A secundum gracilis B centrum, in perpendiculari ipsa supra centrum C, puta in B. Moueatur & descēdat in E. Post hæc verò in F, hoc est iterum in ipsa perpendiculari infra centrum C. Describet ergo circulum ex centro C, nempe BEF secantem perpendicularē in duobus punctis oppositis BF, dico, pondus libere dimissum

minimū in duobus tantum punctis suapte naturā perman-  
surum, BF, in B, primò, quoniam cum corpus ipsum A à  
perpendiculari, quæ superficiē loco intelligitur ABCD  
per centrum grauitatis diuidatur, in partes diuiditur æ-  
queponderantes, quare in neutram partem inclinabit.  
Stabit igitur erectum, lineæ ipsi fultum, inflexibili BC,  
quæ nititur puncto C. In E verò non stabit, quippe quod  
eo sita centrum ipsum grauitatis sit extra perpendicula-  
rem, & ideo extra fulcimentum stabile C. In F verò ite-  
rum stabit, pendens à centro C, propterea quòd & ibi ab  
eadem perpendiculari diuidatur per grauitatis centrum  
in partes æqueponderantes. Est igitur respectu B, ipsum  
punctum C, fulcimentum deorsum, respectu verò E, ful-  
cimentum sursum. At quia linea DEF CB, à centro mundi,  
quod est extra circulum, BEF, circulum ipsum per cen-  
trum C secat, erit pars eius DF quidem breuissima, ipsa  
verò DB longissima, ex propo. 8. lib. 3. Elem. Pondus igitur  
A conuersum seu liberè motum circa centrum C, in  
duobus tantum locis perpendicularis lineæ stabit remo-  
tissimo altero, vt est B, altero verò eidem quamproximo,  
vt est F.

Hoc idem egregiè demonstrauit. G. Vbald. in suis  
Mechanicis, Tractatu de Libra prop. 1.

Ad hæc autem dubitare quis posset, cur experiētiā  
docente, pondera quæ infra fulcimentum habent, vt lan-  
cea sarissaue ad planum horizontis perpendiculariter e-  
recta, licet eo casu grauitatis centrum in ipsa perpendicu-  
lari constituatur, non stet quidem, sed alitersus ca-  
dat?






Sit enim horizontis planum  $AB$ , cui in puncto  $C$  perpendiculariter erecta statuatur sarissa  $DC$ , cuius grauitatis centrum  $E$ , in ipsa perpendiculari. Stabit ergo, ex præmissis, & certè stare debuit, statetque, ni vitium obstaret materię; non stat autem, quia difficillimum est grauitatis centrum, suapte naturâ indiuisibile, ita ad amissim sistere, vt in neutram partem à perpendiculari declinet. Hęc igitur ex ijs speculationibus est, quę ad praxim, materię vitio impediēte, aut vix aut nunquam rediguntur. Hinc autem ea quęstio soluitur, Cur ij qui sarissam erectam digito summo sustinere conantur, non stent quidem, sed digiti motu, sarissę motum sequantur.

Id certè agit, qui nutantis sarissę, digito, motum sequitur; vt in ipso motu digitum assidue centro grauitatis sarissę supponat, vnde fit vt nunquam extra fulcimentum permanens, nunquam cadat.

Similis huic alia quoque dubitatio soluitur: Nempe, Cur turbines, quibus pueri ludunt, dum quidem rotantur, stent erecti, rotatione vero cessante, cadant.



Esto enim Turbo  $AB$ , cuius grauitatis centrum  $C$ , planum horizontis  $DE$ , linea Horizonti perpendicularis  $ABC$ , transiens per centrum grauitatis  $C$ , sit autem fulcimentum in  $B$ . Itaq; cum centrum grauitatis  $C$  sit in ipsa perpendiculari, stabit ex demonstratis,



stratis, at ex vitio materiæ non stabit. Modò, ut affolet, rapido motu rotetur. Dico, Turbinem, motu seu rotatione durante stare. ea autem paulatim elanguescente in casum vergere; cessante verò penitus cadere. fit enim ex inæqualitate materiæ, vel operis ruditate, vel aliâ quauis ex causa, gravitatis centrum non esse in C, sed exempli gratiâ ubi F, notentur autem hinc inde Turbinis latera notis G H. Utique cum F extra perpendicularem fuerit, cadet Turbo ad partem G; at id ne fiat, efficitur velocitate motus, quo centrum F transfertur in contrariam partem, ubi I. non autem cadit versus H, quoniam eadem velocitate iterum transfertur in F, quamobrem cum huiusmodi centri assidua circa perpendicularem fiat translatio, ad nullam partem Turbo cadere potest; elanguescente verò motu rotans, paulatim incipit inclinari, donec eo penitus cessante, ad eam partem cadit, ad quam à perpendiculari gravitatis centrum vergit. Describit autem in rotatione gravitatis centrum, quod in medio non est paruum circulum, per cuius centrum ipsa perpendicularis pertingit.

Modò redeuntes ad libram, cuius fulcrum est sursum, alio principio, nempe Mechanico, cur depressa ad æqualitatem reuertatur, demonstrabimus.



illi facit centrum grauitatis contra naturam elatum in H mouebitur quædam libra. Sin autem tam parui momenti sit, vt eam resistantiam non vincat, stante circa locum infimum centro C, non mouebitur aut saltem parum, ipsa libra.

Hinc colligimus fieri posse, libras illas, quæ non quouis, quantumuis paruo pondere declinant, eas fulcimentum habere sursum.

His addimus, cæteris paribus, resistantiam eò esse maiorem, quo minus grauitatis centrum distat à fulcimentò sursum, circa quod ipsa libra aduertitur.

Estò libra AB, cuius grauitatis centrum C, & primò quidem eius fulcimentum sursum sit vbi D, itaque si appposito pondere declinauerit libra ad partes B, punctum C, dum ascendet describet portionem circuli C E. fulciatur iterum sursum puncto F, & iterum declinet ad partes B, & iterum punctum C, dum ascendet, circuli portionem describet C G. Est autem minor angulus contactus A C E, angulo A C G, magis ergo sursum, hoc est, ad naturam sui feretur C, per C G, ex centro F, quàm per C E, ex centro D, quod fuerat demonstrandum.


Hæc autem resistantia ex eodem fulcimento, & eodem pondere eo facilius superabitur, quo longius brachium librarum fuerit.

Estò enim iterum libra AB, cuius fulcimentum D, centrum grauitatis C, sit & alia libra, cuius brachia breuiora E F, idem habens centrum C, & eidem puncto suspensa D. Dico igitur, eodem pondere appposito, facilius

D decli-







vesces D G, D H, quorum quidem commune fulcrum D, pondus verò C, potentia vbi H G. Sunt autem hi vesces eius naturæ, in quibus pōdus est inter fulcrum & potentiam, itaque vt se habet D C, ad D G, ita potentia in G

ad pondus in C, item vt D G ad D H ita potentia in H ad idem pondus C, sed minor est propositio D C, ad D G quàm D C ad D H. minor ergo potentia requiritur in G, hoc est, in B, quàm in H, hoc est in F. Data igitur ponderis æqualitate facilius superabitur resistentia C in B, quàm in F: quod ostendendum fuerat.


Ad huius libræ naturam illæ quoque rediguntur, quarum iugum non rectum quidem, sed curuum, vel ex rectis sursum in angulum ad fulcrum detinentibus, nec refert vtrum curuitas sit circuli portio quælibet, aut ellipsis secundum alterum diametrorum; quod ita demonstramus.



Esto libra, cuius iugum curuum angulatūue ABC, cuius fulcrum B, æqualia autem brachia AB, B C, & pondera item vtrinque appensa æqualia. Demittatur ex puncto B ad mundi centrum perpendicularis B D. Stante igitur libra ABC in æquilibrio, erit eius graui-

tatis centrum in ipsa perpendiculari BD, puta in E. Apponatur pondus in C, declinabit autem libra, sit autem iuxta positionem FBG. Centrum igitur gravitatis E per portionem EH, erit in H. Ascendit ergo centrum gravitatis in H, hoc est, sursum, id est, contra eius naturam; amoto igitur pondere ex C, gravitatis centrum extra perpendicularem constitutum rursus descendet, & iterum libra ABC ad æquilibrium reuertetur. Hoc idem egregie ostendit G. Vbald. in tractatu de libra, propof. 4.

Hinc ratio pendet earum imaguncularum, quas ex contusa papyro ligneæve leui materia compingunt, perque manus earum ambas, ferreum filum trajicientes, utrinque plumbea appendunt pondera æqualia; ea quidē lege, ut centrum gravitatis infra pedes imaguncula statuat. Tunc enim extenso filo imponentes ceu funambulos per illud, vtrò citroq; decurrere faciunt, imaguncula interim erecta & in neutram partem cadente, quod ut figurâ clarius fiat;



Esto imaguncula AB, per cuius manus trajiciatur filum ferreum curuum cū æqualibus ponderibus hinc inde appensis CD. Nitatur autem pedibus filo HI in B, sitq; totius machinæ gravitatis centrum E, sitque perpendicularis per gravitatis centrū transiens AB E. Itaque inclinata imaguncula, & conversa circa punctum B, si declinet

clinet ad partes I, centrum grauitatis eleuabitur in F. Si  
verò ad partes H. eleuabitur in G. quare cum FG loca  
sint remotiora à mundi centro, quàm sit E, non stabit gra-  
uitatis centrum in punctis FG, sed ad infimum locum re-  
uertetur, hoc est, in ipsa perpendiculari in E, & imaginu-  
cula ad perpendiculum ipsi HBE filo, hoc est, ipsi hori-  
zonti reuertetur.


Hinc etiam Arietum, Testudinumque demolitoriarum Machinarum vis pender, nempe ex ratione librarum, quæ fulcimentum habent sursum.

Estoenim Arias A B  
funi appensus CD, cu-  
ius grauitatis centrum,  
D, perpendicularis verò  
quæ ad mundi centrum  
ipsa CDE. Stante igitur  
in æquilibrio machina,  
centrum grauitatis erit  
in ipsa perpendiculari.

Applicetur alicubi potentia retropellens, eleuabitur igitur centrum grauitatis per circuli portionem DF, cuius semidiameter est CD, fietque iuxta positionem CF. Arias verò in GFH. Dimissai itaque Machina centrum F vt pote graue, non stabit, sed suapte naturâ reuertetur in D. Quadruplici autem de causa motus Arietis violentissimus est ex vi naturalis ponderis, quo deorsum fertur, tum velocitate naturalis motus in descendendo aucta, tum ex vi potentia impellentis, & naturalem motum adiuvantis, tum ex velocitate ex motu violento deorsum & antrorsum impellente acquisita. Id etiam addimus, eo validiores fore ictus, quò grauior fuerit Machina, & maius spatium, quo retrotra-

D 3

hitar,



hitur, grauitate ipsa & spatio rum virium vnione operationem mirum in modum adiuuantibus.

Hæc nos de Libra sursum fulcimentum habente, dicta volumus, nunc de ea, cuius fulcimentum deorsum est, verba faciemus.

Altera quaestionis pars:

*De Libra cuius fulcimentum deorsum est.*

Si deorsum fuerit, inquit Aristoteles, id quod substat, contrarium facit illi quæ sursum habet, nempe ad æquilibrium non reuertitur. Plus enim, ait, dimidio fit libræ, quæ deorsum est pars, quàm quod perpendiculum secet, quapropter non ascendit. eleuata enim pars leuior est.


Hæc ille, qui schemate quoque rem aperit, at eo apud interpretes, & Picolomineum Paraphrastem, ita mēdosè lineato, vt inde obscuritas lucis loco, legentibus offendatur. Nos, quod & suprà quoque fecimus, nostra figurâ, sole ipso clariorem, ex Aristotelis ipsius mente rem totam efficiemus.



Sit libra recta, (hoc est, in æquilibrio constituta) vbi NG. Perpendiculum autem (id est, perpendicularis quæ ad mundi centrū) KLM. Bifariam igitur secatur NG. imposito posthæc onere in ipso N, erit quidem N, vbi O. ipsum autem G vbi R. KL autem vbi LP. quare



quare maius est  $KO$ , quam  $LR$ , ipsa parte  $PKL$ . Amoto igitur onere necesse est manere. Incumbit enim onus excessus medietatis eius, ubi est  $F$ . Sensus est igitur, idcirco partem iugi  $KL O$  inclinatum, ad æquilibrium non reuerti, propterea quod maior sit ipsa  $KL O$  pars quæ trahit, ipsa  $RKL$ , quæ trahitur & eleuatur.



Potest hoc idem longè simpliciori themate demonstrari. Est enim libra  $AB$ , cuius centrum  $C$ , fulcimentum vero deorsum  $D$ . Perpendicularis per centrum & fulcimentum transiens  $EF$ . Apponatur pondus in  $B$ , declinabitq; puta ad  $GH$ , centrum vero  $C$ , ex stabili fulci-

mento  $D$ , circuli portionem describet  $CI$ , libra autem secabit  $EF$  perpendicularem in  $K$ . Equales autem sunt  $IG$ ,  $IH$ , at ex parte  $HI$  desumpta est  $KI$ , additaque ipsi  $IG$ , maior est ergo tota  $KG$ , tota  $KH$ . Non igitur  $KH$  habet  $KG$ , sed libra, nisi impedita fuerit, cum centro  $C$  descendente per  $I$  in  $M$ , ad ipsam perpendicularem delata, ad inferiorem partem, mutatis vicibus quiescet, facto nempe fulcimento sursum, fieriq; horizonti æquedistans iuxta positionem  $LMN$ .

Demonstratio quidē est hæc, sed non ex proprijs principijs Mechanicis, necpe ex ratione cētrifugalitatis petirà. Iisdem enim stantibus, cū centrum gravitatis  $C$  fiat extra perpendicularem, descendens ad  $I$ , nunquam reuertetur in  $C$ , ascenderet enim; sed si liberè circa centrum  $D$  conuerteretur, descendens ut dictum est per circulum  $CIM$  pondus  $B$ , fieret in  $D$ ,  $A$  vero in  $N$  adepta positione  $LMN$ .


Cur

Cur autem huius libræ, quæ aliàs inutilis est, meminerit Philosophus, ea videtur causa, quod inde vestis virtutem eliciat, ut suo loco videbimus. Id autem valde mirum, hominem acutissimum nihil prorsus de ea librâ egisse, quæ fulcimentum nec sursum habet, nec deorsum, sed in ipso exquisitè medio, ita ut centrum gravitatis in ipso met fulcimentò consistat. Nos igitur de hac quod operæ pretium fuerit, & ad rem, qua de agimus, utile, in medium proferemus.

*De librâ cuius fulcimentum est in medio.*

Dicimus itaque, librâ, cuius fulcimentum nec sursum est, nec deorsum, sed prorsus in medio, nempe in ipso gravitatis centro, ubi brachia & pondera utrinque appolita fuerint æqualia, si ab æquilibrio mouentur, quomodocunque posita, stare nec ab eo, quem ad eptâ est, situ dimoueri.

Quæstionem hanc perperam tractârunt recentiores quidam, Hieron. Cardanus, Nicolaus Tartalea, & alij nonnulli, qui Iordani Nemoracij assertiones sunt secuti, quorum demonstrationes vel paralogismos potius egregie confutauit in libr. Mechanicor. Tractatu de librâ propos. 4. Guid. Vbald. ad cuius probatissima scripta Lectorem ablegamus. fusissimè enim ibi hac de re & absolutissimè agit. Nos autem quidem paucis ea, quæ ad hanc cognitionem pertinent, explicabimus.



Esto enim librâ A B, cuius brachia æqualia, & centrum gravitatis in C, brachijs verò A C, C B æqualibus, æqualia pondera hinc inde apponantur. Tum fulci-

fulcimento in medio, hoc est, ubi gravitatis centrum  $C$  applicato per centrum ipsum  $C$  ducatur perpendicularis, quæ ad mundi centrum,  $DCE$ , sitque primum libra æquedistans horizonti, constituta. Tum ex altera parte pressa moveatur & fiat iuxta positionem  $FCG$ . Dico eam dimissam permātere, etenim cum gravitatis centrum sit in ipsa perpendiculari, in neutram partem verget, sed nec vergere potest, quippe quod non circa fulcimentum seu centrum motus, moveatur gravitatis centrum, sed in ipso sit fulcimento; situm ergo non mutat. Præterea cum perpendicularis  $DCE$  per gravitatis centrum ducatur, corpus ipsum ex ponderibus & libra constans ab ea in partes æque ponderantes secatur, & ideo ex centri gravitatis definitione, quam protulit Pappus, corpus ipsum centro gravitatis appensum, dum fertur quiescit, & servat eam, quam à principio habuit positionē. Et sanè si partes quomodolibet libræ per gravitatis centrum diuisæ, sunt æque ponderantes nec trahent inuicem, nec trahentur, stabit ergo libra, & quam adepta fuerat positionem, eam servabit. Id tamen non negamus, difficile esse libras eiusmodi ex materia fabricare, quippe quod non omnia quæ vera sunt, & euidentissimis demonstrationibus patent, commodè ad praxim, ex artis & materiæ imperfectione, reducuntur.

Cæterum harum librarum ea est virtus, ut vel minimo pondere alitricus appposito, declinet; quod illis quæ centrum sursum habent, non euenire, demonstrauimus.

Circa hæc posset cuipiam oriri Dubium, num chordulæ, quibus lances appenduntur, variationem aliquam circa ea quæ demonstrata sunt, inducere valeant.

Dicimus nullam inde fieri: Esto enim libra  $AB$ , cuius centrum & fulcimentum  $C$ , ab cuius extremitate  $A$  dependeat, funiculus  $AD$ , ab alia verò  $B$ , funiculus  $BE$ ,

E

qui-








Figura quam exhibet, vix fere quid sibi velit explicat. Nos ad eius merem aliam proponemus eamque longè clariorem.


Estō vectis *AB*, cuius fulcimentum deorsum in *C*, pondus *D*, potentia ex vecte, pondus sustinens *E*. Perpendicularis per fulcimentum *FCG*. Itaque quoniam potentia in *E* non superat pondus *D*, nec ab eo superatur, stat vectis cum potentia Horizonti æquidistans, hoc est, in æquilibrio, vectis autem in puncto *C* diuiditur in partes æque ponderantes. Modo præualeat potentia ponderi, & vectem deprimat, fiat autem in *LCH*, erit igitur *B*, in *L*, *A* in *H*, *D* in *K*, & *CF*, quæ vectem in partes æque ponderantes diuidebat, in *CI*. Iam igitur non æque ponderant partes, siquidem pars vectis *FCI*, auferitur parti *HCI*, & adiungitur parti *ICL*, quæ ideo fit ponderosior, vnde & potentia ad ponderis eleuationem adiuuatur. Eadem igitur vtitur hic demonstratione, quam in explicando effectu libræ, cuius fulcimentum deorsum est, adhibuerat. Nec alia de causa, vt supra notauimus, videtur eius libræ in superiori quæstione, considerationem introduxisse. Et sanè verum est quod concludit, Veruntamen minimè est momenti ad tantam vim parua illa adiectio, quæ parti vectis depressæ in ipsa depressione adiungitur. Aliunde igitur tantæ rei causa est petenda, quod & nos deinceps faciemus. Videtur autem ipse quoque Aristoteles non libræ prorsus in assignata ratione satisfecisse, & ideo subiungit: quoniam ab æquali pondere celerius mouetur maior earum quæ à centro sunt: duo verò pondera, quod mouet &

quod mouetur, quod igitur motum pondus ad mouens longitudo patitur ad longitudinem, semper autem quantum ab hypomochlio (id est, fulcimento) distabit magis, tanto facilius mouebit. Causa autem est, quæ retro commemorata est, quoniam quæ plus à centro distat maiorem describit circulum. quare ab eadem potentia plus superabitur id quod mouetur, quæ plus à fulcimento distat. Hec ille, qui asserit duo pondera in veste considerari, Pondus nempe motum, & mouentem Potentiam (hanc enim ponderis habere vim atque rationem certum est) Vires autem potentiam acquirere ex brachij longitudine, & ex inde consequenti velocitate, quo enim brachia longiora, eo in extremitate velociora, atque idcirco ita se habere motum pondus ad potentiam mouentem, ut brachij longitudo ad brachij longitudinem : brachia autem vocamus, partes illas vestis, quæ à fulcimento ad utranque vestis extremitatem pertingunt, & ideo quantum à fulcimento potentia distabit magis, eo facilius pondus mouebit.

Vera utique & exploratissima hæc assertio est. Veruntamen, causam huiusce mirabilis effectus, esse velocitatem, quæ brachij longitudinem consequitur, non affirmamus. quæ enim velocitas in re stante? Stant autem vestis, & libra dum manent in æquilibrio, & nihilo secius parua potentia ingens sustinet pondus.

Dicit ad hæc quispiam, velocitatem in longiori brachio si non actu, saltem potentiâ esse maiorem. At quæso quid in re quæ est actu, momenti habet potentia? actu enim sustinet, sustinens. Consequitur, (id utique fatemur) necessario velocitas maior motu brachij maioris, non tamen causa est cur vis loco ubi velocitas maior sit, apposita magis moueat. Sanè ex velocitate, dum mouentur, pondus acquirere corpora, tum proiecta, tum cadentia certum est, quod etiam in quaestione 19. cum Philosopho cō-


siderabimus. Sed hoc ex velocitate & motu fit, quæ sunt actu. At brachia in ipso æquilibrio sustinent actu quidem, sed non mouentur. Cæterum videtur Aristoteles id subodorasse, quod postea Archimedes, Mechanicorum princeps, in propof. 6. primi Æqueponderantium explicite protulit & probauit: nempe in æquilibrio ita esse pondus ad pondus, vt brachium ad brachium, ratione permutata.



Est enim vectis  
A B, quomodolibet  
fulcimento diuisus in  
C. appédatur autem  
in A, pondus D, in B  
verò pondus E, ita se

habens ad pondus D, vt ipsa A C ad C B. Stabit igitur vectis, & neutram in partem verget, erit enim centrum grauitatis in C, diuiso nempe ibi vecte in partes æque ponderantes. Hoc post Archimedes, & insignes illos veteres Mechanicos præclarissimè demonstrauit G. Vbaldus in Mechanicis, Tractatu de Libra propof. 6. nec non de Vecte propof. 4.


Cæterum vt aliquid interim, quod nostrum sit, afferamus, liceat nobis egregios illos viros interrogare, quænam mirabilis eius effectiõnis sit causa? Dicent permutatam proportionem. Teneo, at nondum acquiesco: petam enim, Cur ea rationis permutatio mirabilem illum effectum pariat. Hoc quod illi non docent, puto nos, ignorantia somno sepultos, somniasse.



Æqualitatem status  
esse causam, nemo, vt  
puto, inficiabitur. res est  
enim per se clara. Est si  
quidem linea quæpiam A B, applicetur extremitati A po-

rentia quædam quæ lineam ad se trahat ad partes nempe A, Tum in B quædam alia potentia ipsi quæ in A potentie, æqualis, quæ lineam trahat simili modo ad partes B. Datâ igitur harum potentiarum æqualitate, linea A B, nec ad partes A, nec ad partes B transferetur, sed prorsus immobilis stabit.

His ita constitutis, Dico vecte quomodolibet diuiso, ponderibusque vtrinque apposis, permutatâ proportionem sibi inuicem respondentibus, rem esse redactam ad æqualitatem, & inde statum fieri, hoc est, æquilibrium.




Esto enim vectis A B, quomodolibet diuisus in C, & ipsi quidem C fulcimentum supponatur. Appendantur quoque vtrinque pondera ex ratione brachiorum A C, C B, sibi inuicem permutatim respondentia, sintq; D E. Dico vectem ex æqualitate, in neutram partem inclinaturû, sed permansurum in æquilibrio. quoniam enim Pôdus D idem potest quod brachium C B, addatur in directum ipsi A C, recta A F æqualis ipsi C B, item quoniam Pondus E id potest quod brachium A C, rectæ C B addatur in directum B G, ipsi A C æqualis. Igitur cum partes C A, A F totius F C, æquales sint partibus C B, B G, totius C G, erit totum F C, toti C G æquale. Diuisus itaque



que erit vectis FG in partes æquales FC, CG in puncto fulcimenti C. Et quoniam æquale in æquale non agit, stabit vectis & in neutram partem inclinabit. Rursum quoniam ad partem FC, duæ sunt brachiorum potentiae FA, HC, appendantur puncto F, duo pondera H, I, ipsis DE æqualia, item puncto G, alia duo pondera iisdem DE æqualia KL, iterum æqueponderabit, quippe quod æqualibus brachijs FCCG æqualia appensa sint pondera HI KL. Cur igitur seruata permutatim brachiorum & ponderum proportionem fiat æquilibrium, ex his quæ demonstrauimus, clarè patet.

Sed forte dicet quispiam, si brachia, pondera sunt, vel ponderibus æquipollentia, sustinenti duplicabitur pondus.



Esto enim vectis AB, ita diuisus in C, vt pars maior CB minori AC sit in proportionem quintupla. Appendatur autem in A pondus D, quintuplū ponderi E appenso in B. Si igitur brachio AC, quod est vnum, addatur pondus

D, quod est quinque, fient sex, item si brachio CB, quod est quinque, addatur pondus E, quod est vnum, fient sex. Fulcimentum igitur sustinebit duodecim, quod est absurdum ex ijs quæ clarè demonstrauit G. Vbald. in Mechan. tractatu de Libra propos. 5. His respondemus, brachia quidem operari non pondere, sed potentiâ, quæ vis quædam est, non autem pondus. Etsi & illud verum sit, dato vecte ponderoso, fulcimentum tum ponderum appensorum, tum vectis ipsius pondus sustinere.


Iacta huiusmodi, quam diximus, æqualitate, sequitur

quitur necessario, centrum grauitatis ipsius vectis cum appensis ponderibus, ac si ynum idemque esset corpus cadere in perpendiculari quæ per centrum ipsum & fulcimentum transiens ad mundi centrum pertingit.

## QVÆSTIO IV.

*Quærit hic Aristoteles, cur y qui in nauis medio sunt remiges maxime nauem moueant?*

**A**It, ideo fortasse fieri, quod remus vectis sit, fulcimentum verò scalmus, stat enim. Ponderus autem mare ipsum, quod à remo propellitur, mouens verò ipsum remigem, semper autem plus mouere ponderis qui mouet, quo magis distat à fulcimento. Ita enim maiorem fieri quæ ex centro; Scalmum verò centrum esse. Cæterum in medio nauis plurimum remi intus esse. Ibi enim nauem esse latissimam. Moueri autem nauim, quoniam appellere mari remo, extremū illius quod intus est antèrius promouetur, cuius motum nauis sequitur, cui scalmus alligatur. Vbi autem plurimum maris diuidit remus, eo maxime necesse esse propelli, Plurimum autem diuidi vbi plurima pars remi à scalmō est. Rem facilem, eo quod verbis potuerit, schemate non declarauit, nos autem apponemus.




Esto enim nauis AB, mare CD, remorum alter, qui ad proram EF, cuius scalmus G, alter verò in medio nauis, HI, circa scalmum K. Ait igitur, remos esse vectes, scalmos verò fulcimenta, ponderus quod remo, ceu vecte, mouetur mare ipsum. Itaque quoniam nauis lata est in medio vbi Scalmus K maior pars KH intra nauim est, minor verò KI, extra. Contra autem remi ad proram, nempe EF pars minor EG intra

intra nauim, pars verò maior GF extra nauim est. Pondus autem eò facilius mouetur, quo maior est vectis pars, quæ à fulcimento est ad mouentem potentiam.

Acutè sanè Philosophus. Ego autem si per modestiam liceret, dicerem, non quidem esse fulcimentum scalmū, sed mare ipsum, pondus vero nauim, ad locum scalmi, nēpe inter mouentem potentiam, & fulcimentum positum, etenim & eo pacto possumus vti vecte, quod obseruat & demonstrat G, Vbaldus tractatu de vecte propos. 2. Erunt igitur in descripta figura puncta FI, quæ in mari sunt, fulcimenta, quibus remorum extrema in ipsa impulsione nituntur, pondera verò seu pondus pluribus vectibus & potentijs impulsu nauis ipsa, quæ scalmis est annexa. Resistente igitur mari, cedente autem impulsione scalmi, nauis eo transfertur, quo scalmi ab ipsa potentia mouente in anteriorem partem pelluntur. quoniam autem vt FG ad FE ita potentia mouens in E ad pondus motum in G. item vt IK ad IH ita potentia mouens in H ad pondus motum in K, maior autem est proportio FG ad FE quàm proportio IK ad IH. Maiori indiget potentia vt pellatur pondus in G quàm pondus in K.

Hæc certè vti diximus ita se habent. Philosophi autem ratio tunc procederet, si stante naui immobili, vt fit vbi à Remoræ occulta vi aut ab alio impedimento retineretur, remiges in ipso remigandi actu mare pulsarent, Tunc enim verè scalmus fieret fulcimentum, mare autem pondus, remex verò ipse mouens.

Addimus, falsum videri quod asserit Aristoteles, nempe illos qui in media naui sunt, remiges, maximè nauim mouere; facilius, melius dixisset. Si enim maximè, quod ait, denotat, maximo spatio, & velocius prorsus falsum, etenim tardius mouent & minori spatio, quod nos ita demonstramus.



Est enim Remus AB qui mari fulcitur in B, Scalmus remi qui ad prorā puppimue C, qui in media naui D, maior autem remi pars est à scalmo Dad A quam ipsius G ad A, Pellantur remi & stante ceu centro BA, in E. eodem igitur tempore C erit in F, & D in G, sed maius est spatium CF spatio DG, Ergo vnica impulsione, plus mouit scalmum, hoc est, nauim, potentia ad puppim pro ramue remigans, quàm ea quæ operatur in media naui vt sentire videbatur (si modo is est eius sensus.) Aristoteles. Necessarium igitur est, quod ait, maximè intelligendum, facilius, Veritatem hanc cognoscentes Triremium præfecti robustiores quidem remiges ad proram & puppim, inualidiores verò circa mediam triremem collocant.


#### QVÆSTIO V.

*Dubitatur, Cur paruum existens gubernaculum, & in extremo nauigio tantas habeat vires, vt ab exiguo temone, & ab hominis vnus viribus alioqui modicè vtentis magna nauigiorum moueantur moles?*

**A**N, inquit, quoniam gubernaculum vectis est, onus autem mare, Gubernator vero mouens est? Non autem secundum latitudinem veluti remus, mare accipit gubernaculum; non enim in ante nauigium mouet, sed ipsum commotum mare accipiens inclinatur obliquè. quoniam enim pondus est mare contrario innixum modo nauem inclinat. fulcimentum enim in contrarium versatur, mare verò interius, & illud exterius. illud autem sequitur nauis quæ illi est alligata & remus quidem secundum latitudinem onus propellens & ab eodem repulsus in re-  
ctum




Atum propellit, Gubernaculum verò, vt obliquum iacet hinc inde in obliquum motionem facit. in extremo autè, non in medio iacet, quoniam mouenti facillimum est motum mouere: prima enim pars celerrimè fertur, & quoniam, quemadmodum in ijs quæ feruntur in fine deficit latio, sic ipsius continui in finem, imbecillima est latio. Imbecillima autem ad expellendum est facilis. Propter hæc igitur in puppi gubernaculum ponitur, nec minus, quoniam parua ibi motione facta, multo maior fit in ultimo, quia æqualis angulus semper maiorem ad spectat, tãtoque magis, quanto maiores fuerint illæ, quæ continent. Ex ijs etiã manifestum est, quam ob causam magis in contrarium procedit nauigium, quam remi ipsius palmula, eadem enim magnitudo ijsdem mota viribus in aëre plus quàm in aqua progreditur. Hæc Philosophus, qui haudquaquam ex more suo, quod duobus ferè poterat, sexcentis verbis exposuit. Licebat enim id tantum dicere, Gubernaculum (ita vocat id totum quod gubernaculo & remone constat) esse ceu remum, quo naus non antrorsum, sed obliquè & ad latus mouetur. quam ob rem omnia ferè quæ de Temone dicenda fuerant, de remo loquens proponit. *Ait autem:*




Sit remus A B, scalmus vero C, remi in nauigio principiũ A, palmula autem quæ in mari B. Si igitur A, vbi D translatum est, non erit B vbi E. æqualis enim BE ipsi AD, æquale igitur translatum erit, sed erat minus. erit igitur vbi F, minor enim BF, ipsa AD, quare ipso GF ipsa DG. Hæc

demonstratio licet vera videatur, rei tamen, de qua est sermo, minimè aptatur. Si enim aptaretur in ipsius remi motu, cum palmula esset in F, scalmus fieret in G, excurreret ergo vel scalmus per remum, vel remus per scalmum; facta nempe eiusmodi translatione de C in G, & sic intra nauim modo esset pars remi DC, modò verò GD, quod tamen non fieri ipsâ experientiâ docemur. Illud quoque falsum est, nauim ipsam tantum moueri in aëre, quantum est spatium AD, hoc est, remi extremum quod est in nauì, siquidem scalmi motu, non autem manubrij remi, nauis agatur. Aliter igitur res se habet, & forte hoc pacto.



Sit remus AB, cuius manubrium A, palmula B, scalmus C. Pellatur antrotrorsus A, fiatq; in D, tunc si æqualiter mouerentur manubrium & palmula, ipsa palmula fieret in G, at minus mouetur: fiet ergo in E. ipse verò scalmus C translatus erit in F, motaq; erit nauis à C in F, non autem ab A in D. Posuit autem Aristoteles scalmum ad medium remi, sed non ad medium collocari solet, maior enim pars in mare propendet puta HB, quo casu translationis spatium fit maius, nempe ab H in I. fit autem motus scalmi excentris qui sunt in spatio ipso BE, quatenus autem ad remonem pertinet, quem remum ait, obliquè puppim ipsam propellentem, ita se res habet.


Esto nauis carina AB, prora A, puppis B, Temonis ala BC, gubernaculum BD, cardo verò fulcimentumue B; facta itaque impulsione obliquâ gubernaculi à D in E, minor fiet motus in mari à C in F, eritque temo vbi EGF, cardo



cardo verò vbi G, translata igitur erit eo motu, puppis ipsa à Bin G. facta itaque parua motione puppis ex B in G, prora ipsa quæ longè distat à puppi B maiori spatio superato translata erit in H facta proræ in contrariam partem ab ea quæ facta est gubernaculi motione. Porro quod & in præcedente quæstione adnotauimus, longè melius procedet demonstratio si fulcimentum mare intelligatur, quam scalmus, neque enim mare ceupondus, sed scalmus ipse Temonisuecardo, ponderum instar transferuntur.

Cæterum in hac speculatione liceat nobis aliquantulum à Philosopho dissentire. Certè si breuitas Temonis, è puppi eminentis, respectu longitudinis totius navis consideretur, & parua motio, quæ temone gubernaculo ue moto fit, nullius ferè momenti erit ad eam quæ in pro- ra fit translationem. aliter ergo se rem habere non dubitamus, & quæstionis solutionem aliunde petendam. Nauis non currente nullum ferè, aut qui vix curandus sit ex gubernaculi conuersione navis ad dextram sinistramue motum fieri. at eâ currente maximum, experientiâ docemur. Obliqui igitur motus qui validè in puppi sit, caussa est non quidem ex conuersione temonis percussio maris, sed mare ipsum, cuius fluctus naui currente obliquam temonis alam ad eam partem quæ mari obuertitur, impellentes temonem cum puppi ad contrariam partem validdissimè transferunt.

Esto navis carina AB, prora B, puppis A, Temo AC, gubernaculum AD; Itaque currente naui, Temone interim & gubernaculo in eadem carinæ linea existentibus,




Temo quidem mare secat, nullâ factâ in puppi, naus ad sinistram dextramue translatione. Si verò moueatur gubernaculum à D in E, eo moto mouebitur aliquantulum & pappis ad partes E, quod voluit Aristoteles. Sed minimi, vt diximus, ea res ad tantum effectum est momenti. Temone autem in obliquum cōstituto vt A F, naui interim, ventorum aut remorum vi pulsa proram versus currente temonis latus à fluctibus obliquam partem alamue in ipso cursu ferientibus, in contrariam partem transfertur, ad eam nempe, ad quam ipsum gubernaculum vergit. facta igitur naus ceu circa centrum centraue quæ in carina inter puppim proramue considerantur A, fertur in G, prora verò in H. ex quibus manifestè apparet, duo ad naus ex temone in puppi conuersione motionem esse necessaria; Temonis nempe obliuationem, & naus cursum, quorû si alterum sine altero adhibeatur, nullam fieri quæ alicuius momenti sit, naus conuersionem. Illud quoque notamus, carinam in naus conuersione vectis instar se habere, cuius pars mota ad puppim, & mouens potentia est; fulcimentum verò circa proram, potentia autem mouens mare ipsum, temonem in naus cursu oblique feriens. Vnde colligimus naues, quo longiores sunt in mouente ad Temonem adhibita maiori facilitate ad dextram sinistramue propelli: quod sanè ipsemet considerauit Aristoteles, qui idcirco inquit, in extremo, non autem in medio temonem poni eo quod mouenti facillimum sit ab extremo motum mouere.

Ex hac nostra speculatione ratio habetur eius machina-




chinationis, quâ in magnis fluminibus, ceu Pado, Abdua & similibus, Portitores, equos, currus, viatoresq; ipsos, è ripa in ripam transferunt. Pulcherrima enim res est, & nobis perspectissima, qui Guastallâ residentia olim nostræ oppido ad Padum, Mantuam pergentes sæpissimè ad Castrum Bargi Iusis ea qua diximus machinatione latissimum eiusdem Padi aluum transicimus. Habet autem se hoc pacto.



Esto fluminis citerior ripa AB, vltior CD. Pontones duo tabulis strati, & vnâ firmiter iuncti EF, Temo inter eorum puppes extans GH, locus in ripa stabilis A, funis, quo pontones, & machina tota continetur AI. fluuij decursus versus BD, stantibus itaque pontonibus ad ripam citeriorem AB, Temone in neutram partem pulso, cum aqua decurrens eum resistentem non inueniat, scinditur quidem ab eo, sed non propellit, eo autem conuerso & in GK constituto, a-

la eius GK ab aqua defluente propulsa machinam secum trahit versus ripam CD, factâ motione circa centrum seu stabilem locum A, otiosis interim portitoribus, donec per circuli portionem ML deuenit ad vltiorem ripam in L. Vnde iterum temone in contrariam partem conuerso, aquâ similiter temonem propellente, per eandem circuli portionem ad ripam citeriorem reuertitur, à qua paullo antè discesserat. Ex quibus apparet, motus causam non esse

esse solam eam, quæ ab ala remonis fit, aquæ percussione, vt senserat Aristoteles, sed currentis aquæ remonis alam terientis impulsione: nihil autem referre, vtrum stante naui aqua currat, vel eâ currente aqua stet, vt in mari fit, idem enim vtroque modo remo patitur. Vt autem machinæ huius & totius negotij species facilius animo concipiat, schema hoc studioforum oculis subiiciemus.



Lembi naiculæue ideo appositæ sunt, vt oblongum funem sustineant; id etenim nî fieret, aquæ immerfus aquam scindens machinæ motum impediret, ideo etiam apponuntur, ne funis madens celeriter maceretur & putrescat.

Huic speculationi affinis est ea, velorum eorum, quæ oblique ventum excipientia frumentarijs molis dant motum, item verticillorum ex papyro, quibus contra ventum currentes per lusum pueri vtuntur. vnicuique enim

enim horum omnium principium & eadem ratio.

Diximus enim, Temonem currente naui, lateraliter conuerſum obuios fluctus excipientem puppim ipſam oblique in alteram partem transferre. Porro ea vela, de quibus loquimur, ventorum flatibus oblique oppoſita eandem ob cauſſam circulariter agitantur, quod ut figurâ euidentiſſe fiat,



Esto velum AB, brachio CE oblique affixum, ita ut angulus ACE maior ſit angulo BCE, ventus oblique velum feriens FG. Itaque quoniam ventus in velum obliquum incidit, elabitur velum, & circa centrum E vnâ cum brachio circumuertitur, in cuius locum ſuccedit velum HI, ex qua aſſidua velorum ſucceſſione, brachiorum & axis cui adhærent, rotatio fit perperua. Sed enim de Te-

mone agentes non eſt interim cur de caudis auium piſciumque taceamus. inſtare enim temonum ſunt à Naturâ i-  
pſa opportunis animalium partibus, poſtremis videlicet, appoſiti, quanquam nec ſolum Temonis uſum præſtant, ut videbimus.


Esto piſcis AB, cuius caput A, cauda verò CB. Hac igitur neutram in partem reflexâ; piſcis pinnarum motu rectâ in anteriorem partem progreditur. Si autem neceſſe ei fuerit ad dextram ſiniſtramque conuerſi non poterit, niſi cauda ipſa iuuetur. Omnis enim motus progreſſiuus quiete indiget, nec abſq; ſtabili fulcramento progredi

G

potest,








Est nauis AB, malus CD, mali sedes D, locus antennæ sublimior C, depressior E: itaque quoniam CD vectis est, quo mouens remotior fuerit à fulcramento D, eo citius & violentius peller, velocius ergo nauis mouebitur antenna in C, quàm in E, constituta.


Plausibilia sunt hæc, at certè per veritatem ipsam, non vera. Rogo, Si fulcimentum dum vectis mouetur, cètrum est, cètrum vtique motus erit D. spirante igitur validè vento inclinabitur malus, fietq; vbi FGD, quæ quidem inclinatio violentius fiet, vento pellente in Fq uàm in G, vtpote puncto à fulcramento remotiore. Impulso malo, duo necessariò cõsequuntur, vel enim ad ipsam sedem D. frangeretur vel puppis ipsa circa D punctum conuersa, vt mali sequatur motum eleuabitur. Prora verò submergetur facta nauis in HDI. Quod si quispiam funem ad mali summitatem annexam ad ipsam puppim alligauerit in B, impiedietur sanè mali inclinatio ad partes F, & ideo nulla vis prorsus fiet in D ex vectis ratione. Attamen nihilo secius, quo sublimior fuerit antenna, eo facilius à spirante vento puppis eleuabitur. quatenus igitur malus vectis est, hoc tantum quod dicimus operatur. Quod si contrà obiectum fuerit, experientiam docere, quo sublimior antenna fuerit, eo citius nauigium, spiritu flante moueri. Responsio facilis, nempe, mirum non esse, si mali pars sublimior validius à vento feriat. Videmus enim, & tures quos sublimiores fuerint, eo magis à ventorum impetuosis flatibus infestari, quod sanè ad vectis longitudinem referre, esset ridiculum. Cæterum quod ad puppis faciliorem eleuationem ex mali ipsius altitudine pertinet, ad vectis

contemplationem reducimus. est enim quædam vectium species ab alijs non considerata, cuius brachia in angulum desinunt, ut ipse angulus in operatione sit fulcrimentum.



Est enim vectis, de quo agimus, ABC, cuius brachia AB, BC. iuncta ad angulum B, sitque B in operatione fulcrimentum. Nec quicquam refert quatenus ad usum pertinet, utrum angulus ipse rectus sit, acutus vel obtusus. sit autem modò rectus. Ponatur igitur pondus aliquod in C, tum potentia quædam applicetur in A, quæ ipsam vectis extremitatem A propellet in D. erit igitur AB in DB & angulo seruato BC in BE. Pondus igitur cum parte vectis BC eleuabitur in E. In hoc autem vectis genere attenditur proportio quam habet AB ad BC. Si enim potentia quæ applicatur in A ita se habet ad pondus in C ut CB, ipsi BA, fiet æquilibrium. Si maior autem fuerit proportio potentie in A, ad pondus in C, ea quam habet AB ad BC, superatâ ponderis resistentiâ fiet motus. Res autem haud aliter se habet, ac si producta in F, fieret BF æqualis BC. Tunc enim vectis ad rectitudinem, seruata proportione, redigeretur, & ita potentia in A, fulcimento B operaretur in F, ut operabatur in C.


Ad huius vectis naturam referuntur fabrorum mallei, quibus clauos reuellunt, forcipes item quæ tenaci morfu clauorum capita umbellæ sue appendentes, violenter è tabulis extrahunt. In malleo itaque subtili, ut in figura videre est, AB vectis est pars quæ à fulcimento ad potentiam, ac verò quæ à fulcimento ad pondus, ponderi siqui-



liquidem æquiparatur resi-  
stentia quæ fit in C. Idem ob-  
seruamus in forcipe, in quo  
duo quidem brachia AD,  
CB, quatenus ad apprensio-  
nem pertinet, fulcimentum  
habent in ipso cetro seu ver-  
tebra, & ideo quo longiores  
fuerint, eo tenacius appre-  
hendunt & retinent. quate-  
nus autem ad extractionem

facit, pro vnico forceps totus habetur vecte, cuius quidẽ  
pars a potentia ad fulcimentum AB. quæ verò a fulcimẽ-  
to ad hoc est clauum ipsum qui reuellitur AC. Violentif-  
simè autem extrahunt forcipes, propterea quod maximã  
sit proportio longitudinis brachij BA, ad eam quæ est ab  
A ad C.

His igitur hoc pacto examinatis, ad nauim & malum  
reuertentes, dicimus, tunc facillimam fieri puppis eleua-  
tionem, pròx verò demersionem, cum maxima fuerit  
proportio, quam habet altitudo mali, ad eam nauis partẽ  
quæ a malo ad ipsam puppis extremitatem pertingit.  
Quamobrem prudentes nauium fabri, vt huio difficultati  
occurrant, malum non in medio quidem nauis, sed in ter-  
tia ferè parte longitudinis quæ a prora est, puppim versus  
constituunt.



Esto enim nauis AB, cuius  
malus CD: prora A: puppis B; vẽ-  
to igitur velum impellente, malũ  
ad partem contrariam vergit, pu-  
ta in FD. At quoniã carchesium  
funi ad puppim vnitur in B, nauim,  
hoc est, ipsam puppim trahat ne-  
cesse

cesse est. non potest autem; quoniam suburgæ gravitas & onera, quæ naui imposita inter D. & B. gravitatis centrum circa punctum E constituunt, quod quidem vi ventorum inclinante malo ab E, in G. eleuaretur, quo igitur minor fuerit proportio CD ad DE & maius pondus ipsum cuius gravitatis centrum in E minus præualebit potentia pellens in C ad eleuationem partis nauigij, quæ a mali sede ad puppim intercedit. An igitur malus sit vectis, pes verò fulcimentum, pondus autem quod vecte mouetur, ipsū nauigium, vt placuit Aristoteli, & qua item ratione malus in naui vt vectis operetur, ex ijs quæ dicta sunt, facile patet.

#### QVÆSTIO VII.


*Quæritur, Cur quando ex puppi nauigare voluerint, non flante ex puppi vento, veli quidem partem, quæ ad gubernatorem vergit, constringunt; illam verò quæ proram versus est, pedem facientes, relaxant?*

**M**Irabilis huius effectiōis causam explicat Aristoteles. inquit enim, An quia retrahere quidem multo existente vento gubernaculum non potest, pauco autem potest, quem constringunt? propellit igitur quidem ipse ventus, in puppim verò illum constituit gubernaculum. retrahens, & mare compellens: simul & nauæ ipsi cum vento contendunt; in contrariam enim se reclinant partem. Hæc ille.


Cuius sensum breuitate subobscuro, mirâ facilitate explicat Picolomineus. Nos autem vt rem lucidiorem faciamus, schema, quod nec ipse fecit, nec Philosophus, proponemus.

Est naui A B, cuius prora A, puppis verò D, gubernaculum C B, remonis ala B D, veli sinus E F, velum vero ita constitutum, vt directè ex puppi flantem ventum excipiat.



[illegible]

men ad proram vergit, vt facilius ipsi vento resistere possit. Tunc enim in rectum mouebitur nauis, cum sibi inuicem aquarum vires, quasi libramentum constituerint. Hæc ille, cuius sensum figurâ propositâ faciliè aperiemus.



Esto carina AB, cuius prora A, puppis B, temo BC, ventus verò obliquè feriens H. Conuersus itaque temo vt in BC vndarum vicinante naui repulsus sit in EF tendens versus I, quo casu prora conuertitur in D, nempe contra ventum qui spirat ex H. sit autem conuersio circa punctum G, quod fulcimenti locum obtinet. Ventus verò ad contrariam partem proram impellit, repugnans Temonis violentiæ contra ipsam proram dirigentis. Est igitur AB, seu DE carina, instar vectis, cuius fulcimentum G, vis mouens mare quo temo EF repellitur, pondus verò, ventus premens in D, quo igitur remotior erit temo à fulcimento G, D autem vbi pondus ei vicinius, eo magis temo venti vim superabit. Hæc Pico lominici ratio, quam explicauimus, sanè ingeniosa est, verum enim uero, quoniam fulcimentum sui naturâ stare debet, hic verò nullâ habeat stabilitatem, difficultatem patitur.

### QUESTIO VIII.


*Queritur, Cur ex figuris omnibus rotunda facilius moueantur?*

**T**Risariam, inquit Aristoteles, circulum rotari contingit; Aut secundum absidem cetro simul moto, quemadmodum plaustrum vertitur rotâ; aut circa manens centrum, veluti trochleæ puteorum, stante centro: Aut in pauiamento manente centro, sicuti figuli rotâ conuertitur.

Causam

Causam vero explicans, ait, celerrima eiusmodi corpora esse, eo quod parua sui parte planum contingunt, vti circulus secundum punctum, item quoniam non offendant. Non offensandi vero esse causam, quod semotum à terra habeant angulum. Item propterea quod corpus, cui sunt obuiam, secundum pusillum tangunt. Rectilineo autem aliter euenire, quippe quod rectitudine suâ, multum plani contingat. Ad hæc, quo nutat pondus eo mouentem mouere.

Hæc ferè Philosophus, cuius rationes ad eum solummodo circularem motum faciunt, qui fit secundum absidem, vt in carrorum rotis vsu venit, nec aptantur rotis singulorum trochleisque, cuiusmodi sunt illæ, quæ supra puteos appenduntur. Nos igitur, ad Aristotelis mentem, primam rotationis speciem, quæ est secundum absidem, examinabimus.



Esto rotæ sphærae A B, cuius centrum C; Horizontis planum DE; contactus circuli in plano B. perpendicularis horizonti à puncto contactus B ipsa B C A, transiens per centrū C, partes rotæ circa

perpendicularē A F B, A G B, angulus contactus G B E. Primo itaque id constat, circulum in puncto planum, seu lineam contingere. At quoniam, vt Mechanici, de circulis rotisque seu sphæris agimus materialibus, rectè Philosophus non in puncto planum præcisè tangere dixit, sed secundum partem sui minimam. Angulum porro, quem à terra semotum dicit, ipse angulus est contingentie. eleuat


H tur

tur enim ex *B* in *G*. Si autem corpus quodpiam in plano fuerit, puta *HI* in puncto illud tanget ei cūlus ei occurrens, exempli gratiā in *K*. Hæc igitur accidunt circulari figuræ. In lateralis autem secus fit, quippe quæ nec in puncto, seu secundum partem suam, planum tangunt, nec semotum ut circulus à plano habent angulum, nec impingentes offendiculum in puncto tangunt. Cæterum potissimam facilitatis motus in rotatione quæ fit secundum absidem, esse causam dixit, nempe quò nūrat pondus eò à mouente impelli ac moueri. Primò igitur circularis sphæricæue figura in æquilibrio stat; æquales enim sunt partes quæ circa perpendicularem: ceu sunt *A F B*, *A G B*. si enim impulsus fiat ex parte *F*, pars opposita nutabit, & propendet in partem *G*, & suo nutu motuq; secum trahet partem *A F B*, fietque progressus. Si enim ducatur *F C G* diameter, ipsi horizonti æque distans, erit veluti libra, cuius pondera vtrunque *A F B*, *A G B*, brachia vero æqualia *C F*, *C G*. Potentia autem quæ trahitur pelliturque ad instar ponderis se habet, quò addito partium alteri, factoque recessu ab æquilibrio, sequetur motus. Putauere quidam, ut refert Philosophus, circularē lineam, ita perpeti motu versatū iri, ut manentia, propter contrarium nixum, manent, nèque enim circulus in plano contrarium nixum habet, cum sit, veluti dicebamus, in æquilibrio & facilis in vtramvis partem moueri. Veruntamen perpetuum esse non posse horum corporum motum, ea est causa, quod violentum accidat naturæ, & ideo non durable. Ad hæc, addit Philosophus, Maiores circulos ad minores nutum habere quēdam; & nutum maioris ad minoris nutum, se habere ut angulos ad angulos, & diametrum ad diametrum. Angulos autem hic sectores ipsos vocat; oportet enim circulos tum maiores tum minores circa idem centrum esse constitutos. Hæc autem non ab simili ab eo quod supra posuimus schemate explicantur. Est






liores, tum quia data materiæ æqualitate sunt leniores, tum etiam quod maior est angulus contactus ad planum circumferentię minoris quàm maioris circuli, vt in subie-



cta figura angulus ABC maior est angulo DB C, in materiali igitur circulo rotæ maiore sui parte tanger planum DB circulus, ipso A B. quicquid tamen fit, mobiliore sunt maiores circuli non quidem ex natura circuli, quæ tam in maioribus quàm in ipsis minoribus est par, sed alijs de causis, quas suo loco examinabimus.

Cæterum vt aliquid de motu qui secundum absidem fit, ex nostro penu promamus, Dicimus, Circulos, rotæ sue, quæ hoc pacto mouentur, vel per horizontis planum moueri, vel per accliuę, aut decline. Si autem per horizontis planum, ideo facilem esse motum, quod nunquam, cæteris paribus, centrum grauitatis ipsius corporis à centro mundi, in ipsa rotatione, fiat remotius.




Esto enim planum horizontis AB, cui circulus insistat AD, circa centrum C, diuisus per centrū ipsum à perpendiculari ACD; Ducatur autem per centrum C recta linea horizonti æquidistans, ECFG: dum diuidatur circulus vtunque in partes AH, HF, FI, ID, & CI, CH iungantur. Posthæc intelligatur circulum secundum absidem moueri ad partes G, erit igitur aliquando punctum H, tangens horizontis planum, tangat autem in K, tum F in

L, I


L, I in N. Dverò in O. Ducanturque KP, LQ, NR, OS, ipsi AC parallelæ horizonti autem perpendiculares. Centrum ergo circuli, quod idem & gravitatis est centrū, feretur per rectam CPQRS, sunt enim KP, LQ, NR, OS ipsi AC semidiametro æquales, nūquam igitur centrum ipsum C in circuli rotatione ab horizontis plano eleuabitur, nec à mundi centro fiet remorius.

Hoc autem longè aliter cæteris figuris contingit, quarum motus ideo inæqualis, quòd non semper in rotatione centrum gravitatis eandem seruet à mundi centro distantiam.



Estò enim Ellipsis ABCD, cuius cætrum E, diameter longior BED, breuior AEC. Horizontis planum FGG, locus contactus G perpendicularis à contactu per centrum ipsa CE A diuidens Ellipsum in partes æquales, & æque ponderantes ABC, ADC. Sumantur in quadrante CD, pñda H, I, tum EH, HI iungantur, erit autem EH longior ipsa EC, tum EI ipsa EH & ED, ipsa EI. Rotetur ellipsis secundum absidem, fiet igitur punctum H in K, & à puncto K horisontis perpendicularis erigatur KL, quæ fiat æqualis EH. Post hæc punctum I erit in M, & ab M perpendicularis, æqualis EI, rursus D fiat in O, & ipsi ED, æqualis perpendicularis OP. Mota igitur ellipsis à C in K, hæud ita difficilis erit motus, quippe quòd hæud multum EH superet EC, at difficilior erit translatio in M, difficillima verò in O. Valde enim à situ E, ubi attollitur gravitatis centrū, ascensum nempe ubi P. Videmus igitur ex his eandem potens

riam in mouendo ellipsum, haud pariter se habere, vt in mouendo circulum, ibi enim centrum grauitatis fertur per æquidistantem horizonti, hic verò modò attollitur, modò deprimitur, quod sanè molestiam & difficultatem facit. Sed idem alijs figuris contingere, & maxime latera-  
ris, ita docebimus.



Est enim triangulum æquilaterum  $ABC$ , cuius grauitatis centrum  $E$  horizontis planum  $BD$ . Demittatur à vertice  $A$  perpendicularis horizonti  $AF$  transibit autem per centrum  $E$ , & bisariam diuidet basim  $BC$  in  $F$ . Sunt autem trianguli  $ABF$ ,  $ACF$ , æquales & æqueponderantes. angulus verò  $AFC$  rectus. Iungatur  $EC$ , erit igitur maior  $EC$ , ipsa  $EF$ . Rotetur itaque triangulum circa punctum  $C$ , fiatq;  $EC$  horizonti perpendicularis, sitque  $CH$ , & per  $E$  horizonti parallela ducatur  $EK$ , moto igitur triangulo, centrum grauitatis  $E$  translatum erit in  $H$ , sed  $KO$  æqualis est  $EF$ , minor autem ipsa  $CH$ , eleuatur ergo centrum grauitatis ab  $E$  in  $H$ , nempe supra  $K$ , totum spatium  $KH$ , ex qua eleuatione fit in motu difficultas. Idem prorsus eadem demonstratione ostenderetur fieri in quadrato & alijs lateratis figuris. Cui igitur in plano horizontis facillimè circularia, difficile autè laterata & quæ inæquales habent semidiametros, moueantur, ex dictis clarè patet.


Ad hanc quæstionem illud quoque facit, cur per decliue planum grauiora corpora, & rotunda maxime, magno impetu dimissa, delabantur.

Est enim rota sphaeraue aut Cylindrus  $CD$ , cuius centrum  $E$ , tangens decliue planum  $AB$  in  $D$ , quæritur


cur



cur dimissa hæc magni impetu deferantur ad partes B, Ducatur per gravitatis centrum E ad horizontem. B K perpendicularis. F E L secans declivæ planum in G, circumferentiam verò in H. opponitur autem E G angulo recto E D G, maior ergo E G ipsa E D, hoc est, E H, inter circumferentiam igitur & planum declivæ, spatium intercedit H G. Ducatur item D I ipsi F G æquidistans. non transibit igitur per centrum E. minor igitur diametro C D, quæ & circumulum in partes inæquales secabit, & non per gravitatis centrum, quod idem cum magnitudinis seu figuræ centro supponitur. Dimissa igitur rota, contingit quidem planum declivæ in puncto D. At centrum gravitatis premit secundam per lineam perpendicularem F G, non sustentatur autem in H, quippe quod inter planum & circumferentiâ intercedat spatium H G, nec H locum habeat cui innitatur, corpus autem ita per lineam D I est dimissum, ut longè maior sit pars I F C H D ipsa D I, & centrum in ea parte cadat, quæ non fulcitur. itaque suo pte nutu, cum extra fulcimentum sit D & perpendicularem D I ad inferiores partes rapidè rotans delabitur. Ducatur autem perpendicularis G L parallela M N, & quoniam B N brevior est B L, erit M N ipsa G L brevior. Est igitur punctum M mundi centro propius quàm D & G, quare eò non impedita, rota ipsa suo nutu feretur, nec stabit donec infimum locū ubi quiescat nanciscatur. Possumus etiam Rotam sphaeræ in planò declinè collocata, datam potentiam invenire, quæ exteferari diametri ad eam partem quæ vergit applicata ipsam rotam sphaeræ impediat ne delabatur.


 Esto planum inclinatum AB, cui Rota sphaerae insit tangatque illud in C. Rota vero ipsa sphaerae D C, cuius centrum E, diameter vero D E C ipsi B A ad punctum contactus C, perpendicularis. Ducatur per C ipsi horizonti perpendicularis F C G circulum secans in G tum per E ipsi G G perpendicularis, ipsi vero B F horizonti æquidistans H E I cœuectis, cuius fulcrimentum I respondens ipsi C, pondus vero in E, ubi gravitatis est centrum. Applicata igitur potentia in H erit pondus inter fulcrimentum & potentiam, quare, ut I E ad I H ita potentia sustinens in H ad pondus in E, quod demonstrandum fuerat. Quippiam simile ostendit Pappus 1. 8. prop. 9. alijs tamen suppositis & consideratis. Dico præterea, ipsdem stantibus angulum E C I æqualem esse angulo inclinationis C B F. Producat H I concurrens cum ipsa A B in K, concurret autem propterea, quod C I K rectus sit, I C A minor recto, & quoniam H K parallela est horizonti B F alteri anguli I K C, C B F, æquales erunt. Similes autem sunt E C I, E C K, trianguli, estque B C I angulus æqualis angulo E K C, hoc est, ipsi C B F, unde sequitur, quod minor fuerit inclinationis angulus, eo facilius rotam sphaerae in plano inclinato sustineri. quod enim minor fuerit angulus E C I, eo minus latus E I & minor proportio E I ad I H, & ideo minor potentia sustinens requiratur in H. Cæterum acclive & declive planum nihil differunt nisi respectu. His ita consideratis, admonet nos locus, ut pulcherrimam dubitationem diluamus. Quæritur, Cur maiores

rotæ impingentes, facilius offendicula superent quàm minores. Neque enim satisfacere videtur quod ait Aristoteles, ex contactu in puncto eo anguli à plano elevatione id fieri, alijs ergo principijs dubitatio soluitur.



Estorota quidem maior AB, circa centrum C minor vero DB circa centrum E, tangentes horizontis planum in B. Diameter maioris AB, minoris DB, offendiculum horizonti perpendicularare FG. Ducatur per F horizonti parallela FK secans minoris rotæ peripheriam in H, diametrum verò AB in K, & à puncto H ad planū horizon-

tis perpendicularis demittatur HI: erit autem HI æqualis ipsi offendiculo FG, & iungantur BH, BF. Itaq; quoniam BH ab extremo B cadit in triangulum KFB, erit KHB angulus maior angulo KFB. Parallelae autem sunt KF, BG, pares ergo anguli KHB, HBG, pares item KFB, FBG, Maior ergo HBI, ipso FBC. At minoris rotæ gravitatis centrum mouetur secundum lineam BH, maius verò secundum literam BF, difficilius ergo movebitur, & superabit offendiculum minor rota, quàm maior: quod fuerat demonstrandum.


Possumus idem ostendere magis mechanicè, hoc est, rem ad vectem reducendo. Estorizontis planum AB, rota maior CD planum tangens in D, rotæ verò maioris centrum E. Rota verò minor FD, tangens idem planum in D, rotæ autem centrum G, offendiculi verò rectitudo DH. Ducatur per H ipsi AB horizonti æquidistans HI secans minorem circulum in K, maiorem verò





ad transferendam maiorem rotam CD ultra offendiculum IV, hoc est, DH, quàm requiratur ad transferendam minorem ultra offendiculum K T, hoc est HD, quod fuerat ostendendum.

Ad hæc, quæri potest, quo pacto plaustrorum rotæ in ipsa plaustri conuersione se habeant, nempe quæ sit linea illa curua, quam in conuersione describunt.




Esto rotarum in plano orbita, dū plaustrum rectâ procedit AB, CD, Sunt autem ipsæ lineæ, quod ostendimus postea, æquedistantes. Sit itaque punctum, B illud in quod rota quæ per AB fertur, eò delata planum

rangit, D verò alterius rotæ atque plani contactus. Igitur dum plaustri fit conuersio, punctum D conuersionis fit centrum. Stat enim interim rota & circa lineam conuertitur, quæ à puncto contactus D per rotæ centrum ducta horizontis plano est perpendicularis. ea autem stante, rota quæ in B circa centrum D semicirculū pertransit DEF, ubi autem rota B, peruenerit in F, plaustrum iam in oppositam partem conuerso, rota quæ est in D per lineam DC, quæ verò in F per rectam FG mouetur, plaustrique fit regressus. Et quoniam vel D in ipsa conuersione stat omnino nec quicquam progreditur, vt in prima figura, vel non stat vt in secunda, quo casu portionem parui circuli describit, ipsi maiori circulo & exteriori concentricam. Vnde colligimus, Plaustrorum conuersiones flexionesque semper circa centrum, & concentricorum circulorum portiones fieri. Hinc etiam discimus, cur veteres, vt ex antiquis co-

gnoscimus vestigijs, circos in quibus cursus quadrigarum fiebant ea forma quæ apparet, efformauerint. Hoc etiam theorema probamus.

Cylindros, quorum bases axi sunt perpendiculares, dum in æquato plano conuoluuntur, rectâ incedere & per parallelas, quarum distantia axis seu latoris longitudine præfinitur.



Est enim Cylindrus ABCD, cuius axis GH, horizontis plano insistens secundum latus AB, cui latus oppositum & æquale CD. Moueatur Cylindrus rotans, donec latus

CD, in plano sit ubi EF. Describat autem circuli CB lineam BF. Circulo vero AD lineam AE. Dico eas rectas esse, & parallelas. Si enim superficies basium DA, CB, extendantur ita ut horizontis planum secent, illud secabunt iuxta lineas AE BF, recta ergo est vtraque. Sed & parallelas esse ad inuicem ita ostendimus. quoniam semicirculus AD, æqualis est semicirculo BC, erit linea AE, æqualis lineæ BF, sed & AB, æqualis est ipsi DC, quare & ipsi EF. Opposita igitur quadrilateri figura ABFE latera æqualia sunt, quare EF æquedistat ipsi AB, tum AE ipsi BF, quod fuerat demonstrandum.

Probabimus etiam si cylindri bases axi perpendiculares non fuerint, & ideo ellipses in ipsa rotatione per planum, parallelas quidem describere, sed non rectas.

Est enim Cylindrus ABCD, cuius bases ellipses inuicem æquedistantes, quarum axes longiores AB, CD, Communis autem sectio cylindri & plani ad axem & horizontem planum perpendicularis EHF. Diuidatur autem semicirculus




quibus ita dispositis per puncta  $\sigma, \nu, \lambda, \kappa, \eta$ , item per  $\pi, \xi, \mu, \theta, \zeta$  ducantur lineæ  $\sigma\eta, \pi\zeta$ , curvæ quidem & eodem pacto alix curvæ illis respondentes  $\eta\rho, \zeta\sigma$ , Erunt igitur  $\sigma, \eta, \rho, \pi, \zeta, \sigma$ , parallelæ quidem eo quod lineæ quæ inter ipsas ducuntur, parallelæ sint & æquales, non tamen rectæ illæ, sed curvæ. Moto igitur Cylindro circulus EHF rectam describet  $\alpha\epsilon$ , ellipsis verò AMB, curvam  $\sigma\eta\rho$ , ellipsis autem DNC, ipsam curvam  $\pi\zeta\sigma$ . In hoc autē Cylindri motu illud mirabile, velociore nempē, in ipsa rotatione esse ellipses ipso circulo EHF. Ducatur enim recta  $\sigma\rho$  quæ occurrat ipsi VS in S, &  $\sigma\eta$  iungatur, fietque triangulum  $\sigma\eta S$ . est autem, angulus  $\sigma\eta$  rectus, maior ergo  $\sigma\eta$  ipsa  $\sigma S$ , sed recta  $\sigma S$  æqualis est ipsi  $\alpha\nu$ , hoc est, semicirculo FHE. multo maior est autem curva,  $\sigma, \nu, \lambda, \kappa, \eta$ , ipsa recta  $\sigma\eta$ , sed eodem tempore quo semicirculus EHF conficit in rotatione spatiū  $\alpha V$ , eodem dimidia ellipsis BMA metitur curvam  $\sigma\nu\lambda\kappa\eta$ . velocior igitur est ellipsis ipso circulo.

Hæc quoque speculatio ad motum qui secundum absidem fit, manifestè pertinet. Coni, quorum bases circuli sunt, si in plano secundum latus rotentur, basi circulum describunt, cuius centrum immobile coni ipsius est vertex, semidiameter verò ipsum latus.

Est conus ABC cuius vertex C basis AB, axis DC, basis verò centrum D, latus quo planum tangit BC, secatur itaque Conus per latus BC & axem DE à plano horizonti perpendiculari, cuius & coni communis sectio est ABC triangulum, & quoniam coni gravitatis centrum est in

axe





axe ipso, conus in partes æque pōderantes secatur AEBC, AFBC, stat ergo conus sibi met æquilibris. Si autem à potentia quadam moueatur, puta ab A versus F, trahitur semicirculus BEA, à semicirculo AFB, & ita fit rotatio. Itaque si imaginemur, infinitos vsque ad verticem parallelos basi circulos, eorum semicirculi in ipso motu & trahent & trahentur; at cum ad verticem circuli desinant, nec ibi semicirculi sunt qui trahant & trahantur, motus rotationis prorsus cessat & vertex ipse immobilis fit rotationis centrum. Quoniam igitur lateris BC, punctum C stat, B verò circa ipsum mouetur, in ipso motu circulus describitur BHIK, cuius semidiameter BC, & eodem pacto alij circuli in cono, qui basi HEBF sunt æque distantes, circulos in plano circa idem centrum describent, vt facile videre est in obiecto schemate. Huic similem demonstrationem affert Heron in libello Automatum, quem nos Tyrones adhuc vernacule è Græco translatus, Venetijs prælo subiecimus.

Porro si conus rotundus pro basi ellipsim habeat, sectionem videlicet per planum axi non perpendiculari; in ipsa rotatione, stante vertice, ellipsis basis, ellipsim describit in plano, cuius maior diameter à puncto quod conivertex est, ita diuiditur, vt diametri pars maior æqualis sit lateri maximo; minor verò æqualis lateri minimo. Sed hæc ad aliam pertinent speculationem.

His itaque de motu rotundorum, qui circa absidem fit, consideratis, reliquum esset de motu trochlearum, qui circa centrum fit, opportunè agere, sed cum in sequenti quæstione de hoc sermonem faciat Philosophus, ad ea quæ ibi disputabuntur, lectorem ablegamus.

Modò de tertia motus specie nobis erit sermo; in qua quidem specie nonnulla perpendemus, quæ omisit Aristoteles. Agitur autem hîc de rotundorum corporum motu,

motu, qui fit circa axem horizonti perpendicularem, axis altera extremitate in eodem horizontis plano manente, uti videre est in ipsis figurorum rotis.


Hanc motus speciem in extrema quaestionis parte cum duabus alijs speciebus comparans ait, eam quæ in obliquo fit motionem (ita enim hanc, de qua agimus, appellat) ipsam impellere mouentem, hoc est, nullum ex se ad motum propensionem habere, nutumue, & omnia illi esse à motore, secundum verò eam motionem, quæ supra diametrum est, se ipsum mouere circulum. Dixerat enim, ea referens quæ superius circa principium de circulo verba faciens, examinauerat, circulum ex duabus fieri rationibus, altera præter, altera verò secundum naturam, & ideo hanc semper nutum habere, & ceu continuo motam ab eo moueri qui mouet. Videtur autem clarè profiteri, ideo difficiliorem esse huius tertiæ speciei motum, eo quod nutu careat proprio & tantum ab alieno, ut ita dicam, motore, moueatur.

Veruntamen motum hunc facilitate alijs illis duobus nequaquam cedere, facile ex sequentibus ostendemus.

Primo, quia pondus totum rotati corporis, ex grauitatis centro quod in ipso axe est à plano cui nititur, sustinetur: minima quidem sui parte axe ipso tangente planum unde fit, nullam ferè dum rotatur corpus, circa centrum ubi nititur, frictionem partium fieri. Præterea grauitatis centrum semper stat, nec minimum quidem in ipsa rotatione attollitur, quod sanè cum naturæ sit repugnans, difficultatem facit. Ad hæc circa axem ita libratur rota, ut quantumuis exigua potentia alteri parti applicetur, altera illico superata moueatur. Licet enim propriè ea tantum corpora æquilibrare dicantur, quæ ob ponderis hinc inde

æqua-

æqualitatem horizonti fiunt æquidistantes, nihilominus  
& hic aliquam esse æquilibrij similitudinem patebit.



Esto enim rota ABCD, cuius axis horizonti perpendicularis FEG transiens per centrum E, tangens autem planum in puncto G. Ducatur diameter BED, itaque si per centrum BED, & axem FEG corpus diuidatur, eo quod centrū grauitatis in axe inueniatur, corpus ipsum in duas partes tū

mole tum pōdere æquales secabitur, nempe BAD, BCD. Nulla igitur adhibita vi extranea stabit corpus in quodā, vt diximus, æquilibrio. At alteri partium potentia quauis licet exigua appositā, puta in C, præualebit pars BCD, & partem BAD vel impellet vel rapiet, alterā interim eius motui obsequente. Potentia igitur quæ in C, nullam rem quæ impediat inueniens, velocissimè rotam mouet, quod eo facilius velociusque fit, quo magis rota est in motu, & eius verò diameter maior & potentia mouens à centro remotior, & sanè motus facilitatē inde cognoscimus, quòd ipso impulsore ab impulsu cessantē, diutissimè rota impressum motum seruet, nec nisi post longam rotationem omnino quiescat.

Cæterum quia sicco, vt aiunt, pede Aristoteles quæ ad hunc motum pertinet pertransist, nos quædam quæ ad hanc rem faciunt, diligentius expendemus.

Quærimus igitur primò; Cur ea quæ hoc pacto rotantur, in ipsa rotatione locum non mutant, nisi extrinseca aliqua id fiat ex causa.

Esto enim rota aut aliud quippiam rotundum ceu Turbines sunt, quibus pueri ludunt, quod circa axem ho-



rizonti perpendicularent moueatur, ABCD, cuius centrum E, Diameter AEC. Modò circa centrum E infiniti imaginentur circuli, alij alijs minores vsque ad centrũ ipsum, vti sunt FGH; ibi enim circuli esse desinunt, vbi nullum amplius est spatium. Applicetur itaque potentia in B, quæ rotam vigeat versus A.

codem igitur tempore & insimul A versus D, D versus C, & C versus B mouebitur. quantum enim semicirculorum à parte CBA transit vltra diametrum AEC, tantundem semicirculorum, qui sunt ad partem ADC, transibit ad partes CBA. At vbi deserit motus, ibi desinit rotatio; vbi autem desinit spatium, desinit motus, sed vbi desinunt circuli, desinit spatium, quare in centro cum non sint circuli, nec spatium ibi desinit motus. nulla enim adest ratio, cur ipsum corpus alio à loco in quo est, ex rotatione transferatur. Stat ergo rotans, quod fuerat demonstrandum. Est autem hæc demonstratio ei similis, quam suprà retulimus de coni in plano circa verticem rotatione, quam ab Herone in Automatis excogitatam diximus.

Addimus in hoc rotationis genere corpus in ipso motu fieri leuius, idque eo magis, quo rotatio velocior. Causa est, quod lateralis motus eum motum aliquanter impedit, qui ex naturali gravitate fit ad centrum, idcirco experientiâ docemur, leuissimos esse turbines, quibus pueri ludunt, si manus teneantur palmâ, dum citissima rotatione mouentur.

Ad hæc alia proponitur, & soluitur quæstio, Cur rotunda corpora huic motionis generi sint aptiora.

Exploratissimum est, corporum, quæ ita mouentur, par-





partes eo esse velociores, quo magis à centro, circa quod mouentur, fuerint remotiores. maius enim eodem tempore spatium pertranseunt. quo igitur figura ijs partibus, quæ longius à centro absunt, abundauerit magis, eo facilius, & velocius in circulum rotata mouebitur. Modò ostendemus, circularem cæteras omnes ea qua diximus partium à centro remotissimarum copiâ abundare.



Esto triangulum pura æquilaterum ABC circa centrum D. Ducantur Catheti per centrum ab oppositis angulis ad opposita latera ADG, BDF, CDE, erunt autem lateribus perpendiculares. quoniâ igitur latera AD, DB, DC, rectis angulis subtenduntur, maiora erunt lateribus DE, DF, DG. tres igitur

lineæ in hoc triangulo sunt longissimæ DA, DB, DC. tres verò breuissimæ DE, DG, DF, quamobrem rotato super centrum D triangulo, tres tantum partes eius ABC velocissimæ erunt, tres verò tardissimæ E, G, F. Minus igitur apta est motui huic triangularis figura, quam quadrata, in qua partes à centro remotissimæ, & ideo velocissimæ sunt quatuor. Itaque quo magis laterata figura angulis abundabit, eo magis erit ad hunc, & cæteros omnes circulares motus aptior. At circulus infinitas, ut ita dicam, partes à centro remotissimas habet, itaque nulla figura est circulari, in ipsa rotatione, commodior atque velocior. Alia quoque de causa id fit, quod dum circularis figura mouetur, nullis eminentibus angulis aërem verberet circumstantem, ex qua verberatione motus impeditus sit tardior. Quæri etiam potest, Num axe inclinato, rotæ motus aliquo modo impediatur? Nos negatiuam partem amplectimur.




 Esto enim rota ABCD, cuius centrum E axis inclinatus, circa quem conuertitur EGF. Duobus autē punctis fulcitur GF. Sit autem tum grauius tum figuræ centrum E, Perpendicularis verò per inferius fulcimentum transiens HFI. Conuersa igitur rota, grauitatis centrum stabit nec à suo situ sursum deorsumue mouebitur. Est autem axis FEG, ceu vectis in quo pondus in E, potentia sustinentes GF; non enim hic vt in axe perpendiculari pondus totum ab inferiori fulcimento sustinetur, quo igitur minor erit proportio FE ad FG, eo minori indigebit potentia is qui pondus sustinet in G. Et hæc sanè ita se habent, grauitatis centro in axe ipso constituto, si enim extra fuerit motus impeditur & motore cessante citò quiescit. Esto enim grauitatis centrum in K. Dum igitur circa axem sit motus, centrum circulatum aliquando erit in L; Secet autem rotæ diameter AC perpendicularem HI in M. Porro à punctis LK, ad ipsam perpendicularem ducantur ad rectos angulos lineæ LN, KO. Maior est autem MK ipsa ML, maior ergo MO, ipsa MN. magis igitur à mundi centro distat punctum N puncto O. Centrum ergo grauitatis K si liberè dimittatur, requiescet in K & contra naturam transferetur in L. Cessante igitur violentiâ & prævalente naturâ citò rota suâ sponte quiescet, quod fuerat ostendendum.

QVÆSTIO IX.


*Queritur, Cur ea qua per maiores circulos tolluntur, & trahuntur  
facilius, & celerius moveri contingat, veluti maioribus tro-  
chleis, & scytalis similiter?*

**R**espondet ad hæc Philosophus, forte id euenire, quo-  
niam

niam quanto maior fuerit illa quæ à centro est, in æquali tempore inafus mouetur spatium. quomobrem æquali existente onere idem faciet. Ita enim dixerat de librarum natura, & differentijs agens, maiores minoribus exactiores esse. Circulos verò libras, in quibus centrum spatium, semidiametri hinc inde æqualia brachia.

Quod vltimo loco affirmavit, trochleas esse instar librarum, verum est. Quod autem dixit, facilius & celerius mouere maiores libras ijs quæ minores sunt, si simpliciter intelligatur, falsum, quippe quod facilitas motus, in tractorijs machinis velocitati sit contraria, quod demonstrauit Guid. Vbald. in tractatu de Trochlea in 2. Corollario propositione vltima.


Ad id autem quod dixit, quo maiores fuerint trochleæ, eo facilius mouere, non est, vt dicebamus, simpliciter verum, quod facile ostendemus.



Esto enim trochlea AB circa centrum C, appensa in puncto D, perpendicularis quæ ad mundi centrum DCE, pondera æqualia vtrique appensa FG. Esto item alia Trochlea, eaq; maior HI, circa centrum K appensa in L, perpendicularis, quæ ad mundi centrum LKM, æqualia

pondera vtrinque appensa N, O. Dico maiorem HI ipsa minori DE facilius pondera non mouere, eo quod sit maior, illa verò difficilius, propterea quod sit minor. Etenim, quoniam vtraque trochlea per centrum grauitatis à perpendiculari diuiditur, erunt partes DAE, DBE, æque ponderantes. Eadem ratione ipsæ quoque LHM, LIM æque ponderabunt. Itaque si quantumuis pusilla pondera addas, vtrique earum ad alteram partem tolletur æquilibriū, nec minus requiritur pondus vt recedat ab æquilibrio Trochlea minor, quàm maior. Vnico autem verbo concludi potest disputatio, tã in minori quàm in maiori, brachia siquidem bifariam diuiduntur, ergo in vtriusque eadem brachiorum proportio, & eadem ponderum ratio.

Exploratissima sunt hæc. Veruntamen cum res ipsa doceat, verum esse quod scribit Aristoteles, huius effectus causa aliunde à nobis, nempe à mechanicis principijs, est mutuanda. Dico igitur, Axium, circa quos trochleæ rotæue conuertuntur ad rotas ipsas, varias habere proportionēs. Ostendemus autem rotā illam, trochleamue facilius moueri, & mouere pondera, quod rotæ diameter ad axis diametrum maiorem habuerit proportionem, & ideo fieri posse rotam maiorem ad suum axem minorem habere proportionem quam rotam minorem ad suum.




Est enim trochlea ABCirca centrum C, cuius diameter DCE sit in ipsa quæ ad mundi centrum perpendiculari: sit autem appensa in D. Alia similiter ei æqualis sit trochlea F G circa centrum H, cuius diameter IHK, conueniens cum



cum perpendiculari quæ ad mundi centrum. appendatur autem in I. Habeant autem & axes, circa quos conuertantur. Hi si æquales fuerint, proportionē non mutatā idem operabuntur. Modò ponantur inæquales, sitque axis rotæ AB, crassior axē rotæ FG, sitque crassioris quidem semidiameter CL, subtilioris autem HM. Dico per trochleam FG facilius attolli pondera æqualia quàm per AB, licet altera trochlearum alteri sit æqualis. Quoniam enim mechanica corpora sine materia & pondere non sunt, onera appēsa & trochlearum ipsarum grauitas ex superiori parte prement axes, ubi puncta L, M, quæ res, secutā inuicem corporum solidorum fricatione, motum ipsum trochlearum difficiliorem & asperiores facit. Succedit igitur impedimentum loco ponderis. Duos igitur habemus vectes DC, IH, quorum fulcimenta contra ipsa C, H. Pondera verò inter fulcimenta & potentias in L, M. Intelligantur autem potentia applicatæ punctis DI. Igitur ex natura eiusmodi vectis, in quo pondus inter fulcimentum est & potentiam erit vt CL, ad CD, ita potentia in D ad pōdus; hoc est, resistantiam fricationis, quæ fit in L. Sed maior est proportio CL ad CD quàm HM ad HI. Maior igitur ad superandum idem seu æquale impedimentum potentia requiritur in D, quàm in I. Itaque cum vis tota in rotarum & axium, diametrorum proportionē consistat, fieri potest, quod dicebamus, minorem trochleam dari, quæ maiorem habeat proportionem ad suum axem, quàm maior ad suum, quo casu minor rota facilius impedimentum, quod diximus, ipsa maiori rota seu trochlea superabit. Veruntamen quoniam ex materia sunt tum axes tum rotæ, nec rei natura patitur axes subtile, & imbecilles magna pōdera sustinere posse, idcirco crassiores fiunt, quæ crassitudo cum proportionē magis à magnarum rotarum diametris superetur, sit hinc maiores rotas datā axium paritate

ritate facilius impedimentum superare quàm minores, & hoc videtur sensisse Philosophus in ipsa quæstionis huius propositione, Hinc aurigæ vulgo axungia (quæ inde nomen trahit) axium asperitates mitigant, ut minor in rotando, ex fricatione fiat resistentia. Concludimus igitur, facillimè trochileam illam pondus trahere; quæ cum maxima sit, axem habet minimum, eumque axungia aliaue vinctuosa materia perfusum. De manubrijs, quæ rotarum axibus aptantur, nemo ferè verba fecit; nos igitur de his aliquid; siquidem res ad speculationem, qua de agimus, nēpe Mechanicam pertinet.

Manubria vectes sunt, & ad vectium naturam reducuntur, eorum scilicet, in quibus fulcrum est inter pondus & potentiam. In his autem attenditur proportio, quam habet manubrij longitudo ad ipsum axis semidiametrum, eo enim facilius moventur, quo eorum longitudo ad axium semidiametros proportionem, habuerit maiorem. Duabus autem partibus constant, alterâ, quæ ab axe ad angulum; quæ verè vectis est; alterâ, cui manus ipsa admouetur, ex qua res tota manubrium dicitur. Fiunt autem manubria hæc ut plurimum amouibilia, sunt tamē ceu rotarum ipsarum partes, & rotis ipsis commodè affigerentur, nisi in rotatione à transversarijs, quibus rotæ sustinentur, impedimentum fieret.



Est enim rota AB, cuius axis E, terebretur autem in F, ibique paxillus affigatur FK. Sit & alia rota CD, cuius axis G, manubrium axi appositum GHI. Sint autem rotæ æquales & axes æquales. Sint etiam æqualia ipsa spatia EF, GH, hoc est, manubrij

nubrij  $GH$  longitudo. Dico, eâdem facilitate moueri  $AB$  rotam à potentia in  $FK$ , quâ mouetur  $CB$ , à potentia posita in  $HI$ , dâtis ipsi nempe potentijs æqualibus. Producat enim  $IH$ , vsque ad rotæ  $CD$  latus in  $L$ , &  $LG$  ducatur, &  $FE$  in rota  $AB$  iungatur. Erunt igitur  $FE$   $LG$  inter se æquales. Sunt autem eorum circularum semidiametri, qui à punctis  $FL$ , in ipsa rotatione describuntur. Ita igitur se habebit potentia applicata in  $L$  ad diametrum semidiametrumue axis rotæ  $CD$ , vt se habet potentia applicata in  $F$ , ad diametrum semidiametrumue axis  $E$  rotæ  $AB$ , sed spatia sunt æqualia & potentiz æquales, quare nihil refert, vtrum manubrium lateri affigatur, vel axi à latere rotæ separatim applicetur.





Diagram illustrating the construction of a curved object (manubria) from a circular form. The top part shows a circle with a vertical axis passing through its center, labeled 'A' at the top and 'B' at the bottom. A horizontal line is drawn below the circle, labeled 'E'. The bottom part shows a curved object, resembling a curved sword hilt or a similar tool, with a vertical axis passing through its center, labeled 'A' at the top and 'B' at the bottom. A horizontal line is drawn below the curve, labeled 'E'.

CDE. Hæc itaque de manubrijs seu vestibis nos considerasse sit satis.

Quæri interim posset, Cur duabus datis rotis æqualis magnitudinis inæqualis ponderis, circa æquales axes constitutis leuior facilius moueatur & citius quiescat; grauior verò difficilius moueatur & tardiùs cesset à motu, ea videtur ratio, quod grauior resistens magis cum superatur impressam vim suscipit, & diutiùs retinet, quod cessat in leuiore.

### QVÆSTIO X.

*Dubitat Aristoteles, Cur facilius, quando sine pondere est, moueatur libra, quàm cum pondus habet. Simili modo rota, & eiusmodi quidpiam, quod grauius quidem est, item quod maius & grauius minori, & leuiori?*

**B**Reuiter autem soluit. ait enim, An quia non solum in contrarium quod graue est, sed in obliquam etiam difficulter mouetur? In contrarium enim ei ad quod vergit onus mouere difficile est, quo autem vergit, est facile. In obliquum autem haudquaquam vergit. Nos quod ipse non fecit figurâ ipsa appositâ rem clariorem faciemus.




Esto libra AB, cuius fulcimentum C, pondera vtrunque appensa AB, quorum vtrumque ponderet 10. Item libra DE, cuius fulcimentum F pondere vero appensa D, E, ipsis A, B, dimidio leuiora, nempe S. Addatur ponderi B pondus G, & ponderi E pondus H, quorum similiter vtrumque ponderet S, nutabunt igitur libræ ponderibus apposis, &

BG



BG secetur in K, EH verò in N, grauius est autem GB, est enim IS, ipso EH, quod est 10. Difficilius autem descender BG, quàm EH. hoc autem ex doctrina Aristotelis, quia non solum in contrarium quod graue est, sed in obliquum etiam difficulter mouetur, in contrarium enim ei ad quod vergit onus mouere difficile est, quò autem vergit faciliè in obliquum autem puta per lineas BK, EN non vergit onus. Difficilius ergo in obliquum mouebitur pondus BG ipso pondere EH. vtrumque autem in descensu retrahitur nempe à perpendicularibus BI, EM & retractionis quidem anguli sunt æquales & æquales ipsæ retractiones. Sed grauius est pondus GB. quod autem grauius est, violentius descendit eo quod est leuius. maiori igitur nisu atque impetu cum cætera paria sint, descendit pondus BG, ipso EH, quod è diametro Aristotelis assertioni est contrarium. ex alijs igitur principijs veritas ipsa est eruenda. Dicimus autem id ex proportionum fieri in æqualitate; quia enim is ad 10. proportionem habet sesquialteram, 10. verò ad 5. duplam, maiorem proportionem habet EH ad oppositum pondus D, quàm BG ad pondus A, facilius ergo trahet libra DE leuior pondus D, quàm ipsa AB, grauior pondus A, quod vtique fuerat ostendendum. Alia quoque causa & hæc accidentaliter ad hunc effectum pariendum concurrat, axium nempe ad fulcimenta, in quibus rotantur, fricatio. quo enim maius est pondus cæteris paribus, quod nos in præcedente quæstione demonstrauimus, eò maior fit ipsa collisio.

Porro huius quoque speculationis est, Cur æqualia & similia corpora in æqualibus similibusque basibus constituta eodem simili que plano fulta, ponderibus tamen in æqualia, non eadem facilitate euerstantur, sed horum grauiora difficiliora.



Sit enim Prisma seu  
Cylindrus ABCD, cuius  
grauitatis centrum E in  
plano CI, basi fultus CD.  
Sit & alter Cylindrus  
FGHI, cuius grauitatis  
centrum K fultus basi HI  
æqualis, quidem & similis

ipfi AD. Sit autem grauior FGHI, ipso ABCD. Dico, pari  
potentiâ vtrumque impellente, facilius euerfum iri Cy-  
lindrum AD, ipso FI. Ducantur EC, KH, & æquales po-  
tentiæ applicentur punctis BG, pellentes Cylindros ad  
partes AF. Euerfio autem non fiet donec facta corporis  
conuerfione circa puncta CH, grauitatis centra E, K trās-  
feruntur in L, M, in ipsis fcilicet perpendicularibus ACFH.  
Demittantur EN, KO, perpendiculares ipsis CD, HF. Et  
quoniam CNE, HOK anguli recti sunt, erunt EC KH i-  
pfi EN, KO, maiores, quare & LC, MH ipfi EN KO, ma-  
iores attolluntur ergo in ipsa euerfione, grauitatum cen-  
tra E in L, K in M. At quod grauius est, difficilius contra  
fui naturam mouetur, ideo difficilius euerteretur corpus  
FI, ipso AD, quod fuerat demonstrandum.

### QVÆSTIO XI.

*Dubitat Philosophus, Cur super scytalas facilius portentur onera  
quàm super currus, cum tamen ij magnas habeant rotas,  
illa verò pusillas?*

**O**ptimè responderet dubitationi. An, inquiens, quoniam  
in scytalis nulla est offensatio; in curribus verò axis  
est, ad quem offendant. De super enim illum premunt, &  
à lateribus. quod autem est in scytalis ad isthæc duo mo-  
uetur & inferiori substrato spatio, & onere superimposi-  
to,

to, in vtrisque enim ijs reuoluitur locus circulus, & motus impellitur. Tam appositè paucis verbis veritatem explicauit, vt ferè quicquid insuper addatur, superuacaneum videri possit. quicquid tamen sit, ad maiorem claritatem aliquantulum in hac ipsa quæstione immorabimur.

Rotatas scytalas proponit hic Aristoteles. Coniunctas autem esse rotas ipsis scytalis est intelligendum, nempe, vt simul rotæ cum scytalis conuertantur. Secus enim axium & Rotarum fieret offensatio, cuius offensationis vim & effectum cum nouerit Aristoteles, vel hoc ipso loco teste, mirum est, nihil de ea egisse quæstione 9, vbi nos hac de re fusissimè tractauimus.

Cæterum quod de rotatis scytalis scribit Philosophus, notandum, à Pappo quidem lib. 8. & à nostris Mechanicis passim absque rotis Cylindrica simplici videlicet, & tereti formâ ad vsum adhiberi.

Est igitur Aristotelis quidem scytala AB, Pappi verò seu vulgaris, & communis CD. His non modò lapidæ passim, sed & nautæ nauiumque fabri subducendis & mari inducendis nauibus vtuntur, quod varare dicunt vernaculè, Hispanico, vt arbitror, vocabulo. ea enim natio teres lignum baculumue appellat Varam.

Quæri autem posset, vtrâ harum formarum sit utilior atque commodior? Nos rotatas laudamus magis in plano duroque solo, minus enim tangunt & minus offendant; in molliori autem & minus duro proponimus non rotatas, siquidem rotæ sui naturâ pondere pressæ solum, facillimè scindunt & absorbentur.

Quatenus autem ad vsum pertinet. Est horizon-tis pla-







tio, & ponderis N translatio ad anteriores partes B. Est  
item seorsum scytala PR, cuius centrum Q, v&is eidem  
per centrum insertus O, P, Q, R. facto igitur v&is motu  
OPQR fiet ex O, centro autē Q circuli quadrans OT,  
existente igitur O in T erit P in S. facta quartæ partis ipsius  
scytalæ rotatione. Et quoniam ex eodem centro sunt qua-  
drantes PSOT, erit vt OQ ad QP, ita quadrans OT, ad  
quadrantem PS. Maxima autem est proportio OQ, ad  
QP. Maxima igitur proportio OT ad PS. Ex magno igitur  
motu O ad T, paruus sit scytalæ motus à P in S. tardius i-  
gitur progreditur scytala, quæ longioribus v&icibus rota-  
tur, vis tamen maxima, quippe quod vt se habet QP, hoc  
est, QR ad QO, ita potentia in O ad pondus quod premis  
in P vel in V. Facillimè itaque pondera v&icibus & scyta-  
lis per horizontis planum transferri, existis pater.

### QVÆSTIO XII.

*Queritur, Cûr Missilia longius funda mittantur quam manu,  
præsertim cum proyicienti funda pondus addatur lapidis seu missi-  
lis ponderi: & minus missili, manu proiecto, com-  
prehendatur?*


Soluit Philosophus, inquiring, fortè ita fieri, quod fun-  
ditor missile projiciat iam ex funda commotum, si qui-  
dem fundam circulo subinde rotans, iaculatur, ex manu  
autem à quiete est initium. Omnia autem cum in motu  
sunt, quàm cum quiescunt, facilius mouentur. Addit præ-  
terea, An & ob eam causam est, sed nec minus etiam, quia  
in fundæ v&u manus quidem sit centrum, funda verò quod  
à centro exit? quanto igitur productius fuerit quod à cen-  
tro est, tanto citius mouetur; iactus autem, qui manu fit,  
funda respectu breuior est.

Hæc Philosophus. Et sanè perquam appositè, itaq;

illi

illi prorsus assentiret, nisi pro comperto haberem, in laetū qui fundā sit, non esse manum ipsam motus centrum, sed potius partem illam brachij, quæ humero iungitur, & id eo motum eo fieri velociorem, quo longior est linea quæ ab humero ad summitatem fundæ est, ea quæ ab humero ad manum ipsam. Illud quoque mirabile est, quod non obseruat Aristoteles, nempe à funditoribus in ipso eiaculari actu, tardam fieri circa caput fundæ rotationem. Quamobrem considerandum est, quo pacto fiat à tarditate velocitas. Respondemus, velocitatem acquiri non ex simplici, quæ circa funditoris caput sit, rotatione, sed ex eo impetu qui fit in ipsa lapidis emissione, qui quidem impetus si ante vel post illud tempus fiat, quod à funditore captatur, cassa prorsus & inualida fit ipsa iaculatio.

Est fundā AB, manus B, brachium BC. Ut igitur se habet CH, ad CB, ita velocitas AD ad velocitatem BE. Vidimus nos pueros, arundini ad caput scissæ, paruos lapides inferentes, arundinemque manu rotantes longissime lapides ipsos proijcere; Arundo FG, lapis F, manus G, brachium GH.



### QVÆSTIO XIII.


*Quæritur, Cur circa idem iugum, maiores collopēs (victēs sunt, quos alij scytalas appellant, ut Pappus & Heron) facilius quam minores mouentur: & item sucula, quæ graciliores sunt eadem vi quam crassiores?*

**I** Deo hoc fieri posse docet Philosophus, quod tam iugū quam sucula cētrum sit, prominentes autem collopum longi-

M

longi-

longitudines eæ lineæ quæ sunt à centro. Celerius autem moueri & plus ab eadem vi quæ maiorum sunt circulorū quàm quæ minorum. quippe quod ab eadem vi plus trāsfertatur illud extremum quod longius à centro distat. In gracilioribus verò suculis datā colloppum paritate plus est id quod à ligno distat.



Est o iugum suculae maior, AB circa centrum C, minor verò circa idem centrū DE. Collops autē AF, pondus quod per iugum attollitur G. At igitur Aristoteles, suculas, iugae AB, DE ceu centra esse, à quibus extat collops AB, ex maiori quidem, totā sui parte BF, ex minori autem EF. quo igitur, ait, longior fuerit collops extans, eo maior, & ideo velocior ad partē F per maiorem circulum FH, fiet collopis motus & ponderis eleuatio, at maior est collops EF ipso BF, facilius ergo mouebitur pondus per suculam DE, ex collope EF, ab eadem vi, quam per suculam AB, & collopem BF.

Hæc sensisse videtur Aristoteles, qui crassa, ut aiunt, Minerua rem pulchram & subtilem est prosequutus. Dicimus igitur primò, instrumentum illud quod Latini suculam, id est, serosulam, à stridore arbitror qui in conuersione fit, appellauere, Græci verò *ὄστρον*, id est, Asinum, quippe quod ceu Asinus pondera sustineat portetque. Hanc eandem Machinam veteres Mechanici vocauere Axem in Peritrochio, cuius nos imaginem, è Pappo in 8. Colle& Mathematicarum desumptam in ipso huius nostri operis initio, inter quinque Potentias proposuimus. Huius vim inter antiquos diligentissime examinauere Heron, & ipse-



ipſemet Pappus, inter iuniores verò Guilibaldus co Tractatu quem hac de Potentia Mechanicis ſuis inſeruit Summa eſt, hanc Machinam ad veſtem reduci. Nec verum eſt quod ſcribit Ariſtoteles, iugum ſuculamque centra eſſe, hæc enim centrum habent, quod in figura ſuperius poſita notatur ſigno C. igitur vt ſe habet FC, ad CA, ita pondus G ad potentiam in F; eſt autem maior proportio FC ad CD, quàm FC, ad CA. facilius ergo mouebit potentia quæ in F, pondus in D, quàm eadem potentia F, pondus in A, hoc eſt, G. Huius naturæ ſunt quoque Ergatæ, quas machinas noſtri, Græco luxato vocabulo Arganos appellant. Suculæ enim reuera ſunt, poſitione tantum ab eis differentes, non enim plano horizontis ergatæ æquidistant, ceu ſuculæ & Axis in Peritrochio, ſed eidem ſunt perpendicularæ. Cæterum facilitatem à velocitate non oriri ſuperius demonſtrauimus.

## QVAESTIO XIV.

*Proponitur dubitatio, Cur eiſdem magnitudinis lignum facilius genu frangatur, ſi quiſpiam aque diductis manibus extrema comprehendens fregerit, quàm ſi iuxta genu. Et ſi terra applicans pede ſuperpoſito manu hinc inde diducta confrigerit quàm propè.*

**S**oluitur à Philoſopho paucis verbis, An quia ibi genu centrum eſt, hic verò ipſe per quantum autem remotius à centro fuerit, facilius mouetur quodcunque: Moueri autem quod frangitur neceſſe eſt.

Estō lignum quod frangi debet AB, genu vel pedis locus C, manuum latè diductarum ſitus DE, minus diductarum FG; itaque quoniam DE magis à centro C diſtant quàm FG, velocius mouebuntur puncta DE ipſis FG, ergo inde facilius fiet tractio quàm ex FG. Hæc ille ex ſuis




quod fuerat demonstrandum. Idem autem intelligendū est de parte CB; eadem enim est ratio. Cur igitur longiora & graciliora ligna faciliè frangantur, ex istis clare patet: nempe quia maxima est proportio longitudinis ad crassitudinem, cuius quidem crassitudinis spatium loco partis illius in vecte succedit, quæ pertingit à fulcramento ad pōdus, hoc est, ad ipsam resistantiam. Sed nos hac eadem de re nonnulla in declaranda quæstione 16. perpendemus.

### QVÆSTIO XV.

*Proponitur inuestigandum, Cur litterales crocæ (glareas dicunt Latini, vel calculos, quos umbilicos appellat Cicero lib. 2. de Orat.) rotundæ sint figuræ, cum aliquando ex magnis sint lapidibus testisue?*

**A**It Philosophus, ideo fortasse fieri, quòd ea quæ à medio magis recedunt, in motionibus, celerius ferantur; medium esse centrum, interuallum vèro quæ à centro, semper autem maiorem ab æquali motione maiorem describere circum; quod autem maius in æquali tempore spatium transit, celerius ferri; quæ autem celerius ex æquali feruntur spatio vehementius impetere, quæ autē impetunt, impeti magis, & ideo quæ magis à centro distant, necesse esse confringi, quod cum glareæ seu crocæ patiantur, necessario rotundas fieri. Hactenus ille; & sanè probabiliter. Verum enim vèro aliter ferres habere videretur: siquidem enim à rotatione ex maiori à centro distantia id fieret, maiores quidem glareæ crocæue essent rotundiores, ac nos non maximas modò, sed & minimas, easque magis angulis carere, & ad rotunditatem accedere videmus. Præterea non moueri eas circa centrum palam est, imò vt varia sunt figura, ita varijs quoque motionibus, ex agitatione moueri. Id sanè exploratissimum est,

angulos omnes, & eminentias quaslibet in corporibus esse infirmiores, offensionibus enim expositæ sunt, nec resistendi habent facultatem. Itaque in attritione quæ fit in eorum agitatione perpetua, eminentiæ contunduntur, & superficies ipsa paulatim leuigatur.



Est o angulatus lapis ABCD. Dum igitur perpeti motione atque assiduâ versatione agitur, ferturque, eminentiæ angulique, utpote debiles & imbecilli, conteruntur, & inde figura fit quædam irregularis, ad primam quidem lapidis formam accedens, levis tamen & quouis angulo carens, qualis est E remotis ABCD, angularibus eminentijs.

Hanc eandem ob causam, sculptores antequam marmoribus vltimum læuorem inducant, dentato malleo primum quidem vruntur, tum demum eminentiores particulas radula faciliè amouentes superficiem ipsam læuam & adæquatam reddunt.

Hinc etiam nostrates Architecti, in arcium propugnaculis efformandis acutos angulos deuitant, utpote debiliores, & magis offensionibus obnoxios. quod nec Vitruuium latuit, qui ideo lib. 1. cap. 5. ita scribit: *Turres itaq; rotunda aut polygonia sunt faciendæ, quadratas enim machina celerius dissipant; & angulos, Arietes tundendo frangunt, in rotationibus autem, uti cuneos ad centrum adigendo ledere non possunt.* Hæc ille. Cur autem nostri rotundas figuras alias utiles reiijciant, ab ijs petendum qui in ea facultate versantur. Porro quod ad hanc eandem speculationem facit, videmus antiquas statuas, ut sæpius auribus, naso, digitis, manibusque atque pedibus carere, quippe quod imbecillæ sint partes, & faciliè quouis occursum mutilentur. Quæ omnia



omnia cum vera sint, nemo, ut arbitror, dixerit, absolute, quod voluit Aristoteles, id ex rotatione velociori & partium à centro remotione, fieri.

### QVAESTIO XVI.

*Dubitatur, quare, quò longiora sunt ligna, tào imbecilliora fiant, & sitolluntur, inflectuntur magis: tametsi quod breue est ceu bicubitum fuerit, tenue, quod verò cubitorum centum crassum?*

EX suis principijs soluit Aristoteles. Inquit enim: An quia & vectis & onus & hypomochlium, id est, fulcimentum in leuando, sit ipsa ligni proceritas? Prior namque illius pars ceu hypomochlium sit, quod verò in extremo est, pondus: quamobrem quanto extensius fuerit id quod à fulcimento est, inflecti necesse est magis; quo enim plus à fulcimento distat, eo magis incuruari necesse est. Necessario igitur extrema vectis eleuantur. Si igitur flexilis fuerit vectis, ipsum inflecti magis cum extollitur necesse est, quod longis accidit lignis, in breuib; autem quod vltimum est, quiescenti hypomochlio depropè sit. Hæc subiectâ figurâ ob oculos ponimus.




Esto longum ac flexile lignum AB, manu eleuetur in A, flectetur itaque in B, & declinabit in C. etenim manus quæ sustinet

in A, fulcimenti loco succedit: longitudo vero AB ponderis vices refert, atque vectis, quare quo longius abfuerit à fulcimento, id est, manu extremum B, eo magis flectetur; si autem lignum breuius fuerit, nempe terminatum in D, nequaquam flectetur, eò quòd eius extremum D minus à fulcimento quod est in A sit remotum. Hæc igitur est mēs


Ari-

Aristotelis, cuius quidem sententiam non damnamus; quippiam tamen addimus. Dicimus autem materiam, quatenus ad hanc contemplationem spectat, in duplici esse differentia. aut enim rarefactionis & constipationis est incapax, ut in chalybe videmus, nitro, metallo, marmore, aut capax quidem, & hæc duplex: Vel enim natura nata est ad rectitudinem quandam, ut arborum flagella virgæque, aut non item, ceu stannum, plumbum, & cætera eiusmodi.

Est primò vitreum  

 corpus gracile, procerum, teres AB, manu capiatur in A, itaq; pondere ipsius corporis prævalente ad partes B, quia in C puncto, quod circa medium est, ex parte superiori non fit rarefactio, nec in inferiori constipatio, nec interim datur penetratio corporum, sit fractio à superiori parte, & pars CB à reliqua parte AC, auulsa & separata cadit in D, succedit autem ipsa separatio rarefactioni. Potrò quod materias hæc non flexibiles diximus, sed frangibiles, non ideo negamus, vel sensu docente, aliquam in ijs fieri flexionem. Si autem lignea fuerit materia, eaq; flexibilis, ut EF, si manu eleuetur in E, prævalente pondere in F flectetur vbi G. ibi enim à parte superiori fit rarefactio, ab inferiori verò constipatio, & pars GF declinabit in H, quæ declinatio eò usque procedet, quo rarefactio & constipatio competens naturæ illius materiæ, quæ flectitur ad summam intensionem devenierint, tunc si vis maior ingruerit, frangetur omnino: si seorsus facta ibi resisten-

resistentia, vbi rarefactio fit & constipatio post inclinacionem sursum feretur pars inclinata & nutans, tum in contrariam partem tendens reflectetur, vt videre est in virga IN. Declinans enim in KL, repellente ea quæ infra K fit materiæ condensatione, impetu ex descensu acquisito facta reflexione ascendit in KM, donec paulatim circa pristinam rectitudinem reuertatur, & hic quidem motus vibratio dicitur, agitatione. Si autem virga plumbea fuerit, naturâ non factâ ad rectitudinem, puta OP, proprio vincente pondere, ad partes declinabit QS, fietq; in QR rarefacta, nempe superiori parte ea constipata inferiori in Q nec reflectetur, quippe quod eius natura condensationem & rarefactionem commodè patiat, nec facta sit ad rectitudinem.

Porro tripliciter fieri potest horum oblongorum corporum eleuatio, nempe vel extremorum altero, aut si ambobus, si vtrinque suspendatur, vel alicubi inter extrema. De priorimodo iam egimus. Modò suspendatur in medio vt AB, in C. eo igitur casu cum fulcimentum sit in C, vtrinque fit flexio in D, & E, & id quidem si materia flexionem patitur: sin minus, fractio fit in C. Si autem ab extremis fiat suspensio, vt in



AB, tunc ceu duo vectes fient, quorum fulcimenta in extremis AB. Pondera autem communia in medio vbi tremotissima enim ea pars est ab extremis AB. Cedente igitur materia suomet pondori, siquidem inflexibilis fuerit, frangeretur, & fiet partium separatio in C, duoque inde corpora AD, BE. Si autem flexionis capax, vt AB, in postre-




ma figura, facta ex contrario, nempe in inferiori parte circa C rarefactione, in superiori verò condensatione, pondere prævalente curuabitur, fietq; lignum quidue aliud huiusmodi, vt ADB, nec amplius pondere suapte naturâ inferius vergente ad rectitudinem reuertetur.

Cæterum cur oblonga & graciliora corpora facilius illis, quæ contrario se habent modo, frangantur, ex mechanicis principijs in quæstione 14. aperte demonstraui-  
mus. Modò vt ex hac contemplatione, quæ aliàs inutilis videtur, aliquam vtilitatem capiamus, & ex his quæ contemplabimur, Architecti prudentiores fiant, isthæ ipsa, de quibus agimus, ad rem ædificatoriam commodè aptabimus. Transferamus igitur cogitationem ad eam trabem compagem, quæ ad tecta sustinenda ex transuersario architectarioq; sit, & duobus cauterijs, quam nostri à Latinis detorto vocabulo Biscauterium dicunt. Perferutabimur enim, vnde illi tanta ad sustinendum vis, & quæ compagem hanc consequantur passionēs. quamuis enim fabri mera praxi, quod vtile est efficiant, nos meliorum ingeniorum gratiâ, rei ipsius causas diligenter examinatas in medium proferemus; nec de hac re tantum agemus, sed de Cameris quoque, fornicibus eorumque vitijs & virtutibus quatenus ad Mechanicum pertinet, sermonem habebimus. Quærimus primo, cur perpendiculariter erectæ trabes superimposita pondera validissime sustineant? Et sane hoc omnes norunt, sed non per causas.


Esto horizontis planum, illudque solidissimum, & impenetrabile AB, trabes idem ad perpendicularum erecta CD fulta basi vbi C grauitatis centrum F. pondus superimpositum FG, cuius grauitatis centrum H: Sint autem H & E in eadem perpendiculari, quæ ad mundi centrum HE C. Itaque eo quod tum ponderis tum trabis centra grauitent in perpendiculari, illa verò fulciatur in C, totius





tius ponderis moles recumbet in C: non descendet autem in I, propterea quod supponatur ipsum planum AB, impenetrabile. Igitur ut pondus H descendat in C, alterum duorum est necessarium, nempe vel trabem subiectam comminui, aut eius partes sese penetrare, & plura corpora esse in eodem loco, puta KC, quorum hoc secundum naturæ penitus repugnat, illud vero primum, penè impossibile. Diuidatur enim trabs in partes æquales tres, lineis KL, ipsa igitur KC infima sustinet mediam KL, hæc verò supremam LD, hæc autem pondus, ipsum superpositum in H. Se igitur sustinent partes. Sed illud totum partibus constat, ergo pondus totum à trabe tota, hoc est, à se toto sustinetur.



Præterea in præcedenti quæstione monstrauiamus tunc facilem esse gracilis & oblongi ligni fractionem, cū maxima est longitudinis ad crassitudinem proportio. Hic verò contrà accidit, etenim MD pars vectis quæ à fulcramento est ad potentiam minimam habet proportionem ad rectam DC, quæ à fulcramento ad locum fractionis extenditur, vbi C, quod ut euidentius pateat,



Esto seorsum trabs AB, cuius medium C. Sit autem pondus D impositum puncto C. facile igitur frangetur lignum AB, propterea quod maxima sit proportio AC ad CE; resistentia verò fiat in E, addatur vniaturq;


ligno AB lignum FH. Crassius igitur est totum AL, ipso AH, & ideo minor proportio AC ad CG quàm AC, ad CE. Addatur adhuc & IM. Longè itaque difficilius frangetur in K propterea quòd longè minor sit proportio AC ad CK quàm eiusdem ad CE & CG. His igitur consideratis, & demonstratis concludimus, impossibile esse eandem trabem ponderi cedere, & frangi.

Dicit autem quispiam, hæc si vera sunt, quo gracilius fuerit fulcrum, eo validius sustinebit, & frangetur minus, quod oppido falsum est. Respondemus, id non ex proportionum naturâ, sed ex materiæ ipsius infirmitate fieri. Ita quoque in recte non materiam, quatenus ad vim pertinet, sed proportionem partium consideramus. Vt utique igitur requiritur ad fulcri validitatem proportio longitudinis ad crassitudinem debita, & materiæ ipsius robur & fortitudo. Præterea, quoniam pondus, cui fulcrum resistit, vel ex natura premit, vel ex violentia, illud quidem per lineam perpendicularem, quæ ad mundi cætrum, hoc autem lateraliter & diuersimodè, varia sit fulcrorum dispositio. Cuius rei summa hæc est, vt semper contra impetum supponantur.




Est enim horizontis planum AB, eidem perpendiculares CADB, itaque si naturaliter pondus premat ex C, fulcrum supponetur AE. Si autem ex F ipsum GE, si verò ex H, supponatur iuxta BE. Si verò secundum I ponderi opponatur KE. Hæc nos de arrectarijs fulcrisue; nunc de transuersarijs, & inclinatis agemus, & primum de transuersarijs, quatenus ad tectorum trabeationes spectat.

Est transuersaria trabs AB, muris vtrinque fulta CD, cuius



cuius grauitatis centrum E, in perpendiculari FEG, quæ quidem ad mundi centrum vergit. Itaq; eodem tendente grauitatis centro, si pondus quod premit in E, non præualeat vnioni partiũ ipsius materiz quæ est in E, resistet trabs suomet ponderi, nec frangeretur. Si autem vel infirmitate materiz, aut vitio, vel maxima existente proportionẽ AF ad FE, fractio fiet in E, & secutâ partium separationẽ duæ, fient vtrinque trabes AH, BL, quorum grauitatis centra KL. Erunt igitur duo vectes AE, BE, quorum fulcimenta MN, quãobrem si proportio EM ad MH ita præualeat, vt pondus quod est in E, superet pondus muri O superimpositi, & item muri P, corruent quidem trabes, & murorum fiet hinc inde dissipatio. Si autem non præualuerit ea, quã diximus, proportio, suspensæ remanebunt vtrinque trabes vt AH, BL.

Huic difficultati egregiè occurrunt Architecti, aliquando autem hoc modo:




Esto transuersaria trabs suâ gracilitate, aliaue de causâ imbecilla AB, muri quibus vtrinq; sustinetur CD, Trabis ipsius grauitatis centrum G. Itaque ad pactis trabi lignis EF, capreolos addunt muro vtrinque fulcos CE, DE, eorum capitâ ad pactis lignis admouentes EF, sed & tunc validissima fit colligatio, si inter E & F capreolorum capitâ integrum lignum trabi supponatur EF. Ratio





gitur ita constitutis pondus quidem transuersariæ trabis, quod suapte naturâ premit in medio vbi C, ferrea fascia, arrectariæ trabi affixa distinetur, Arrectariam cauterij sustentent, hos verò transuersariæ capita AB, quibus induntur. Tota igitur eiusmodi operis vis in eo consistit, vt probè cauterij transuersariæ & arrectariæ trabi inferantur. fixis enim cauteriorum pedibus in AB, non descendet à partibus seu capitibus D, ijs verò stantibus stabit & arrectarium, quo inde suspensio transuersaria trabes ei ex ferrea fascia alligata nequaquam pendeat. Stabit ergo compages tota & suapte vi robustissimè connexa totius tecti pondus sustinebit.

Quoniam autem vsu venire solet, cauterios nimia longitudine debiles, aliquando tum proprio tum extraneo cedentes ponderi deorsum vergentes pandare, Architecti capreolis hinc inde suppositis, seu fulcris, huic medentur infirmitati.



Sint enim cauterij debiles hinc inde AB, AC, media trabs arrectaria, quam Monachū dicimus AD. Cauteriorum mediæ partes E, F, in punctis igitur E, F, utpote maximè ab extremis distantibus debiles cauterij valde laborant. Itaque suppositis utrinque arrectariolis EH, FI, eorum capitibus E, F, duos cauteriolos sibi ipsis ad pedem arrectarij in D, resistentes apponunt. quibus ita constitutis nec E, nec F ad partes H, I, descendere valent. Capiatur enim inter EH, quoduis punctum G, & BG, DG, connectantur, erunt autem BG, DG ipsæ BE, ED breviores ex 21. primi elem. Tunc igitur punctum E fiet in G cum BE, ED fient in BG, DG, quod non cedentibus B, D, & sibi ipsis brevioribus factis partibus

bus BE, ED, prorsus est impossibile. stabunt igitur in eorum rectitudine cauterij AB, AC, nec pandabunt, quod fieri querebatur.

Hic autem damnandi veniunt ij, qui transuersariæ quidem trabis capitibus cauteriorum pedes non inserunt, sed ea vice transuersariolo quodam medios cauterios vtrinque connectunt ad instar elementi A, quam compagem, capram, appellant. Sint enim cauterij hinc inde AB, AC, quorum medias partes connectit transuersariolum DE. Dico igitur colligationem istam magnopere improbandam. Sunt enim AB, AC vectes, quorum commune fulcimentum A, potentia hinc inde diuariantes B, C, pondera inter fulcimentum & potentias DE. quoniam igitur ut DH ad AB, ita potentia in B, ad pondus in D, parua quidem potentia, pondus in D distrahent & superabit: facillimaq; inde fiet transuersarioli à capreolis ipsis vtrinque reuulsio: Et quoniam centrum quidem est A, facta in D, E, parua diuarcatione, maxima fit in BC, utpote partibus ab ipso cetero A quam remotis. Calcitrant igitur liberi prope cauteriorum pedes, & mauros ipsos summos, non sine magno operis totius vitio, sua calcitatione propellunt.

Hæc nos de trabeationibus, modò ad fornicum camerarumq; naturam stilum transferemus; id enim suadet utilitas, imò & necessitas ipsa. Pauci enim ante nos hæc tractarunt, & sanè his probe non cognitis aut neglectis, Architecti fabriq; ingentes per sepe incutunt, & inexplicabiles difficultates. Dicimus igitur primò, coctiles lateres, & non cuneatos lapides ad rectam lineam dispositos, non stare.

Sint enim muri vtrinque AC, BD. Ducatur horizontali æquidistans CD, iuxta quam lateres lapidesue non cuneati, seriatim collocentur EF. Dicimus amoto arma-


mento,



mentò, hoc est, prohibent ipso lateres ruere. Producantur enim AC in G, BD verò in H, cum ipsis CG, DH, æquales fiant CI, DK, & recta IK iungatur, erit igitur GD spatium ipsi CK spatio simile quidem & æquale, quod

cùm ita sit, nihil prohibet quin tota laterum GD moles in spatium CK transferatur, & corruat.

Si autem cunci ipsi lateres sue, cuneatim dispositi, ita sint ut ad vnum centrum tendant, licet ad rectam lineam collocentur, non delabentur, sed stabunt; quod ita ostendemus.




Sint cunci lateres sue cuneatim dispositi ABCD, tendentes ad centrum, seu commune punctum E, Ducantur CAE, DBE, sintque muri utriusque ponderi resistentes CL, DM, Demittatur perpendicularis, quæ ad

mundi centrum FGE secans AB, in G. Tum fiat GK æqualis GF & per K ipsi AGB parallela ducatur, HKI claudens spatium AHIB. Quoniam igitur ut EC, ad EA, ita CD ad AB per 4. propof. lib. 6. maior erit CD ipsa AB, & eadem de causa maior AB, ipsa HI, & idcirco maius ABDC spatium, spatio AHIB. Non igitur potest linea CD, fieri in AB, neque AB, in HI, neque spatium totum CABD, transferri in spatium AHIB non data (quod naturæ ipsi repugnat)

gnat) corporum penetratione. Stabunt ergo cunei, quod fuerat demonstrandum.

Verumenimvero, debilis hæc structura est, & eo debilior, quo vani latitudo fuerit maior, cuneorum verò altitudo minor. Idem enim patitur quod epistylia in specie Aræostyla, quæ, vtr scribit Vitruvius lib. 3. c. 2. propter intervallorum magnitudinem franguntur. Id quoque habet vitij, quod cunei ita dispositi suo pondere incumbas vtrinque violentissimè pellant. Vtilis tamen esse potest ad portarum & fenestrarum, quæ in medijs muris sunt, & mediocri vano aperiuntur, superliminaria.

Si verò ad minorem circuli portionem curvatur Camera, vtior quidem erit structura ea ipsa, de qua locuti sumus; non tamen omninò sine vitio.



Esto fornix ex minori circuli portione AB, cuius in cumbæ AF, BH muris fultæ AC, BD. Constet autem vel ex lapidibus cuneatis, vel ex coctilibus lateribus ad B cœtrum tendentibus. Sitq; fornicis linea exterior FGH, interior AIB. Ducantur EA, ED, & producantur in M, N.

Quoniam igitur ut EM ad EA, ita MGN ad AIB, maior erit MGN linea ipsa AIB, quam obrem fieri non potest ut aptetur lineæ AIB, & in eius locum descendat. Stabit igitur, incumbis utrinque non cedentibus. Valide autem speciem hanc, loca quibus incumbit, propellere, ita ostendemus.

Producatur in eadem figura CA in F, & DB in L.  
Partes igitur quæ muris ad perpendicularum fulciuntur,  
sunt AKF, BLH, minimæ illæ quidem, maxima verò pars  
est



est extra fulcimenta, nempe tota AKLB quæ idcirco suo-  
p̄te pondere deorsum vergens & in incumbas vtrinque pel-  
lens aperitur, & facillimè vitium facit. Eiusdem ferè na-  
turæ ea species est, quæ vel ex media, vel ex minori ellipsis  
secundum maiorem diametrum fit segmento. Vtilior ta-  
men hæc est, præcipuè circa incumbas, propterea quod  
partes habeat erectiores, & circulari illa de qua egimus,  
magis fultas. circa medium autem potest videri debilior,  
quippe quod ellipsis ibi circulo cūruetur minus.


Ea verò forma, quæ mirum in modum delectati sunt  
Barbari, qui declinante imperio Italiam inuaserunt, &  
bonam emendatissimamque antiquorum ædificandi ra-  
tionem deturparunt, ex duobus constat circuli portioni-  
bus, quæ obrem Albertus lib. 3. hosce arcus, compositos,  
appellat. Circinantur autem hoc pacto, diuisa nempe  
subtensa, in partes tres, easque æquales, ponitur circini  
pes in altero diuisionum puncto & pars circuli describi-  
tur, mox in altero puncto circini pede collocato alia cir-  
culi portio lineatur, quibus arcus ipse integratur. Appel-  
lant autem tertium acutum, eo quod ex subtensa in tres  
partes diuisa, arcus non fiat rotundus, sed in acutum an-  
gulum ex duabus circuli portionibus desinens.



Sint igitur muri  
AC, BD, in quibus v-  
trinque incumbat KA,  
BI. Ducatur itaque sub-  
tensa horizonti æquidi-  
stans AB, quæ in tres æ-  
quales partes diuidatur  
punctis E, F, tum centris  
EF, circularum portio-  
nes describantur hinc  
AG, HK, inde verò hinc  
O 2 IH,

IH, ex quibus arcus totus integratur. Vtilis hæc quidem species est, licet inuenuita, propterea quod haud violenter incumbas utrîque repellat, & in summo magnis sustinendis oneribus sit apta. Producantur CH in N, DB verò in O, sitque centrum grauitatis A Gin L, partis vero BG in M. Quoniam igitur centra hæc ob elatam portionum constitutionem quam proxima lineis AN, BO, fulcimentorum sunt, maximè sustinetur, & deorsum potius quam lateraliter incumbas ipsas premunt. Si quid tamen habet vitij, illud est quod grauitatis centra momentum habentia ad interiorem partem versus PQ vim faciant, & nisi partes magno superimposito pondere, comprimantur, partes quæ sunt circa HG, sursum pellentes aliquali sibi rectitudine comparata corruunt, facta nempe circa L, M, coniunctarum partium separatione.

His hoc pacto explicatis de semicirculari fornice agemus, quæ cæteris omnibus vtilior est, & longè pulcherrima, quam obrem Antiquis Architectis omnibus in primis admodum familiaris:



Esto vanum ABCD, muris utrîque clausam. Ducatur per summitates murorû horizonti æquidistans recta AD, hac bifariam secta in E, eodem centro E, spatio verò EA semicirculus describatur AFD, concaua nempe ipsius fornicis

niciis pars; tum eodem centro, spatio verò EG, circinetur GHI ejusdem forniciis pars conuexa. Post hæc productis lineis BH, CD, in OP, secetur fornix tota in tres æquales partes AGKM, MNLK, NDIL, & KME, LNE iungantur, sint autem partium ipsarum gravitatis centra QRS. Est autem R in ipsa perpendiculari HE. Quoniam igitur partium AGKM, DILN, quæ vtrinque sunt gravitatis centra QS, in ipsis sunt fulcimentorum lineis OH PD. suâ sponte fulcimentis eas sustententibus partes ipsæ stabunt. Pars autem media KMNL deorsum vergente per ipsam HE lineam gravitatis centro, si parumper vel incumbat vel partes vtrinque AGKM, DILN cedant, utpote quæ à fulcimentis est remotissima, magno impetu suo pre pondere deorsum feretur. quæ igitur in his semicircularibus fornibus partes stabiliiores sint, quæ verò casibus obnoxiz, ex his quæ diximus, clarè patet.


Cæterum cur incumbis manentibus fornix stet, ea causa est, quod partes exteriores GK, KL, LI, maiores sint inferioribus & oppositis AM, MN, NG; quod supra demonstravimus.

Si quid autem vitij in hac specie est, illud quidem est, quod summa pars KMNL deorsum vergens magnâ vi partes, quæ vtrinque sunt, repellat, ex qua re solidarum partium fit solutio, & inde ruina.

Huic difficultati ut occurrerent peritiores Architecti, plura excogitarunt remedia. Primum enim parietes hinc inde ita solidos, crassos & firmos faciunt, ut suapte vi resistentes dimoveri loco nequeant, vel parastatas adducunt in figura TX, VY. Præterea & ferrea clavi ex incumba in incumbam ducta & vtrinque firmata contrarias partes validissimè connectunt, quæ calcitrantes (ita enim loquuntur nostrates Architecti,) forniciis pedes cohibent, & solidum ne solvatur impediunt. qua in specie dubitandum

esset, an optimo loco sita sit clauis, quæ per centrum? Et sanè videtur, quippe quod circa incumbas impetus fiat maior. Ego autem vtilius ibi poni arbitror, vbi puncta q. s. hoc est, in medio tertiarum illarum partium, quæ vtrinq; incumbis insistant, propterea quod primus impulsus ex media parte quæ impendet, ibi fiat. Rarò tamen boni Architecti eo loco aptare solent, eo quod eiusmodi claues vel pulcherrimis ædificijs minuant gratiam. Vnde fit vt nunquam satis laudetur Lucianus ille Benuerardus Lauranensis Dalmata, qui nullibi apparentes eas posuit in admirabili illa Urbini Aula, quam Federico Feltrio, felicissimo æquæ & inuictissimo Duci, ædificauit.

Tertio denique modo huic infirmitati medentur, vt videre est in sequenti figura, in qua vanum ADBC, muri vtrinq; AF, BH, fornix verò FGH. Itaque dum muros



extruunt, arrectarias trabes, robore aliaue materia firmissima, illis inserunt, quales sunt IFK LHM, ea proceritate vt futuri fornices superent summitatem. Consummato enim fornice, nondum tamen exarmato, transuersariam trabem à summo forniceis dorso parumper

eminentem in punctis I, L, arrectarijs trabibus validissimis clauibus connectunt, tum punctis NP, Oq, capreolos

trans-



transuersario, & arrectarijs ferreis, clauis affigunt. Quibus ita concinnatis, facta fornicis validâ preffione in G, incumbisq; F, H, ad exteriora repulsis, AB spatium non fit maius. Repulsis enim incumbis & muros propelli necesse est, & cum muris ipsas insertas trabes, I, K, L, M. At varicari non possunt, nî secum trahant puncta P, Q, quod fieri non potest, propterea quod in punctis N, O, validè distineantur. Itaque spatio AB non dilatato nulla fit ipsius fornicis dissolutio, quod vtrique à principio ceu propositus finis quærebatur. Sed dicet quispiam, Nonne pendebit transuersaria trabs in ipsa distractione arrectariorum, pressa in punctis N, O? aut parum dicimus, aut nihil. Cum enim P, Q proxima sint punctis F, H, quæ cum arrectarijs à muro distineantur, magnâ in ijs fit vtrobiq; resistentia.

Rebus igitur ita se habentibus cum obseruassent Architecti, ob enormitatem ponderis fornices in tertia illa




parte quæ summa est laborare, quâ tum tertijs vtrinque partibus soliditatis addunt, tantundem ex illa parte suprema demere solent, vt videre est in subiecta figura, in qua partes A, B, solidæ & crassiores, quibus hærent partes, quæ CE, DG, crassæ quidem & illæ, cum vero summa EFG, alijs subtilior. Minus igitur grauante ponde-

re in F, minor fit ad incumbas pressio, aut si qua fit, à partiû ACE, BDG soliditate haud inualidè sustinetur.

Cate-

Cæterum admonet nos locus, ut aliquid de fornici dissolutionibus in medium afferamus: causis enim morborum cognitis, facilius periti medici adhibere solent remedia.




Esto enim semicircularis fornix ABC, cuius centrum E, perpendicularis vero quæ per centrum DBE, semicirculi ABC, diameter AEC, incumbat utrinque A, C.

Itaque si nulla fiat incumba-

rum repulsio, stabit fornix; si vero fiat, ruinam faciet.

Pellantur itaque ad exteriores partes, ut in secunda



figura, H in F, & C in G, ex qua pulsione cum maius fiat spatium quod integro fornice implebatur, iam distractis utrinque fornicis partibus non impletur, Diuiditur igitur

locus maior factus in tres partes, quarum hinc inde duas replent fornicis partes, tertiam vero quæ media est, replet insertus, ne vacuum detur, aer, ut in figura videre est, in qua solutæ utrinque fornicis partes HIKF, PMNG, aer autem medius spatium replens IKMN. Diuidantur singuli quadrantes FK, GN, in partes tres, quarum duæ sint hinc inde FQ, GR, & à centris, quæ separatim quadrantibus facta sunt in ST, rectæ ducantur SQV. TRX. Quoniam igitur tertiarum partes utrinque VIKQ MNRX propria gravitate depressæ, nullum quo sustineantur fulcrimentum habent, corruent quidem. Ducantur autem rectæ QI, RM, constituentes cum ipsis QV, RX pares angulos VQI MRX. Itaque centris QR partes QIRM ad inf-



eis partes è suis locis auulsæ ex eadem aperitione ruina-  
facient, quod non contingit partibus crassioris. quod sa-  
nè fuerat declarandum.

Quæritur adhuc, quare grauiores fornices in sum-  
mis ædificijs non sine vicio fiant?

Esto ædificium ABGH, cuius vtrinque muri ABCD,  
EFGH, maiorum summitates AD, EH, mediæ murorum  
partes KL, fornicum summus quidem DIE, medius verò



KL. Dico, magis cedere pul-  
sos muros summos circa DE,  
quam in medio circa KL. Sunt  
enim muri BA, GH ceu vestes  
quidam, quorū extremis par-  
tibus à fulcimentis BG remo-  
tissimis potentia admouetur,  
hoc est, ipsius fornices DIE ad  
DE incumbans repulsio; lon-  
gior est autem pars à fulcimē-  
to ad potentiam AB, ipsa BK.  
Data igitur paritate potentia-  
rum plus operabitur ea quæ in  
D, illa quæ K. facilius ergo re-  
pellentur muri in DE quàm in

KL. ANa quoque ratio intercedit, siquidem pondus muri  
superioris ADK, premens inferiorem murum KBC, cum  
sua grauitate firmiorem, & pulsionibus minus obnoxium  
reddit. Difficilius enim propellitur id quod graue est quā  
quod leue, vt nos quæstione 10. demonstrauimus.

#### QVÆSTIO XVII.

*Quærit Aristoteles, Cur paruo existente cuneo magna scindantur  
pondera & corporum moles, validaq; fiat impressio?*

IN parua re magnum negotium. Etenim quæstio hæc  
clarif.



clarissimorum virorum ingenia magnopere fatigauit. Ex quibus Aristoteles inter veteres, Guid. Vbald. inter recentiores ad vectis naturam (ne quid in Mechanicis ad vectem non reduci putaretur) cuneum ipsum trahere conati sunt. Nos autem pro




veritate certantes, si in horum sententiam vltro non transferimus, multa venia digni à non iniquo iudice existimabimur. Aristotelis mentem clarè & fusè explicat G. Vbald. in Mechan. vbi de Cuneo peculiariter agit.

Esto igitur scindendum quippiam ABCD, Cuneus EFG, cuius pars HFI scissuræ inserta HI, facta igitur valida percussione in EG, fiet vt cum EG fuerit in NO, H sit vbi N, A vbi P, itemque I vbi O, D verò vbi Q & facta erit scissio NSO, toti nempe cuneo EFG, æqualis. Vult igitur Aristoteles, duos in cuneo vectes considerari EF, GF, quorum alterius, nempe EF, fulcimentum sit in H, pondus vero in F; alterius autem, hoc est, GF fulcimentum quidem sit in I, pondus verò itidem sit in F. His nequaquam consentiens G. Vbald. aliam viam ingreditur. Ait enim EHF vectes quidem esse, quorum commune fulcimentum F, potentias verò mouentes in EG. Pondera vtrinque inter fulcimenta & potentias, vbi HI, idemq; esse ac si EF, GF, teorsum à cuneo considerati in puncto F, adinuicem sulti atque distracti pondera pellerent H in NP, I verò in O, Q. Verumenimverò quoniam cunei angulus non mutatur, nec vertex ipse centri vllum prorsus præbet vsum, nec eius latera vtrinque distracta ad contrarias partes didu-

cuntur, vestes in cuneo hoc pacto considerare videtur à veritate alienum. Aristotelis autem solutionem falsam esse, clarè patet. quo pacto enim F peller ex fulcimento Hipsum ligni partem OS, & idem F ex fulcimento I peller oppositam partem NS, si inuicem contententes extremæ vestium partes in F, altera alteri ne quicquam operentur, est impedimento? Et sanè opinionis falsitas inde patet, quòd videamus materiæ partes scissas, in ipso scissionis actu facta distractione à cunei vertice nequaquam tangi. At eiusmodi operationes per contactum fieri nulli est ignotum. Solutio igitur ista meo iudicio, tanto Philosopho prorsus videtur indigna.

Porro G. Vbald. ijs quæ de diuariatis vestibus in medium adduxerat non acquiescens alias quærit causas, cur cuneus minoris anguli validiùs scindat. Idq; ex quodam lemmate demonstrare conatur, figura autem eius ita ferè se habet.



Esto cuneus ABC, item alius DEF. Demonstrauit igitur ex assumpto, quo acutior fuerit angulus BIM, eo faciliùs pondera moueri, & idè faciliùs ceu veste AB moueri pondus I quàm veste DE pondus Q. Ingeniosè quidem. At magnam hæc apud me habent difficultatem. Si e-

nimita se habet AB, ad BI, vt DE, ad EQ (ipse enim DE, EQ supponuntur æquales) ergo eadem æqualisue potentia æqualiter mouebit pondera I & Q, quod ipsi eiusdem demonstrationi prorsus concludit contrarium. Nec meo quidem

quidem iudicio id sequi videretur, propterea quod ex Papo ea quæ in planis inclinatis mouentur, redigantur ad libram. Ratio enim valde est diuersa, siquidem pondera quæ in planis inclinatis mouentur, cetera habent fulcimenta & determinatas tum brachiorum tum ponderum proportionem, quæ omnia in cuneo, nec quidem mente concipi posse, clarè patet.

His igitur difficultatibus consideratis, Nos cuneum, ad alia esse principia referendam pro comperto habemus. Ordinatur igitur hoc pacto. Cuneo quidem res diuidi certum est. Cæterum quæ natura diuidere apta sunt, tria sunt, punctum, linea, superficies. Puncto enim linea, lineâ superficies, superficie autem corpus ipsum diuiditur. quæ omnia à Mathematico absque materia considerantur. De diuisione autem quæ fit ex puncto, nihil agit Mechanicus, qui corporibus quidem vtitur, ad cuius naturam non trahitur punctum, cuius partes sunt nullæ. At non lineis & superficiebus modò corpora diuiduntur, sed etiam corporibus, quod verum est, at ea corpora ad linearum & superficialium naturam quodammodo aptari facile docebimus. Dicimus igitur, duplicem esse Cuneorum speciem, linearem vnâ, superficialem alteram. linearem appello, quæ ad linearum naturam magnopere accedit. Tales sunt orbiculares illæ cuspides, quibus ad perforandum vtimur, & ideo vernaculè Pantirolos vocamus. Acus item sutorij, & cætera quæ non secus ac lineæ in punctum desinunt, & imaginariam quandam lineam ceu axem in eo puncto desinentem continent. Ad lineam quoque referuntur lateratæ cuspides oblongæ, & subriles ceu subulæ, clauis, enses, pugiones, & his similia, quæ cum adacta validam faciant partium separationem ad cunei naturam non referre magnæ videretur dementiæ. Et tunc quanto magis corpora hæc ad linearem naturam accedunt, eo ma-

gis penetrant. Sed & hoc idem in rebus non ab arte, sed ab ipsa natura productis facile est cognoscere. Quis enim non experitur, quàm validè culex, infirmissimum animal, & ea paruitate qua est, hominem & cæterorum animalium, cutes aculeata proboscide penetret? Id utique non alia de causa fit, quod ad imaginariæ lineæ subtilitatem quam proximè accedat. Vespa quoque, Apes, Scorpiones aculeis istis, ceu linearibus cuneis utuntur. Nec refert, ut diximus, utrum laterati sint, ceu subulæ, & clavi, vel rotundi & utrum plura paucioraue latera habeant, dummodo in punctum & aculeatam aciem desinant. Altera porro cuneorum species superficiei naturam sapit, acie siquidem in lineam desinit, quæ superficiei est terminus, quæ obrem huc ea omnia referuntur, quæ acie ipsâ scindunt, ceu sunt cunei propriè dicti, de quibus hoc loco est sermo, cultra, enses, alciæ, secures, scalpra lata, & cætera eiusmodi, quibus corpora acie scinduntur. Quidam his addunt serras, quibus haud prorsus assentimur. Etenim alia ratione diuidunt, sicut & limæ solent, deterendo enim, non scindendo ferri, ligni, & marmorum duritiem diuidunt & domant. His igitur cõsideratis, si daretur ex materia quapiam infrangibili cuneus, qui maximè ad superficiei naturam accederet, vel paruo labore tenacissima ligna validissimè scinderet, & ideo optimè res gladijs illis diuiditur, qui magis ad superficiei naturam accedunt. Ex quibus omnibus, ni fallimur, clarè patet, cur acutiores angulo cunei obtusioribus facilius scindant, quæ quidem ratio longè ab ea distat, ex qua cæteri ferè omnes Cuneum ad vetustis naturam referre hætenus contenderunt.

Cæterum utramque eorum quos diximus, cuneorum speciem solertissima cognouit Natura, & ideo quoniam res vel contusione vel perforatione, vel secatione conficiuntur, triplicem dentium qualitatem dentatis animalibus

bus





bus dedit, Molares, qui & Maxillares appellantur, quibus cibus contunditur, Canini, quibus fit perforatio, Anteriores, quibus cibus scinditur, quos ideo *πρηνες*, id est, secantes appellant Græci.

Molares KK,

Canini L, L, Temni-

ciseu secantes M. Cuneus orbicularis linearisque AB, in quo axis linea est, ad cuius naturam accedit AB cuneus superficialis CD, accedens ad superficiem naturam, quam vitro imaginamur EFGD, in aciem cunei desinentem GD, Lateratus linearisque cuneus, clauus HI.

Cunei autem omnes dupliciter sunt efficaces, vel enim malleo, ut in ijs fit, quibus ligna scinduntur & scalpris fieri solet, adiguntur, vel impulsu & pressione, ut in gladijs fit, pugionibus, cælatorum scalpris, subulis, & cæteris eiusmodi. Quidam etiam sunt, qui licet mallei ictu non adigantur, malleum coniunctum habent, ceu sunt securæ, ligonæ, Ascix, & his similia, quæ ex percussione semetipsa scindendis rebus inferunt & validè penetrant. De vi autem & efficacia ictus seu percussione hic supersedemus aliquid, ea de re, in sequenti quaestione verba facaturi.

Multa hinc addere potuissimus ad Cochleam spectantia, quippe quod Cochlea cuneus sit Cylindro inuolutus, qui quidem ad mallei, sed vestis virtute sibi adiuncta, validissimè operatur, & sexcentis inseruit vsibus. Veruntamen cum de hac specie egregiè differat G. Vbaldus,


con-

consultò hanc disputationem omittimus; idque hac quoque de causa, quod nihil de cochlea, ac si eam non novisset, locutus sit Aristoteles.

Possumus autem in actu scissionis, quæ cuncto fit, aliâ tamen ratione vestem considerare, nempe non in cuncto quidem, sed in ipsa re quæ scinditur.

Est enim quip-  
piam scissile ABCD,  
cui alteri extrema-  
rum, puta BD, cuneus  
adigatur EFG, fiatq;  
scissio per longitudi-  
nem secundum lineā


EH. facta igitur ex



cunei ingressu partiū separatione B, expelletur in I, D-  
rò in K. fient igitur materiæ scissæ partes AIBH, CKDH,  
ceu duo vectes, quorum hinc inde in corpore ipso fulci-  
menta L, M potentia vtrique dilatantes BD, pondus ve-  
rò materiæ resistentia, in separationis loco vbi N. Duca-  
tur NL, quanto itaque BN maiorem habebit proportio-  
nem ad LN, eo facilius resistentia quæ in N, superabitur.  
Mutatur autē assidue in ipsa scissione fulcimentum, & cū  
fulcimento ipsa proportio. Pertingente enim scissione in  
O, fulcimentum fit in P. quo casu scissura est facilior, quip-  
pe quod maiorem habeat proportionem BO ad OP, quā  
BN ad NL. Hoc autem experiuntur materiarij, qui primis  
ictibus, securiculā nondum probè adactā, & nondum fa-  
ctā notabili scissione difficultatem sentiunt, mox factā iā  
separatione facillima paulatim fit materiæ totius separa-  
tio. Hoc idem & nos absque cunei vsu experimur, cum ba-  
culum aut quippiam tale manibus diductis seindimus. à  
princípio enim difficultatem sentimus, deinde ex ea quā  
diximus proportionē scissio ipsa fit apprimè facilis. Vti-

mur

mur etiam vecte cuneato ad scindendum & aperiendum: adacto enim scissuræ cuneo, idque manu malleolæ, tum ab altera extremitate pressio, valida fit ex vectis vi cōtinui



corporis separatio. Materia scissilis AB: scalprū ceu vectis cuneatus CD, cuius fulcimentum E, pondus verò vbi C, potentia vbi D, quo casu

DE ad EC, eo est ipsa scissio leuior & faciliior.

### QVÆSTIO XVIII.

*Quærit hic Aristoteles, Cur per Trochleas ab exigua potentia ingentia moueantur pondera?*

**D**E Trochlea Pappus, & veteres: inter recentiores egregie admodum; vt omnia examinauit in Mechanicis G. V. Baldus. Nos tamen interim post clarissimos illos viros aliquid quod nouitatem & subtilitatem sapiat, de nostro penu promemus. Et sanè inuentis quidem addere res est facilis, ac quod inuentis addas inuenire haud adeo facile. Sed nos primum Philosophi ipsius dicta ad trutinā reuocemus. Ita autem quæstionem proponit: Cur si quisquam Trochleas componens duas, in signis duobus, ad se inuicem iunctis contrario ad Trochleas modo circulo funem circumduxerit, cuius alterum quidem caput tignorum appendatur alteri, alterum verò Trochleis sit innixū & à funis initio trahere cœperit, magna trahit pondera, licet in becillium fuerit virium? Obscurissima expositio, & nī res esset vulgò persō nota, de quæ ea Vitruuius & Mechanici non egissent, difficile utique esset ex eius verbis sensum assequi.

Q

Tigna


Tigna sanè vocasse videtur ea ligna, quæ à Vitruuio Rehami dicuntur, in quibus nempe ipsi inferuntur orbiculi. Et si de tignis eiusmodi aliud quippiam sentire videatur Picolomineus. Græca lectio pro tignis habet ξύλα, id est, ligna; item vbi Leoniceni versio legit, ad se inuicem iunctis, textus habet συνβαίνουσιν αὐτῶν ἐναντίας, hoc est, inuicem ex opposito concurrunt. Certè locum totum ita redderem: Cur si quis duas Trochleas fecerit, in duobus lignis sibi ex opposito concurrentibus, eisquæ Trochleis circumposuerit funem, cuius alterum caput alteri lignorum sit annexum, alterum verò Trochleis cohæreat, vel apponatur. Si quis alterum funis principium trahat, magna trahat pondera, etsi trahens potentia sit exigua? Nos verbis figuram, & figurâ verba ipsa elucidabimus.



Sint duo ligna ex opposito concurrentia, in quibus Trochleæ, hoc est, orbiculi AB, funis ductarius DABC, cuius alterum caput religatum est ligno trochleæ A, vbi est C. Trochlea A loco stabili commendata, vbi E. Ponderus alteri ligno Trochleæ appensus F. Tracto itaque fune DABC, eleuatur & trahitur ponderus F. Ex quibus clarè patet, Philosophū proposuisse Trochleam duobus tantum orbiculis munitam, quod vtique satis erat ad explicationem. Inquit autem, facilius vestè quàm manu pondus moueri. Trochleam vero (id est, orbiculum; ita enim est intelligendum) esse vestem, aut vestis virtute operari. Ita autem videtur argumentari. Si vnicâ Trochleâ plus trahitur quàm manu, multo facilius & velocius id fiet duobus, quibus plus, vt ipse ait, quàm in duplici velocitate pondus leuabitur. Summa dictorum est, ex multiplicatione orbiculorum pondus ipsam imminui, & minori difficul-




tate leuari, quod sanè verum est. Nos tamen nonnulla cōsiderabimus: quod ait, vecte facilius moueri pondera quam manu, semper non est verum. Si enim vectis pars quæ à fulcimento ad manum breuior fuerit illâ, quæ à fulcimento ad pondus difficilius vecte pondus mouebitur quam manu. Idem quoque accidet, si eo modo vecte utamur, quem obseruat Guidus Vbald. Tra&. de Vecte prop. 3. Posita nempe inter fulcimentum & pondus sustinente potentiâ. Præterea quod asseruit Aristoteles, Trochleas ad vectem reduci, verum quidem est, sed aptius dixisset ad libram, etenim vectis utrunque à fulcimento diuiditur. Libra verò quod & orbiculis ex centro accidit, semper bifariam. Ad hæc videtur ille ad orbiculorum multiplicatam Trochlearum vim referre. Si enim, ait, vnicâ Trochleâ pondus facile trahitur, id multo validius pluribus fiet. Veruntamen non absolutè ex orbiculorum multiplicatione id fieri ita ostendemus,



quinque, indatur per eos funis ductarius KLMNOP QRSTVX, ex cuius extremitate pendeat pondus X,


Sint duæ oppositæ lineæ rectæ, utpote trabes AB, CD, inuicè æquidistantes & ipsæ stabiles: superiori tres appendantur orbiculi ex pūctis E, F, G, nēpe ML, PQ, TV, inferiori autē duobus pūctis IH, nempe NO, RS. Erunt igitur inuicem

Trahatur funis in K. Dico ex multiplicatione orbiculorū, trahentipondus nequaquam minui. Sint autem orbiculorum diametri, LM, NO, PQ, RS, TV, applicetur potentia in S. Erit igitur ad hoc ut sustineat æqualis ponderi X, orbiculi enim TV semidiametri sunt æquales. Transferratur potentia in q, & ita deinceps donec perueniatur in K, ubi funis ipsius est principium. Idem est igitur seruata semper semidiametrorum æqualitate ac si potentia quæ est in K, applicata intelligatur in T vel in V. vbicunque enim collocetur, ponderi erit æqualis. Nihil igitur rebus ita dispositis, orbiculorum multiplicatio ad facilitatem operatur. Alia itaque ratio querenda est, quam non satis explicasse videtur Aristoteles. Probabimus autem, nullam ex superioribus orbiculis fieri ponderum imminutionem, sed totam vim in inferioribus consistere. At nos interim quippiam quod ad rem faciat, proponamus.



Esto punctum A, cui rectæ appendantur lineæ BAC, diuise quidem in A, sit autem lineæ BA caput B, ipsius verò CA caput C. Modò intelligantur vniri in A, sitque unica linea à puncto A ceu funiculus dependens BAC; Appendatur capiti B pondus B. Capiti vero C, pondus C, inter se æqualia. Potentia igitur in A, duo sustinebit pondera BC. Pondera verò ex æqualitate æquponderabunt. Quod si B potentia dicatur sustinens pondus C, aut C potentia sustinens pondus D, vel duz potentia inter se æquales, nihil refert. Vtunque enim id sit, fiet æquilibrium. Habemus igitur existis ad sustinendum pondus ex superiori parte appen-

appensum potentiam requiri ipsi ponderi æqualem. Animo posthæc concipiatur aliæ recta linea DEF, cuius integra longitudo si extenderetur, esset DE, EF. Appendatur in E pondus E æquale alteri ponderum B vel C, sint autem duæ potentia pondus E sustinentes D, F. Vtraque igitur dimidium sustinebit ponderis E, sed potentia quæ sustinebat pondus B, in C erat ipsi B æqualis, ubi appensio ponderis erat in superiori parte in A, hîc autem, ubi appensio est in parte inferiori, vtraque potentia dimidium sustinet appensi ponderis. Videmus igitur illam appensionem quidem pondus nullatenus imminuere, hanc verò pondus ipsum, bifariam diuisum, sustentibus potentijs impartiri. Hæc in lineis, Mathematicâ vsi abstractione, considerauimus, nunc verò eadem mechanicè perpendamus.



Sit igitur punctum A, vt in sequenti figura clauus paxillusue, cui appensus funiculus BAC, & funiculi capitibus pondera BC, sit quoque anulus D, per quem traiectus funiculus EDF. Anulo autem cõiunctum

pondus G. His igitur ita constitutis, eadem demonstrabuntur quæ superius, nempe oportere vt fiat æquilibrium B, C, esse æqualia, tum potentias, quæ sunt in EF pondus G inter eas diuisum sustinere. Porro volentes Mechanici


funiculos circa paxillum, & anulum ad attollenda & depressimenda pondera mouere incommodè illis vti que succedebat, clauo & anulo motum difficilem facientibus. Quamobrem vt difficultati occurrerent, ad locum clauo ipsi orbiculum circumposuerunt, & anuli itidem loco orbiculum aptauerunt. Hæc autem agentes re ipsius naturam non mutauerunt, sed sibi, vt diximus, ex orbiculis maximam commoditatem atq; facilitatem comparârunt.

Ex his principijs tota Trochlearum ratio pender, quæ tamen alia quoque consideratione in idem tendente examinari potest, quod quidem fecere veteres, & ipse, qui veteres optimè imitatus est, Guld. Vbaldus.

Vidimus vti que nos, à potentia quæ est in B, pondus par sustineri in C, Potentiam autem quæ est in E dimidiû sustinere ponderis quod est in G. Nos igitur iisdem insistentes adiecta libra, vèctue, bisariam diuiso rem ipsam ex subiecto diagrammate lucidiorem faciemus.

Esto linea quædam stabilis ceu trabs horizonti æquedistans AB, cui in A funiculus annectatur AC, cuius extremum C vècti cui dam alligetur CD, in medio diuiso vbi E, tum alteri vèctis eiusdem extremitati D, funiculus neçtatur DG, & à puncto E pondus appendatur F. puta librarum mille, Tum puncto G in medio vèctis HI, funis religetur DG, & ex altero vèctis extremo alligato fune HK commendetur loco stabili in K, & ab alio capite vèctis vbi I ad medium vèctis MN, vbi L, funis annectatur IL, tum ex vèctis capite M, funis commendetur MO, loco stabili in O, & alteri capiti N, funis NP, qui alligetur medio vècti QR in P, & ex Q, funis QS. Commendetur loco stabili in S, & alteri vèctis extremo R funis alligetur RT, cui quidem potentia sustinens applicetur in T. Dico igitur, rebus





rebus ita dispositis, potentiam in T ita se habere ad pondus F, ut unum ad sexdecim, hoc est, in proportionem esse subsexdecupla. Sunt autem hic vestes quatuor inferiorum cubiculorum loco, CD, HI, MN, QR, quorum centra E, G, L, P. quoniam enim A hoc est, C, una cum potentia G, hoc est, D, sustinet pondus F alterum ponderis dimidium sustinebit C, alterum vero D. erunt igitur utrinque libere quin-

gentæ. Tum potentia in K, hoc est, in H, una cum potentia in L, hoc est, in I sustinebunt quingenta. Quare utraq; duecenta quinquaginta, sed hoc totum bifariam diuiditur inter potentias, O, id est, M, & P, id est, H. erunt igitur utrinque centum viginti quinque. Ea autem summa iterum bifariam diuiditur, hoc est, inter potentias S, id est, Q & T, id est, R, quare utraque sustinet sexaginta duo cum dimidio. Sed numerus iste ad Millenarium ita se habet ut unum ad sexdecim. Hinc colligimus, pondus totum inter loca stabilia diuidi, nempe A, K, O, S, & ipsam potentiam quæ sustinet in T, & locis ipsis stabilibus quindecim partes integri ponderis, potentia verò T sextam decimam tantum


tantum commendari. Itaque si ex puncto V appenderetur AB, in X potentia, quæ in X sustineret mille, minus sexaginta duo cum dimidio, quod quidem à potentia in T sustinetur; quod si alius adderetur orbiculus, & fierent quinque, potentia in T sustineret trigessimam secundam partem integri ponderis, hoc est, dimidium librarum sexaginta duarum cum dimidio, nempe triginta & vnam cum quarta parte, si item textus adderetur, potentia in T sexagesimam partem sustineret integri ponderis, hoc est, libras quindécim &  $\frac{1}{2}$  libræ vnus. Vnde patet clarè ponderis diminutionem fieri ex orbiculis inferioribus, non autem ex superioribus, superiores autem addi non necessitatis quidem, sed commoditatis gratiâ: neque enim absque superioribus vnico ductario fune fieri posset attractio & ponderis ipsius eleuatio. Hactenus igitur nobis isthæc de Trochleæ natura & vi post alios, considerasse sit satis.

## QVÆSTIO XIX.

*Dubitat Philosophus, Cur si quis super lignum magnam imponat securim, de super q. magnum adiciat pondus, ligni quippiam quod curandum sit, non diuidit; si verò securim extollens percutiat, illud scindit, cum alioquin multo minus habeat ponderis id quod percutit, quam illud quod superiacet*  
*& premit?*

**P**OTerat Aristoteles, nō fallimur, rem breuius & vniuersalius proponere. Scilicet cur motus ponderi addat pondus & efficacius ex motu quam ex immoto pondere mota res operetur. Soluit autem. An, inquit, ideo fit, quia omnia cum motu fiunt, & graue ipsum grauitatis magis assumit motum, dum mouetur quam dum quiescit? Incumbens igitur connatam graui motionem non mouetur, motum verò & secundum hanc mouetur & secundum

dum eam quæ est percutiētis. Hæc præclare quidem, cætera autem, quæ de cuneo iterat, nempe ad vocem eius, operationem referri superius confutauimus. Porro effectus huius, de quo agitur, disputatio illuc spectat, videlicet ad cadentium atque projectorum naturam. Ad maiorem autem rei euidentiam hæc addimus.




Esto libra AB, cuius centrum C, libra-  
ta æqualibus ponde-  
ribus DE, apponatur  
ponderi E pondus F,  
item ponderi D pon-  
dus G ipsi ponderi F  
æquale, æquilibrabit

itidem, Modò non apponatur simpliciter pondus G sex  
ex H in lancem A dimittatur, tunc sanè non æquilibrabit,  
sed libram deprimet. Duo enim in pondere dimisso con-  
siderantur pondera, naturale scilicet, & quod motu ipsi  
moto, ponderi est acquisitum. Itaque quo motus fuerit  
maior, puta si cadat ex I, grauitas ex maiori motu fiet ma-  
ior. quod utrique efficacius fieret si pondus G non dimit-  
teretur modo remoto prohibente, sed projiceretur. Tunc  
enim tria concurrerent, grauitas naturalis, grauitas ac-  
quisita ex naturali motu, & ea quæ naturali adijcitur ex  
violentia. Pondus igitur securi impositum & securis ipsius  
naturalis grauitas naturali tantum grauitate operantur,  
& ideo minus efficaciter. Huc autem ea ferè pertinent  
quæ nos à principio de duobus centris retulimus, natura-  
lis nempe grauitatis, & acquisitæ.

Cæterùm cur mallei & securis idtus sit violentissi-  
mus, ideo fit quod non ex vnico neque duplici, sed ex tri-  
plici grauitate operetur. Esto enim securis A, cuius manu-  
brium AB, brachium vero securi vtentis BC, erit igitur C

R locus



locus vbi humero  
brachium iungi-  
tur, motus ipsius  
centrum, attollit  
autem securim is  
qui percutit, & re-  
tro ad scapulas re-  
ducens totis viri-  
bus ex centro C  
securim vibrat,  
portionem circuli  
describens ADE  
istumque faciens

in E. Vires igitur acquirit securis, tum ex naturali grauitate, cadens ex D, in E, tum ex proprio pondere, tum etiam ex violentia eidem à percutiente impressa. Fiant autem motus tam naturalis quàm violentus eo validiores, quo maius est spatium, quo res móta mouetur, idque præcipuè cum violentia ipsam secundat naturam. Itaque maior fit ictus in E quàm in F, & in F maior quàm in D. Item violentius feriret percutiens, si manubrium esset longius, puta BG. Tunc enim maior esset circulus GH, & motus tum prolixior, tum velocior. quo igitur longiora habet brachia is qui securi malleoque vtitur, data virium paritate, ex eadem ratione validius percellit. Est autem securis, vel malleus cuneatus, vel cuneus malleatus manubrio insertus. An autem operetur efficacius cuneus malleo percussus, aut cum manubrio motus, vt fit in securi, data aciei & ponderis æqualitate, difficile est determinare. Certè validius, & certius fieri scissionem ex cuneo & malleo, ea ratio est, quod cuneus adactus, nec inde remotus eam integritatem seruat, quam antea fecerat partium separationem, quod



quod quidem securi non accidit, quæ adacta ad novam percussionem faciendam extrahitur.

Hoc etiam consideramus, securis in circulo motum, ex A in D, esse videndum, id est, non secundum naturam, sursum enim fertur quod est graue, ex D verò in F mixtū: magis autem ad naturalem accedere qui sit ex F in E. Tardior ergo ex A in D, velocior ex D, in F, velocissimus ex F in E, quædam quæ ad hanc rem faciunt, egregiè considerat Guid. Vbald. in casce Tractatus, De Cuneo; ipsum consule.

Ad hæc succurrit nobis pulcherrima quæstio. Dubitari enim potest, vtrum ictus ex ense efficacior sit à parte quæ est circa aciem, aut circa medium ensem, vel prope manubrium capulumue; etenim hinc inde sunt rationes.

Esto quidem ens AB, cuius capulus A, spiculum verò B, centrum grauitatis C, pars capulo proxima D. Librato itaque gladio tres fiunt circulorum portiones BE, CF, DG, quæritur quo loco ictus sit validior, nempe in E, in F, vel in G. Videtur validiorem futurum in E, quippe quod ex maiori semidiametro AB, maioris sit circuli portio BE, & ideo velocior motus ex B in E. Contra efficaciorẽ futurum apparet in F, propterea quod ibi ex centro C tioris fiat grauitatis impressio, fieri autem validissimum in G, licet ibi motus sit tardior inde videtur, quod si consideretur ens, vt vectis, cuius fulcimentum est A, potentia premens in B, ponderis vero loco resistentia rei quæ percutitur in D. Maior est autem proportio BA, ad AD, quam BA ad AC, & ideo violentior fiet pressio ex ictu in D, quàm in C. Hisce hoc pacto consideratis, putarem ictum efficaciorẽ fieri in F ex medio C, quam ex extremis & oppositis partibus E G. Licet enim in B velocitas sit maior, deest ibi pondus. Si enim ens iterum vt vectis consideretur, e-

runt AB, duo fulcimenta sustententia pondus in C, ubi grauitatis est centrum. Si igitur paria fuerint spatia BC, CA, in B erit dimidium ponderis C, quantum ergo velocitate praeualet ictus in B, tantum ponderis amittit. D verò plus quidem de pondere participat, sed velocitatis habet minimum, in C verò velocitas est mediocris, tota tamen ipsius ex grauitatis centro ponderis fit impressio.

Quidam, quod huc pertinet, ut ex acie ipsa quae longius à capulo abest, violentissimum facerent ictum, Argentum viuum, quod sui naturam grauissimum quidem est & mobilissimum in canali à manubrio ad verticem excavato infundunt, quo in gladij descensu ad verticem velocissimè delato illuc transfert grauitatem totam, quare tum velocitate tum grauitate concurrentibus ictus fit violentissimus & longè validissimus.

#### QVAESTIO XX.

*Dubitat, Cur statera quae carnes ponderantur, paruo appendiculo, magna trutinè onera, cum alioqui tota, dimidiata existat libra, altera vero parte sola sit statera?*

**S**oluit Philosophus, inquit, stateram simul, & vectem esse & libram, ipsius verò librae centra seu fulcimenta esse

esse ibi ubi sit suspensio. Pondera verò hinc inde in lance & appendiculo, loco scilicet æquipondij, appendiculo succedente. Reducit autem demonstrationem ad ea quæ statuit ipse Mechanica principia; nempe ad circulum & circuli virtutem. At igitur, appendiculum licet parui ponderis sit, ideo maiori ponderi virtute æquari, quod longius à centro, hoc est, ab ipso fulcimento sistatur. quicquid tamen sit, stateram esse vectem, res est exploratissima.


Est igitur statera AB, cuius appendiculum currens F, fulcimentum centrumve C, lanx quæ catena suspenditur E spatium à loco fulcimenti ad appendiculum CF, quod verò à fulcimento ad catenam, ex qua lanx appen-

ditur AC. Intelligatur autem & aliud fulcimentum D, sitque maius spatium AD, quam AC. Porro ita se habeat pondus in E ad appendiculi F pondus, ut CF spatium, ad spatium AC, quo casu servata, permutatim, ponderum & brachiorum proportionem, fiet æquilibrium. Si autem ponderibus ita constitutis iterum suspendatur in D, non fiet æquilibrium, propterea quod minor sit proportio DF ad DA, ea quæ est FC ad CA. Minor ergo est proportio FD ad DA, quam ponderis E ad pondus F, & idcirco facta suspensione præualebit pondus E ponderi F. Itaque ut iterum fiat æquilibrium, necesse est iterum proportionem brachiorum seu spatiorum proportionibus ponderum æquare. Transferatur igitur (lancis interim immoto pondere) ipsum appendiculum in B, fiatque ut FC ad CA, ita BD ad DA. Stabit autem iterum statera ad eam redacta quam

diximus brachiorum & ponderum permutatam proportionem.

Nos stateris vtimur ex duplici fulcimento, altero propioris, altero à lance seu loco, vbi lanx appenditur, remotiori; illa grauiora appendimus pondera, & non per vncias & libras, sed per libras tantum & selibra ponderamus; & hoc stateræ latus eo, quod minus minutè sit diuisum; vulgo nostrates Grossum, hoc est, rude & crassum appellant. Aliud verò, cum fulcimentum est loco appensionis lancis vicinius, & per libras, selibras & vncias diuiditur, quò quidem minora appendimus pondera, eò quod exquisitiore contineat diuisionem, subtile dicunt. Re & igitur dicebat Philosophus, in statera plures esse libras, quanquam & ea quoque de causa dici possit, quod, quot sunt appendiculi, è loco in locum translationes, totidem ex proportionum variatione fiant libræ. Et hoc quidem sensisse videtur Aristoteles.

Possemus & alio modo statèra vti, nempe stabili appendiculò, mobili autem fulcimento. Esto enim statera AB, cuius lanx C appensa in A, appendiculum verò stabile D, appensum in B, Apponatur ipsi lanci C, pondus E. Vnicum ergo fiet corpus CEABD constans ex lance, libra & ponderibus. Habet ergo hoc totum grauitatis suæ centrum, quod quidem vbi sit est ignotum. Ex illo autem inuento si corpus totum appendatur, partes æque ponderabunt. Appendatur autem, puta in G, sit autè grauitatis centrum in H. Quoniam igitur H est extra fulcimentum G, declinabit stateræ pars GA, centro G per






circuli portionem HI, à centro gravitatis in ipsa descensione descriptam. Si autem gravitatis centrum fuerit vbi K, eo quod ibi quoque sit extra fulcimentum G, descendet pars GB, describente interim gravitatis centro K, circuli portionem KL. Itaque si stateram totam cum ponderibus trahamus pellamusq; vltro citroq; , immoto appendiculo erit aliquando fulcimentum in ea linea perpendiculari vel loco ipso, vbi est gravitatis centrum, quo casu statera stabit, & tunc ita erit diuisa, vt fiat brachiorum & ponderum eadem ratio, ordine permutato. Hic autem modus ideo non est in usu, quod molestum sit libram seu stateram cum ponderibus vltro citroque transferre, quæ difficultas commodè appendiculi mobilitate vitatur.

### QVAESTIO XXI.

*Queritur, Cur facilius dentes extrahunt Chirurghi, denti forcipis onere adiecto, quam si sola manu utantur?*

**R**espondet Philosophus, An quia ex manu, magis quam ex denti forcipe lubrius elabitur dens? An ferro id potius accidit quam digitis, quoniam vndique dentem non comprehendunt, quod mollis facit digitorum caro; adhæret enim & complectitur magis. Hæc secunda ratio videtur primam deltruere, & contrarium prorsus sententiae, quæ in problemate proponitur, asserere. Si Græca ad verbum reddas ita habent: An magis ipsa manu labile est ferrum, & ipsum vndique (dentem nempe) non complectitur, caro autem digitorum cum mollis sit, adhæret magis, & vndique congruit. Certè vt sententia non sit contraria propositioni, Græca versio ita videtur concinnanda: Vel magis è manu elibitur, mollis enim est digitorum caro, ferrum autem circumplectitur, & hæret magis. quicquid sit, Græcam lectionem contrarium ei quod queritur,

tur, affirmare certum est. Picolomineus, Ideo, inquit, digitorum caro mollis minus aptè extrahit, quod dentem totum comprehendere non potest, quod ferrum ob suam duritiem & constantiam commodissimè facit. Sensus ex mente reddidit, quod ex verbis non poterat. Subiungit denique Aristoteles, An quia dentiforcipes sint duo contrarij vectes vnicum habentes fulcimentum, ipsam scilicet instrumenti partium connexionem. Hoc igitur ad extractionem vtuntur \*\*, vt facilius moueant. Figuram hoc pacto proponit Philosophus.




Esto dentiforcipis alterum quidem extremum vbi A, alterum autem quod extrahit B, vectis vbi ADF, alter vectis, vbi BCE, fulcimentum verò CGD

connexio vbi G. Dens autem pondus: utroque igitur vecte B, & F simul comprehendentes mouent, Hæc illè. At tamen rem ipsam subtilius considerantibus aliter videtur habere, ac ipse asserat. Et sanè dentisforcipis brachia vectes esse, quorum commune fulcimentum est in ipso centro vbi vertebra, nemo negauerit. Dentem autem esse pondus, ego quidem absolute non dixerim. Pondus autè hic proprie est ipsa dentis durities, cuius resistentia eo facilius superatur, quo maior est proportio brachiorum à manu ad vertebram, ad partem illam quæ à vertebra est ad dentem. At dentis ex constrictione fractio nihil facit prorsus ad extractionem: id tamen operatur brachiorum longitudine dentiforceps, quod valide ex vectium oppositorum videntes constringit & extractioni commodum reddit & facilem. Neque enim totus Dentiforceps hic ceu vectis vnicus operatur, quod fit in forcipibus quas Tenaleas vocamus, quibus è tabulis clauui reuelluntur, qua de re nos quæstione 6. verba fecimus. Quo pacto autè  
dentis

dentis ex Dentiforcipe extractio ad vinctum reducatur, subtilius est perpendendum, neque enim res est in propatulo.

Dicimus igitur, tum dentem ipsum, tum dentiforcipem vinctes esse, varia tamen ratione & satis sane diuersa. Dens enim sit vinctus eius nempe naturæ quæ fulcimentum habet in angulo, quo casu ipsius Dentiforcipis partiū, quibus Dens apprehenditur, ea quæ longior est potentia mouentis loco succedit, breuior vero fulcimentum facit, Dentis vero resistentia ponderis vices refert.



Esto enim dens quidem A, cuius diameter BC, longitudo vsque ad extremas radices CD, pars dentiforcipis breuior CG, longior BG. Fit ergo vinctus BGD, habens fulcimentum in G. Den-

re igitur apprehenso in BC, & manu dentiforcipe ceu vecte ad inferiora compresso C, fit fulcimentum centrum ue. Stante enim puncto C, trahente autem potentia quæ est in B, fit motus ipsius B, per circuli portionem BE, radice vero D, fit motus per DF, & inde ipsius dentis extractio facilis. Quibus consideratis vt rem ad proportionales quatenus fieri potest reducamus, dicimus, quo maior fuerit proportio BC, ad CD, hoc est, partis vectis, quæ a fulcimento ad potentiam ad eam quæ a fulcimento est ad pondus, eo facilius fieri dentis auulsionem, quod vtrique demonstrandum fuerat.

Porro quod in calce quaestionis addit Philosophus, Dentes commotos facilius manu extrahi quam instrumento, nulla ratione probat. Ego autem arbitror, huc pertinere ea verba, quæ superius habentur, videlicet fer-


rum quidem non vndique dentem comprehendere, quod mollis facit digitorum caro, quæ idcirco adhæret & complectitur magis. An autem ita sit, alij videant, nobis enim digito rem ostendisse fuerit satis.

### QVÆSTIO XXII.

*Hic querit Aristoteles, Cur nuces absque ictu facile confringuntur instrumentis quæ ad eum faciunt usum, & hoc licet multum auferatur virium, cessante motu & violentia, quod accidit dum maleo confringuntur. Addit præterea, citius fieri confractionem graui, & duro instrumento ferreo videlicet quàm ligneo.*

**S**oluit, inquit, id fieri quod instrumentum duobus vectibus constet, coeuntibus in connexione seu vertebra, & idcirco eo violentius fieri confractionem, quominus est spatium à nuce, quæ frangitur, ad vertebra. maius verò quod à vertebra ad extremitates, quæ confringentis manu comprimuntur. Ait igitur, & id quam opposite, vim ex vectibus ictus loco succedere & idem operari.

Esto igitur instrumentum, de quo agimus CDBF, ex duobus vectibus constans, quorum alter CAF, alter verò DAB vertebra seu connexio A locus ubi nux frangitur K, manubria vero BF. quo igitur prolixiores erunt AB, AF, breuiores verò ACAD, violentius fiet confractio. Erit autem nucis resistentia loco ponderis A, fulcimentum BF loco potentia. Itaque si maior sit proportio potentia ad resistentiam, quam brachij à potentia ad fulcimentum ad eam partem quæ à fulcimento est ad nucem, non fiet confractio. eo autem magis superabit, quo





maior fuerit pars vectis quæ à potentia ad fulcimentum.  
 Quod autem addit Aristoteles, eo maiorem fieri  
 vectis elevationem, hoc est, instrumenti aperitionem,  
 quo magis nux quæ frangitur, fuerit propior fulcimento,  
 hoc est, ipsi vertebræ, facile ostenditur ex conuersa 21.  
 propos. lib. 1. Elem. si enim ab extremitatibus vnius lineæ  
 ad easdem partes constituantur duæ lineæ maiores con-  
 currentes in angulo, & ab iisdem extremitatibus duæ al-  
 iæ minores, quæ intra triangulum à maioribus constitu-  
 tum cadant, maiorem angulum continebunt. At talis est  
 angulus qui fit in instrumento, cum partes vectis à verte-  
 bra ad nucem fuerint breuiores. magis ergo dilatantur  
 vectes, & magis dilatati magis comprimuntur, magis au-  
 tem compressi validius frangunt, quod dixerat Aristo-  
 teles.

Cæterum & illud quod scribit, ex grauiori & durio-  
 ri materia instrumentum citius fractionem facere, quam  
 ex leuiori & minus dura, ex parte quidem materię verum  
 est, nec pertinet ad proportionem, quæ sane in huiusmodi  
 instrumentis formæ ferè habent rationem. Nos hisce in-  
 strumentis non vtitur. Sunt autem similia instrumentis  
 illis, quibus figuli cretaceas pilas ad chirobalistarum vsum  
 facere & efformare consueverunt.


### QVÆSTIO XXIII.

**P**VLcherrimam proponit hoc loco Philosophus con-  
 templationem, eamque ad mixtos motus pertinētem.  
 Mixtorum autem motuum speculationem antiquis Me-  
 chanicis fuisse tum vtilem tum etiam familiarem, norunt  
 ij qui norunt quæ de lineis spiritalibus Helicisq̃, cyllindri-  
 bus, conchoidibus & alijs eiuscemodi scripta & contem-  
 plata reperiuntur, quibus tum ad duarum mediarum pro-

portionalium inuentionem, tum ad circuli quadrationem vti solent. Quod autem hic quærit Aristoteles, ita se habet.

*Cur si duo extrema in Rhombo puncta duabus ferantur lationibus, haudquaquam æqualem utrumque eorum pertransit rectam, sed multo plus alteram? Item cur quod super latus fertur, minus pertransit quam ipsum latus. Illud enim diametrum pertransire certum est, hoc vero maius latus, licet hoc unica, illud autem duabus feratur lationibus?*

Difficile hoc intellectu prima fronte, & sane admirabile, itaque intentam contemplationem requirit. Nos primo cum Aristotele, rem totam explicabimus, tum aliquid fortasse non poenitendum nostro de promptuario proferemus.



Esto itaque Rhombus ABCD, cuius latera AB, BD, DC, CA, diametrorum maior AD, minor BC, secantes se inuicem in puncto seu figuræ centro K. Sunt autem ex ipsius Rhombi natura latera æqualia & parallela, Angulorum vero qui maiori diametro opponuntur, recto maiores, qui vero minori minores. His igitur consideratis, intelligatur punctum A moueri peculiari & simplici motu, per lineam AB, ab A versus B, & eodem tempore moueri totam lineam AB, versus lineam DC, hac tamen lege, ut semper eidem DC feratur parallela, & eius alterum extremorum feratur per AC, alterum vero per BD, Intelligatur etiam punctum B moueri eodem tempore proprio motu, eoque simplici, per eandem rectam BA, versus A, & cum eadem, ut dictum est, mota; ferri ver-

sus

fus CD. Erunt autem semper AB puncta in eadem linea quæ mouetur, sibi inuicem ex contrarijs partibus occurrentia. Itaque cum ex duobus motibus semper proportionalibus, hoc est, laterum proportionem seruata, recta producat, ut demonstratum est à principio, ubi productio circuli ex Philosophi mente est declarata, utraq; puncta quæ eandem laterum proportionem seruantia mouentur, rectas lineas producet A quidem AD, B autem ipsam BC. Feratur igitur A, tum mixto tum simplici motu per diametrum AD. B vero quoque tum mixto, tum proprio per diametrum BC, supponitur autem motus omnes simplices, tum punctorum, tum etiam lineæ, à qua puncta ipsa feruntur, æquali velocitate fieri. Illud igitur mirabile est, cuius etiam ratio quæritur, quo pacto eodem tempore eademque velocitate latum A quidem totam percurrat AD maiorem, B vero totam BC, eamque longe minorem? Porro necesse fuit rem in Rhombo speculari, non autem in quadrato & altera parte longiori rectangulo, in quibus diametri (quod Rhombo non accidit) sunt æquales. Imaginemur igitur A, proprio motu percurrisse spatium AE, nempe ipsius AB lineæ dimidium. Erit igitur in E, item lineam totam AB eodem tempore pertransisse dimidia oppositarum linearum, A CBD, & esse translata, ubi FKG. Quoniam igitur æquali celeritate lineæ AB extremitas A, translata est in F & A, punctum per eam motum in E, erit spatium AE, æquale spatio AF. Ductis igitur lineis FKG, EKH lateribus AB, AC æquidistantibus, erit figura AEKF. Rhombus similis quidem Rhombo ABCD, recta igitur FK æqualis erit oppositæ AE. quare A punctum, translatum erit ex mixto motu in K. Eodem pacto quoniā punctum B. eadem velocitate mouetur versus A, & linea AB versus CD, cum B fuerit in E extremum lineæ motæ BA, nempe B erit in G, æquales ergo sunt BE, BG & Rhom-


bus EBGK, circa diametrum BKC ipsi Rhombo ABCD similis, & ideo GK æqualis oppositæ BE & BG æqualis EK. Cum ergo B confecerit spatium BE, erit ex mixto motu in K, superato nempe spatio BK, idque eodem tempore quo A percurrerat totum spatium AK. Ex æquali igitur simplicium motuum velocitate, in æqualia spatia AB puncta pertransierunt, quæ res miraculo, cuius dilutio quaeritur, præbet occasionem.

Porro quod de dimidijs diametris demonstratum est, possumus & de totis eadem ratione concludere, quippe quod eadem sit proportio partium ad partes, quæ totius ad totum. Hæc igitur prima est pars propositæ quaestionis. Secunda vero dubitatio ita habet; Nempe mirum videri punctum B, cum peruenerit in C, extremum lineæ BA, videlicet ipsum B, translatum esse in D, licet æqualiter moueantur linea BA, per lineam BD, & punctum B per lineam BA. sitque BC ipsa BD maior. Primam dubitationem hoc pacto soluit Philosophus; A fertur tum proprio, tum alieno motu, hoc est, lineæ AB versus oppositam partem CD, itaque cum uterque motus deorsum vergat, motus sit velocior. Contra vero B proprio quidem motu fertur versus A, hoc est, sursum, alieno vero, hoc est, lineæ BA versus D, hoc est, deorsum, qui motus cum inuicem aduersentur, motus ipse sit tardior, non igitur est mirum, A eodem tempore maius spatium pertransire quam B.

Hæc solutio non modo vera videtur, sed mirabilis & ipsomet Philosopho dignissima, cui quidem temerariū iudicaremus contradicere, nisi in genere versaremur, in quo non probabilia quaeruntur, sed demonstrata, sed vera. Futilem igitur esse rationem hanc ipsius Aristotelis pacc, hoc pacto ostendemus.


Esto quadratum ABCD, cuius diametri AC BD secantes sese in E, moueatur eodem pacto BA, versus CD,  
item





item A, versus B, & B versus A, itaque punctum A tum proprio tum alieno, hoc est linea illud deferentis motu deorsum trudet, hoc est, versus CD. Motus ergo velocior erit motu puncti B, quod latioribus fertur ferè contrarijs, hoc est, ex B versus A sursum, cum linea autem BA versus C deorsum. Velocius tamen non mouetur, quippe quod æquali tempore æquale

spatium vtrumque punctum conficiat. Stante igitur causa sequi debuisset effectus; non sequitur autem, Aristotelis igitur causa non est causa. Rhombo quoque inuerso idem clarius ostendemus hoc pacto: Sit Rhombus ABCD,



cuius diametri AC, BD secantes sese in E. Mora igitur linea AB versus CD, nempe deorsum & A quoque deorsum versus B, contra vero B quidem sursum versus A, deorsum vero versus C, erit B tardior A, sed contrarium fit, quippe quod longior sit BD, per quam mouetur B ipsa AC, per quam mouetur A.


His igitur non satisfaciētibz veriore si perimbecillitatem nostram licuerit, huius effectus causam inuestigabimus. Rationibus igitur & veritate contra auctoritatem & probabilitatem est nobis pugnandum: quod & intrepide faciemus.

Dicimus igitur, in quouis parallelogrammo sit illud quadratum aut altera parte longius, vel idem Rhombus Rhomboisue semper mixtos motus proportionē seruata fieri

fieri per diametros. Cæterum diametrorum ad latera proportionales esse varias (quadratis exceptis, in quibus eadem est semper) exploratissimum. Illud quoque certum est, in reſtāngulis nunquam dari posse diametros lateribus utcumque captis æquales, semper enim diametri reſtis angulis ſubtruduntur. In Rhombis vero & Rhomboidibus diametrorum ad latera proportionales variant. Dari enim poſſunt diametri lateribus longiores item æquales, & lateribus quoque ipſis breuiorẽs.

Itaque diametrorum & laterum varia adinuicem ratione ſe habentibus, attentis proportionibus, mixtorũ & ſimplicium motuum diuerſa fiet, & varia comparatio. in quadratis motus mixtus, qui per diametros ſemper velocior erit ſimplici qui per latera, Idem quoque in altera parte longiori, in quo mixti quidem motus per diametros erunt velociorẽs, ſimplices vero qui per latera, tardiorẽs quidẽ, ſed ex illis tardior qui per latus breuius. In Rhombis autem mixtus motus qui ſit per diametros inæqualis. Velocior enim qui per longiorem diametrum, tardior qui per breuiorem. Itaque ſimplices motus punctorum per latera ad eum qui ſit per diametros, non eodem pacto ſe habent. Porro cum Rhomboides variz ſint diametrorũ ad latera habitudines, varia quoque dari poteſt proportio. aliquando enim diametri dari poſſunt lateribus maiores quandoque, alter eorum minor. Si autem Rhombus in duos ſoluatur triangulõs, alter diametrorum datur æqualis æqualibus lateribus æquicrurium triangulorum, itaq; in iſtis mixti motus per diametros æque veloces erunt ſimplicibus, qui per latera longiora, velociorẽs autem illis qui per latera breuiora. His igitur hoc pacto non perfunctoriẽ conſideratis, facile ex propriis cauſis, ni fallimur, hocce Ariſtotelicum & mirabile Problema ſoluitur.

Est



Est enim Rhombus  $ABDC$ , cuius diameter longior  $AD$  maior sit tum lateribus, tum etiam altera diametro  $BC$ . secant autem se inuicem diametri in  $E$ . Ducaturque ipsis  $AB$ ,  $CD$ , parallela  $FG$  secans longiorem diametrum  $AD$ , in  $H$ , breuiorem vero  $BC$  in  $I$ . & per ipsis  $BD$   $AC$  parallela ducatur  $KIL$ . Cum ergo  $B$  mixto motu per diametrum  $BC$  erit in  $I$  &  $A$  per diametrum  $AD$ , mixto similiter motu erit in  $H$ , & quia motus mixti sunt per diametros, ut dictum est,

ut se habet  $AD$  ad  $BC$ , ita  $AE$  ad  $EB$ , per 15. propol. 5. elem. item ut  $AE$  ad  $EB$ , ita per 4. propol. 6.  $AH$  ad  $BI$ . est enim  $IH$  ipsi  $AB$  parallela. Longior est autem  $AH$  ipsa  $BI$ , quippe quod  $AE$  longior sit ipsa  $EB$ . motus igitur mixtus puncti  $A$  per diametrum  $AD$  vsque ad  $H$  velocior est motu  $B$ , per diametrum  $BC$  vsque ad  $I$ . Mota igitur linea  $AB$  mouebuntur communia eius & diametrorum  $BC$ ,  $AD$  puncta, quibus secantur semper diametrorum proportione seruata. Quibus ita se habentibus, nil mirum est punctum  $A$  motum per  $AD$  velociorem esse mixto motu puncti  $B$ , quod per minorem diametrum fertur  $BC$ . quod fuerat demonstrandum. quatenus vero ad secundam problematis partem pertinet, dicimus Propositionem non esse vniuersalem. Si enim Rhombus detur, ex duobus æquilateris triangulis constans, breuior diameter lateribus erit equalis, quare non mouebitur citius motu simplici punctum, per latus ac faciat mixto per minorem diametrum, quod ut mirum proposuerat Aristoteles. Si autem latus ipsum breuiori diametro sit longius, nec mirum quoque erit simplici motu moueri velocius quam mixto, quippe quod, ut

T

dictum

dictum est, motus isti à proportionibus linearum, per quas mouentur, legem velocitatis atque tarditatis accipiant. Hæc igitur nos circa hoc mirabile Aristotelicum problema considerare sit satis.

## QVÆSTIO XXIV.


**M**irabilem aliam quæstionem proponit Aristoteles, quæ itidem ad mixtos motus pertinet.

*Dubitatio est, quam ob causam maior circulus æqualem minori circulo circumuoluitur lineam, quando circa idem centrum fuerint positi. Scorsum autem reuoluti quemadmodum alterius magnitudo ad alterius magnitudinem se habet, ita & illorum ad invicem sunt lineæ? Præterea vno etiam & eodem utrisque existente centro. Aliquando quidem tanta sit linea, quam conuoluuntur, quantum minor per se conuoluitur circulus, quandoq; vero quantum maior.*

Hæc ille, qui ut probet maiorem circulum in sua rotatione maiorem lineam pertransire, minorem vero minorem; ait sensu cognosci angulum maioris circuli, id est, eius qui maiorem habet circumferentiam, esse maiorem, eius vero qui minorem, minorem. Ita autem se habere circumferentias ut se habent anguli, & eandem proportionem habere per quas tum maior, tum minor circulus circumuoluuntur. Ad quorum clariorem intelligentiam ea reuocare oportet in memoriam, quæ dixit de maiorum circulorum ad minores circulos nutu. Hic enim, quod ibi quoque fecerat, sectorem ipsum angulum appellauit, angulum vero maiorem maioris circuli sectorem, & minorem angulum minoris ipsius circuli sectorem dixit. Claudigitur dicens: quoniam circumferentiæ se habent ut anguli, hoc est, ut sectores, maior erit circumferentia maioris circuli, & ex consequenti maior linea, per quam circum-




cum uoluitur, ea per quam minor. Demonstrationem vero ex sensu petijt. Satautem erat si dixisset, ita se habere circumferentias ut se habent diametri seu semidiametri, & ideo lineas in rotatione descriptas inuicem se habere ut diametros. Obscuriusculè, hæc sua figura ostendit Aristoteles. Nos igitur claritatem amantibus, nostram aliquanto, nî fallimur, clariorem, proponemus.



Esto circulus maior ABCD, minor FGHI, circa idem, & commune cœtrum E. Circum uoluaturs maior ad partes D. Sint autẽ diametri, maioris quidẽ AEC, BED, minoris verò FEH, GEI, sitque CD, quadrans maioris, HI vero minoris circuli. Moto igitur maiori circulo secundum absidem, cum D fuerit in K erit CK ipsi CD æqualis, fietq; DE ex puncto K perpendicularis ipsi CK, eritq; vbi KO, & quia punctum I est in linea DE, erit I facta quadrantis rotatione in linea KO vbi L, centrum vero E, in ipsa KO, vbi O. Reuoluto igitur quadrante maioris, & confecto spatio CK minoris circuli quadrans HI conficiet spatium HL, quod ipsi CK spatio est æquale. quod autem in quadrantibus fit, in totis etiam fit circulis. Motus igitur minor circulus circa centrum E, vnica rotatione æquauit spatium rotationis maioris circuli. Mirabile itaque est minorem circulum eodem tempore & circa idem centrum circumuolurum, lineam pertransisse æqualem circumferentiæ maioris circuli. Nec secius admirationem facit ro-

tato minori circulo, maiorem vna circumuolutū lineam metiri circumferentiæ minoris circuli æqualem. Rotetur enim minoris circuli quadrans HI per rectam HL. erit igitur punctum I vbi M, æquali existente recta HM, ipsi curvæ HI. Tunc autem facto motu centrum E erit vbi P, existente EP, ipsi HM æquali, demittatur autem ex P per M, ipsis HL CK perpendicularis PMN. Et quoniam in eadem linea sunt DIE, vbi E fuerit in P erit in M, & D in N. quamobrem rotata quarta minoris circuli parte, maioris interim circuli quadrans confecit spatium CN æquale ipsi HM, hoc minus circuli quadranti HI, quod utique est admirabile.

Porro causam effectus huius mirifici diligenter quaerit Philosophus, & inuentam accurate explicat. Occurrit autem primo absurdæ cuidam opinioni. Diceret enim quispiam, ideo tardius moueri maiorem circulum, ad motum minoris, quod interim dū minor moueretur, aliquas inter rotandum moras interponeret, minor vero ad motum maioris spatia aliqua transiliret, & ita spatiorum fieri adæquationem. Porro demonstrationem aggressurus hæc assumit principia. Eandem æqualemue potentiam, aliquā magnitudinem tardius quidem mouere, aliquam vero celerius. quod autem natum est aptum moueri, tardius moueri, si simul cum non apto nato moueri, moueatur, quam si separatim moueretur, celerius autem si non simul cum eo moueatur. Esto enim corpus A leue quidem & aptum natum moueri sursum, cui connectatur B, aptum natum moueri deorsum, Si quis igitur mouere conetur corpus A sursum difficilius mouebit, & tardius iunctū nempe ipsi B, quam si ab ipso esset seiunctum. Præterea quod non suo, sed alieno motu mouetur, impossibile esse plus eo moueri qui mouet,



mo uet, si quidem non suo, sed alieno motu mouetur. Motus igitur suo motu maiori circulo, minor non suo mouetur, sed motu maioris circuli, & ideo non plus mouetur quam ille moueatur, mouetur autem maiori spatio quam ex se moueretur, propterea quod maior sit maioris circuli, à quo simul deferitur, circumferentia. Item si minor suo motu circumuoluatur, maiorem feret secum, & ideo non plus in sua rotatione mouebitur maior, quam ipse minor circulus moueatur. Summa rei hæc est, alterum ferri ab altero, & latum ad ferentis spatium moueri. Licet enim altero moto, alter inter se moueatur, nihil refert. Est enim ac si is qui fertur, nullam habeat motionem, aut si eam habeat, ipsa nequaquam utatur. quod non fit si uterque separatum circa proprium centrum moueatur, tunc enim magnus magnum, paruus uero paruum spatium conficit. Hinc decipi ait Aristoteles illum, qui putat utrumque circulum per se super idem centrum in rotatione moueri, licet enim videatur, re uerà non est. Id enim utique certum est, cum à maiori circulo minor fertur, circa maioris centrum motum fieri. Si uero maior à minori feratur circa minoris circuli centrum motum fieri. Hæc ferè Philosophi est mens, cuius solutionem esse certissimam, & ex ueris causis non dubitamus.

Hinc ad aliam eamque certam assertionem transimus. Dicimus enim, nullam materialem rotam circa axem eidem affixum, dum rotatur, posse eundem locum seruare, nisi cauum fiat, quod axem ipsum recipiat, in transuersarijs quibus rota sustinetur & progressuum axis motum impediatur.

Esto enim rota ABCD, cuius centrum E, diametri AEC, BED, esto alia minor rota GH, item minor KL, tum minor NO, & adhuc minor QR, circa idem centrum E. Rotetur itaque secundum absidem integri quadrantis



The diagram shows a series of concentric circles centered at point E. A horizontal line segment BQ passes through the center E, with B on the left and Q on the right. A vertical line segment AG passes through E, with A at the top and G at the bottom. Several other points are marked on the circles and lines: G is on the outermost circle at the top; K is on the circle below G; N is on the circle below K; Q is on the circle below N; E is the center; Y is on the circle below E; F is on the circle below Y; V is on the circle below F; T is on the circle below V; D is on the circle below T; P is on the circle below D; M is on the circle below P; H is on the circle below M; Q is on the circle below H. A horizontal line segment BQ is drawn, with B on the left and Q on the right. A vertical line segment AG is drawn, with A at the top and G at the bottom. A horizontal line segment BQ is drawn, with B on the left and Q on the right. A vertical line segment AG is drawn, with A at the top and G at the bottom. A horizontal line segment BQ is drawn, with B on the left and Q on the right. A vertical line segment AG is drawn, with A at the top and G at the bottom.

spatium CD, eritque D, in F, item si ex rota GH, ex quadrante HT, erit T in I. Ex alijs item minoribus in M, P, S, erit itaq; longissimū spatium CF, breuissimū vero RS. Mota igitur rota circa circulū seu axem, QR, maior rota spatīo mouebitur RS, quod si intra QR, circa centrum E alij infiniti imaginentur circuli, quo propiores centro fuerint, eo maioris rotæ progressus erit minor, donec ad centrum deueniatur, vbi cum non sit circulus, nullus fiet progressiuius motus, sed circa ipsum centrum nulla facta loci mutatione rotabitur. At cum nulla materialis rota circa lineam punctumue imaginarium conuerti possit, ideo axi ferreo alteriusue materiæ circa quem & cum quo circumuoluatur rota, cauum semirotundum incidere oportet, in quo insertus axis dum conuertitur à loco in quo conuertitur, non recedat.

QVÆSTIO XXV.

*Quaritur, Cur lectorum spondas secundum duplicem faciant proportionem, hanc quidem sex-pedum; vel paulo ampliorem, illam vero trium. Item cur velles fusesue non secundum diametrum extendantur?*

PRIMAM quæstionis partem ita diluit Philosophus, for-  
tasse tantæ fieri solitos magnitudinis lectulos vt corpo-  
ribus sint proportionem habentes, & ideo fieri secundum  
spondas dupli longitudine nempe cubitorum quatuor,  
latitudine vero duorum.




Nostrates alia vtuntur proportione, sesquialtera, videlicet, quam Græci Hemioliā dicunt, communiter enim pedes quatuor latos faciunt plus minusue, longos vero circiter sex. quod ideo fit vt in eis duo corpora commodius cubare possint. Lectulia autem, de quibus loquitur Philosophus, ad vnum tantummodo sustinendum facti videntur, quicquid tamen sit, nullā ferē habet res ex hac parte dubitationem.

Secunda quæstionis sectio ea erat, Cur non secundū diametros funes extendantur? Restium funiumue in lectulis muniendis vsus non est apud hos. etenim feretra tantum, seu sandapilas, quibus defunctorum corpora conferuntur, funibus ad ea sustinenda inteximus.

Cæterum lectōs tabulis seu afferibus sternimus, quibus saccos paleis plenos imponimus, saccis vero culcitra, & tormenta, ne tabularum durities cubantes offendat. Atqui in re facili multum laborasse videtur Aristoteles, tum etiam obscure & inuolute nimis quæstionem tractasse. Difficilem enim apud eum habet hæc explicationem, tum ea quam diximus de causa, tum etiam quod Græca lectio & Latina versio corrupta, vt apparet, præ manibus habeantur. Sane vt veritatem hoc loco vindicaret in lucem, egregie laborauit Picolomineus nec parum profecit. Cæterum currestēs non secundum diametrum extrudantur, triplicem affert Philosophus rationem. Prima est vt spondarum ligna, minus distrahantur. Secunda, vt pōdus inde commodius sustineatur. Tertia, vt in ipsa textura minus restium funiumue absumatur.


Ad primam, cur extensis diametraliter funibus spondæ ipsæ distrahantur discindanturue, nec ille nec alij docent. Ego autem demonstrarem hoc pacto.

Esto sponda ABCD, cuius longitudo AB, crassitudo AC, in ea foramen vtrinque pertinens EF, testis per foramen



men inditus GFE, sitque E pars seu caput exterius, quod nodo in E distinctur. Sit autem sponda lignum iuxta longitudinem vt natura assolet scissile. Vis quædam, fune ita extento applicetur in G, quæ funem ipsum ad se violenter trahat, non discindetur, idcirco sponda eo quod non diametraliter funis extendatur. Modo facta capitis G translatione in H, trahatur valide funis, fiet autem pressio valida in F, ibi enim impedimentum facit angulus, ne funis ipsa dum trahitur, rectitudinem assequatur. Itaque vi prævalente, ligno vero scissili, minus resistente, funis, asscuta rectitudine, fiet in HIE scissa sponda ad quantitatem trianguli FIE, quod fuerat demonstrandum.


Cur autem funes ab angulo in angulum extentæ minus commode pondus sustineant, satis patet. quo enim funis lógius, eo debilius, & pressio quæ in medio fit, ea videlicet parte quæ ab extremis est remotissima, magis funem fatigat. Longiores autem funes sunt quæ diametraliter extenduntur.



Quatenus ad tertiam rationem pertinet, hoc pacto funes intexit Philosoph<sup>9</sup>. Esto lectulus cum suis spõdis AB CD, cuius sponda AD, sit pedum sex, AB vero triũ, Diuidatur AD bifariam in E & BC in F. item AE in tres AG, GH, HE & in totidem ED, nempe EL, LM, MD. Similiter medietas alterius spõdæ BF in tres partes distingatur BN, NO, OF, & FC

& FC similiter in tres FI, IK, KC, tum alterofunis capite inducto per foramen A, ibique probe firmato, indatur per F, inde per I, postea per GHK CE, & in E probe alligetur: Erunt igitur funis quatuor partes æquales AF, IG, HK, EC, quibus adijciuntur particulæ cadentes extra, quæ sunt FI, GH, KC. Post hæc alterius funis principium per foramen traicitur, quod est in angulo B. Deinde per E, inde per L, N, O, M, D, F & in F probe vincitur, & nodo facto obfirmatur. Erunt igitur aliæ quatuor alterius funis partes, tum inter se, tum etiam supradictis æquales, nempe BE, NL, OM, FD, quibus illæ pariter adijciuntur particulæ, quæ cadunt extra, videlicet EL, NO, MD. quoniã igitur quadratis ex BA, AE æquale est quadratum BE, erit BE quadratum 18. cuius latus radixue  $4\frac{1}{2}$  quam proxime. Sunt autem huius longitudinis funes æquales octo. Earum igitur simul sumptarum longitudo erit pedum  $34\frac{2}{3}$  vel circiter, quibus si addantur pedes sex funium qui cadunt extra, erit restis totius longitudo expansa pedum  $40\frac{1}{2}$  plus minusue. Picolomineus vero ait  $34\frac{2}{3}$ , omisit enim particulas illas sex, quæ, ut diximus, cadunt extra. Idem rationem funium diametraliter extensarum in idem, ait esse longitudinis pedum  $40\frac{1}{2}$ . Hic autem eas quoque particulas prætermittit, quæ extra cadunt. Itaque his additis clare patet, plus restium in sumi diametraliter ipsis, quam lateralliter extensis. Cæterum ratio, qua Philosophus hæc probare conatur, adeo est mutila, inuoluta, obscura, ut Delio prorsus, ut aiunt, indigeat natatore. Huius loci inexplicabilem difficultatem, vidit Picolomineus, qui idcirco attestatus est, interpretes in hac exponenda fuisse hallucinatos. Certe Græca lectio versione ipsa Latina non est clarior. Nos interim ne inutilem ferè speculationem nimia diligentia, eaque fortasse frustranea prosequamur, alijs difficultatem hanc dissoluendam aut ceu Gordij nodum

dum gladio scindendo relinquemus. Sed interim subit mirari, cur veteres vtiliori modo prætermisso, inutiliorē fuerint amplexati. Poterant enim reticulatim hoc per lineas lateribus æquidistantes intexere.



Estoenim lectulus eiusdem dimensionis ABCD, in cuius latere AD sint foramina quinque E, F, G, H, I, totidem in latere opposito QP, ONM. Duo vero in latere breuiori AB, nempe


RS, & totidem in opposito KL incipiaturrextensio à foramine E, per QP, F, G, ON, HIM & in M funis obfirmetur, tum alterius funis caput indatur si libet per K, & inde per S, R, L & in L constringatur. Sunt autem omnes EQ, FP, GO, NN, IM, pedum quindecim, quibus si addantur KS, RL, singuli pedum sex erunt pedum xxvii. quibus adiectis particulis extra cadentibus QP, FG, ON, HI, & RS, erit integra summa pedum xxxii. Vide igitur quantum hinc minus insumatur restium quam eo modo, quem probauit, & ceu vtiliorem proposuit Aristoteles. Præterea validissimum est hoc texturæ opus nec ex eo fit vera spondarum distractio scissione, quibus haud parum obnoxia est ea ratio, quam præfert ipse Philosophus. Concludimus igitur, aut nos eius verba & sensum non intellexisse, aut veteres ipsos, quorum vsum ipse explicat, rei, quam nos proponimus, naturam & commoditatem (quod ratamen vix credibile est) ignorare.



## QVÆSTIO XXVI.

*Proponitur à Philosopho examinandum, Cur difficilius sit, longa ligna ab extremo super humeros ferre, quam secundum medium, æquali existente pondere?*

**D**Vo hinc considerat, vibrationem, & pondus. Ait enim primo fieri posse, pro cetera ligna vibratione impediente, difficilius ferri. Quæreret autem quispiam, (ipse enim id reticet) cur vibratio hæc ferenti sit nocua. Nos itaque id explicare conabimur.




Esto igitur lignum oblongum, flexile, & ut ita dicam, vibrabile AB, imponatur humero, eique hæreat in C,

manu vero sustineatur facta compressione in B. Nutet igitur & vibretur, in ipsa vibratione, ad partem A. Sit autem centrum grauitatis eius D, Lignum igitur in ipsa vibratione descendet sua pressus grauitate in E, tum facta ligni constipatione in ea parte quæ est inferius inter C & D, & inde resistentia, eodem fere impetu quo descenderrat, repulsum per D, nec enim in sua rectitudine stabit, ascendet in F, facta iterum materiæ constipatione inter C & F. Mouebitur igitur lignum sua grauitate, motu frequentissimo, sursum deorsum, & is interim qui lignum humero fert, procedit antrorsum, impedit igitur motus iste, qui fit sursum deorsum lationem, quæ fit ad anteriora; Laetorem ipsum quodammodo retrahens. Si autem medio ligno supponatur humerus, eo quod vibratio sit minor, breuiores enim partes sunt, quæ à medio ad extrema minus à vibratione remorabitur ferens.

Quoniam autem non sola vibratio in hoc lationis modo, nempe ex ligni extremitate difficultatem facit, ait

Philosophus, forte id fieri, quoniam licet nihil inflectatur, neque multam habeat longitudinem, difficilius tamē sit ad ferendum ab extremo, eo quod facilius eleuetur ex medio quam ab extremis, & ideo sic terre sit facilius. Cur autem ex medio facilius eleuetur, causam esse ait, quod eleuato medio ligno extrema sese inuicem suspendant, & altera pars alteram bene subleuet. Medium enim fieri velut centrum, vbi is supponit humerum qui eleuat aut fert. Extremorum autem interim altero depressio alterum sustolli. Nos interim Mechanicis principijs, quod ipse non fecit, rem clariorem efficiemus.

Esto enim oblongum lignum AB, cui humerus supponatur in B, manus vero premendo sustinens in B. sit autem ligni pars maxima AC, minima CB, maioris autem ad minorem proportio exempli gratia sit sexcupla. Ad hoc igitur ut fiat æquilibrium inter potentiam sustinentem in B, & pondus comprimens in A, ita se habere oportet potentiam in B, ad pondus in A, ut se habet pars ligni AC ad



partem CD. Esto igitur pondus in A, puta librarum sex. Erit igitur potentia quæ in B ad hoc ut sustineat librarum triginta sex, quas si addas ponderi in A, fiet humerus in C

sustinens pondus librarum quadraginta duo. Si autem humerus medio ligno, hoc est, in D supponatur, ad hoc ut fiat æquilibrium, necesse erit potentiam in B esse æqualem ponderi in A, quod est sex, quare humerus sustinebit duodecim. Vnde patet, longe difficilius portari lignum ex C extremo, quam ex D medio; quod Mechanice fuerat demonstrandum.

Possumus & aliter idem ostendere. Intelligatur enim iisdem suppositis, vestem quidem esse AB, cuius fulcimentum


cimentum quidem B, pondus A, potentia sustinens in C, nempe inter fulcimentum & pondus. Res igitur ad eum vectis vsum reducitur, de quo G. Vbaldus tractatu de Vecte, propof. 3. Quare vt ille ostendit, ita se habere oportet potentiam sustinentem ad pondus, vt totus vectis ad partem eius quæ à potentia ad fulcimentum. Ita igitur se habebit pressio, quæ fit in C ad pondus in A, vt totus vectis AB ad partem eius CB, quæ à potentia ad fulcimentum. Erit igitur potentia septupla ponderi, & ideo sustinebit pondus librarum quadraginta duarum. quod fuerat ostendendum.

Hinc alia quæstio huic affinis soluitur, Cur hasta sarissæ solo iacens manu ad alteram extremitatem apprehensa difficillime extollatur?

Est igitur sarissæ hasta iacens AB, cuius extremitati A manus ad sustollendum applicetur, sit

autem pars quæ digitis capitur AC, quæritur cur pars reliqua CB difficillime sustollatur? Facile dubitatio ex prædemonstratis soluitur. Est enim C fulcimentum, supponitur enim loco, pugno ad sustollendum clauso, digitus index, potentia autem premens in A, vt superet gravitatem CB, est manus ipsius carpus, hoc est illa manus ipsius pars, qua pondus facta suppressione sustollitur. Est igitur AB vectis, cuius fulcimentum C, pondus B, potentia A, Itaque quoniam maxima est proportio BA ad AC, maximam esse oportet potentiam pondus sustollentem in C.

Huc etiam illud pertinet, Cur hasta solo iacente, si alterum extremorum manu sustollatur, alterum vero velocissime sursum vibretur, & eodem tempore manus hastæ sic vibratæ supponatur, haud magna difficultate hastæ ad perpendicularum sit erectio.



Sitenim hasta AB, quæ manu ex B capta eleuetur in C, & fiat in AC, tum facta ex C partis A veloci vibratione, ipsa extremitas A transferatur in D, sitque vbi CD, tum veloci manus depressione extremitas C transferatur in E, fiatq; EF horizonti perpendicularis; quod vbi factum fuerit, erunt

in eadem linea quæ ad centrum mundi, manus ipsa quæ sustinet, & grauitatis ipsius centrum G, quare manus ipsa facta vibratione tantum portat, quantum præcise ipsius est hastæ pondus.


### QVÆSTIO XXVII.

*Dubatur, Cur si valde procerum fuerit idem pondus, difficilius super humeros gestatur, etiam si medium quispiam illud ferat quam si breuius sit?*

**Q**VÆstio hæc superiori est affinis. Ait autem Philosophus, causam non esse id, quod in præcedenti quæstione dixerat, sed vibrationem: quo enim longiora sunt ligna, eo magis eorum extrema vibrantur, debiliora enim sunt & à medio remotiora, quare suo pte pondere facilius nutant. Si autem breuiora sint ea causa cessante minor fit aut nulla vibratio, quare breuiora feruntur facilius. Dupliciter autem vibratione ipsa, portans ostenditur, tum ex causa quam in superiori quæstione considerauimus, nempe quod motus sursum deorsum assiduus, progredientis motum impediat, tum etiam quod duplici pressione grauetur ferentis humerus, quod Philosophus non animaduertit.

Sitenim oblongum lignum AB, quod humero medio





dio loco sustineatur in C.  
nutrabunt ergo extrema AB,  
à centro C, valde remota,  
cadent autem simul A in D,


& B in E trahere secum conantes medium C, quare is qui in C sustinet, non modo ligni sustinet pondus ex gravitatis centro quod est in C, sed impetum quoque in ipsa extremorum depressione acquisitum ex ipsa violentia. Illud autem subtiliter consideramus, portantem ex vibratione per intervalla deprimi & subleuari. fiat enim vibratum lignum ex contrario motu, vbi FCG. alleuabit igitur eo casu portantem, siquidem impetus ex motu ipso acquisitus, medium C trahat ad superiora. Itaq; cum est in DCE portans plus sustinet in ACD, æquale, in FCG minus, quod vtrique demonstrandum fuerat. Est autem quæstio hæc illi familiaris, quam 16. loco explicauimus.

### QVÆSTIO XXVIII.

*Queritur, Cur iuxta puteos celonia faciunt eo quo visuntur modo? Ligno enim plumbi adiungunt pondus, cum alioquin vas ipsum & plenum & vacuum pondus habeat.*

**R**esponder optime Philosophus, hauriendi opus duobus temporibus diuidi, nempe dum vas ipsum vacuum demittitur, dumque extrahitur plenum: Contingere autem, vacuum facile demitti, plenum autem difficulter extrahi. Expedire nihilominus tardius, hoc est difficilius dimitti vt facilius extrahatur, plumbo nempe coadiuvante, & sane Philosophi solutio est lucidissima. Nos autem luci ipsi lucem aliquam adhuc afferre conabimur.

Esto Celonium (Latine Tolenonem appellant) ABC, cuius arrectarium BD, transuersum lignum AC, quod  
con-




conuertitur, circa pūctum seu  
fulcimentum B, pondus, plum-  
bumue, vbi A, situla E, funi ap-  
pensa CE. Dico rebus ita con-  
stitutis difficilem quidem esse  
vacuæ situlæ demissionem, fa-  
cile vero eiusdem extractio-  
nem. Vectis diuisi, situlæ, ac  
ponderis, ad hoc vt fiat æquili-  
brium, ea debet esse propor-

tio, vt quemadmodum se habet AB ad BC, ita se habeat  
plenæ situlæ pondus E ad ipsum pondus A, superabit ergo  
pondus in A situlam vacuum in E nec fiet æquilibrium, i-  
taque vt vacua situla demittatur, tanta vis adhibenda est  
quantum est ipsius aquæ, qua situla impletur pondus, quæ  
vis dum apponitur difficilem, vt dicebamus, efficit situlæ  
vacuæ demissionem. Plena vero situla sit æquilibrium, vn-  
de quantumuis pusilla vi adhibita, situla extrahitur, quasi  
ex semetipsa ponderis appensi virtute ascendens. Quan-  
tum igitur pondus dum vacua demittitur impedit, tan-  
tundem plena dum extrahitur, adiuuat. Quæ cum ita sint,  
si paria sunt difficultas in demittendo, & facilitas in ex-  
trahendo, quæ ratio hoc in negotio vtilitatis? Sane situla  
vacua, manu per funem facile demittitur, plena vero dif-  
ficile extrahitur, vsu autem Celonij res permutantur. Cor-  
poris enim proprii pondere, dum premit, adiuuatur de-  
mittens, qui per funem simplicem extrahendo, ab eodem  
proprii corporis pondere impediabatur. quod quidem ex  
corporis pondere, auxilium, ingentem parit in extrahen-  
do commoditatem.

Quippiam simile accidit, aquas è puteis extrahen-  
tibus vsu trochleæ. Sit enim trochlea puteo imminens  
ABCD, cuius centrum E suspensa quidem in A, funis, cui  
situla

fitula suspenditur  $FCABG$ , fitula vero  $G$ . Est igitur diameter  $CED$ , instar libræ, quare ut fiat æquilibrium necesse est capiti funis  $F$ , potentiam applicare, quæ sit æqualis



pondere fitulæ aqua plenæ, itaque extrahens proprijs viribus corporis pondus adijciens facile fitulam aqua plenam extrahit, ex qua re magna extrahentibus fit commoditas. Pater autem diuerso modo extrahentes iuuare **Celonium**. & **Trochleam**, ibi enim corporis mole adiuuatur demittens vacuam, hic vero qui extrahit plenam aqua fitulam.

Cæterum **Celonij** partem  $BC$ , qui à fulcimentò ad funem longe maiorem esse oportet, ipsa  $AB$ , ut fitula in profundum possit demitti, quamobrem ita se debet habere pondus in  $A$ , ad pondus fitulæ plenæ, ut se habet brachium seu pars  $BC$ , ad partem  $BA$ . Tunc enim ex permutata proportionem efficitur æquilibrium.

Illud addimus, nouum non esse Architectis Mechanicisque, tum hominum tum animalium ut commodius machinas moueant, adhibere pondera corporum. Nec enim alia ratione mouentur Rotæ illæ, quas ob hanc causam ambulatorias vocant; quarum vsus ad Mangana, ad extrahendas è puteis aquas, & ad farinarias quoque molas agitandas adhibetur.

Porro Tollenonem bellicam Machinam à **Celonio** tum forma tum potestate nihil differre, videre est apud veteres Mechanicos, Heronem Byzantium, & alios, apud neotericos vero hac de re agunt Daniel Barbarus in Vitruuium, & Iustus Lipsius in librum quem de bellicis machinis edidit, elegantissi-

mum.


X

QV AE.

## QVÆSTIO XXIX.

*Dubitatur, Cur quando super ligno, aut huiusmodi quopiam, duo portauerint homines, idem pondus non aqualiter premuntur, sed ille magis cui vicinior fuerit pondus?*

**S**OLUIT Aristoteles, inquiens, lignum esse vectem, pondus vero fulcimentum; res quæ mouetur is qui pondere est proximior: mouens vero qui remotior. Itaque quo magis remotus est à pondere, hoc est, à fulcimento is qui mouet, eo violentius is premitur qui altera vectis parte eaque breuiori, mouetur.



Est lignum AB, pondus C appensum in E, vicinior extremo B quam ipsi A, sit autem portatium alter quidem AF, alter vero BG, Imaginemur itaque locum E à pendere ita figi & deprimi, ut sursum quidem ferri nequaquam possit, circa vero punctum E, seu circa centrum fulcimentum-

ne ipsum vectem conuerti. Lignum ergo AB vectis: mouens potentia A, pars vectis à potentia ad fulcimentum AE pars eiusdem quæ à fulcimento ad rem motam EB, & quoniam quanto longior est pars vectis EA ipsa EB, eo facilius potentia quæ est in A, operatur in id quod est in B, si res ad proportionem redigatur, erit potentia in A, ad id quod mouetur seu premitur in B, ut pars vectis EB ad partem EA, sed maior est AE ipsa EB, ergo maiorem partem sustinet ponderis, & plus premitur is qui in E, & qui mouet in A. Hæc fere Philosophi est sententia: Piccolomineus vero Paraphrastes appolite duos vectes in vnico li-

gno



gno considerat, alterum AB, alterum BA, in primo A est mouens B, motum in secundo B, mouens A verò motum in quibus vectibus semper idem & commune fulcimentum E. Et quoniam in proposito diagrammate breuior est pars vectis EB, quæque à mouente ad fulcimentum, parte illa quæ ab eodem fulcimento ad rem motam, minus operatur B in A, quam A in B, & ideo qui in B mouetur plus premitur, contra vero quia maior est pars EA ipsa parte EB, magis operatur qui in A in ipsum B, quam e contra. Et sane consideratio hæc subtilis est & ingeniosa, & quæ si recte intelligatur, quatenus ad proportionem & effectum ipsum demonstrandum pertinet, à veritate ipsa non abhorret. Quicquid tamen sit, Mechanice magis hoc pacto quæstio diluetur. Dicimus enim, pondus quidem vere esse pondus, non autem fulcimentum, vt sibi fingebat Aristoteles: lignum vero vectem, duo autem qui pondus sustinent pro duplici fulcimento haberi, vtriusque enim vectis cum appenso pondere innititur. Potest etiam alter eorum pro potentia mouente, alter verò pro fulcimento, & sic vicissim. Est autem, quomodocunque res accipiat, pondus inter fulcimentum & potentiam. Quare ex ijs quæ demonstrauit G. Vbald. de hoc vectis genere loquens, vt se habet AE pars ad AB vectem totum, ita potentia quæ sustinet in B, ad pondus appensum in E, & vt BE ad BA ita potentia quæ sustinet in A ad pondus quod in E. At minor est proportio BE, ad BA, quam AE ad AB, quare magis superatur pondus in E à potentia quæ in A, quam à potentia quæ in B, & ideo plus ponderis sustinet ferens in B, quam ferens in A, quod fuerat demonstrandum.

Hinc colligimus, pondere in medio vecte appenso ferentes æqualiter sustinere, propterea quod totius vectis ad partes ipsas proportio sit eadem, vel æqualis.


3. **A.** Pulchre autem dubitari potest, an idem prorsus contingat, si alterum eorum qui sustinent, sit statura quidem procerior, alter vero humilior.



Sit enim vectis AB, in cuius medio, pondus H libere appensum ex C, alter portantium procerior AD, humilior vero BE. si autem horisontis planum DE, demittatur à puncto Cad horisontem perpendicularis, ipsi vero AD, BE, æquidistans CF. Transibit autem per ipsius ponderis, gravitatis centrum H. Dico igitur, nil referre quatenus ad pondus sustinendum pertinet, vtrum portantes sint statura pares vel ne. Ducatur enim horisonti æquidistans, GB, secans perpendicularem CF in I. Quoniam igitur AG æquidistans est ipsi CI erit vt AC ad CB per 4. sexti elem. ita GI ad IB. Sunt ergo GI, IB inter se æquales. Intelligatur itaque pondus H, solutū à puncto C appensum esse libere ex puncto I, hoc est, ex medio vectis GB, æqualiter ergo diuisum erit pondus inter portantes, licet alter procerior, alter vero statura humilior, quod fuerat demonstrandum.

Si autem pondus ita vesti alligatum sit ut libere non pendeat, veste ex vna parte eleuato, ex altera vero depresso, grauitatis centrum ad eam partem verget quæ magis ab horizonte attollitur, & ad eam ipsam partem vestis à pondere ad sustententem sit breuior.

Est enim vestis AB, cuius medium C, pondus vesti in Calligatum CFG, cuius gravitatis centrum H eorum qui portant procerior AB, humilior BE, horizontis planū DE. Demittatur per centrum H horizonti perpendicularis IHK, secans vestem quidem in l, horizontis vero planum



num in K. Post hæc intelligatur pondus solutum quidem à puncto C, appensum vero ex puncto I. Stabit igitur ex definitione centri grauitatis nec situ suo mouebitur. Dico autem partem AI ipsa IB esse breuiorem, hoc est, punctum I cadere inter C & A. Si enim non cadat, vel cadet in C, aut inter C & B, cadat autem si fieri potest in C. Erit igitur CHK horizonti perpendicularis, sed eidem perpendicularis AD. Erunt igitur BCK BAD anguli inter se æquales, sed ipsi BAD angulo æqualis est CIH, quare & BCK ipsi CIH æqualis erit. Producto igitur latere IC trianguli ICH erit exterior angulus æqualis interiori ex opposito, quod est absurdum: non ergo I cadet in C. Eadem autem ratione monstrabitur non cadere inter CB, cadet ergo inter CA, & ideo minor AI ipsa IB. Itaque ut scilicet habet BI ad BA, ita potentia in A ad pondus in I, sed maiorem proportionem habet BI ad BA, quam IA ad AB. Ergo minor potentia requireretur in B quam in A, & sane pars IB respondet potentia sustinenti in A, at IA potentia sustinenti in B, minor est autem AI ipsa IB, ergo maior potentia requiritur in B, quam in A, quod fuerat demonstrandum.

Hoc item concludetur, si portantes statura quidem pares fuerint, sed per planum ambulent horizonti accliuæ aut decliuæ. Si enim pondus libere pendeat, vectis partiū proportio non mutabitur; si autem libere non pendeat, is magis laborabit qui in ascensu præbit, minus vero qui in descensu.

Hinc quoque Carrucarum ratio pender, quæ duplici manubrio vnica rota vulgo sunt in vili, pro vecte enim habentur, cuius fulcimentum ad contactum plani & ro-

ta; potentia vero ad extremitatem duplicis manubrij. Reducitur enim ad idem genus vectis, in quo pondus inter fulcimentum est & potentiam. quo igitur minor fuerit proportio partis vectis quæ à centro gravitatis ad ipsum fulcimentum, ad totum vectem eo facilius pondus eleuabitur.

Cur autem difficilime hæ per acclive horizonti planum pellantur, duplici fit de causa, tum quia gravitatis centrum ad ipsum portantem seu pellentem vergit, & ideo pars quæ à fulcimento ad centrum gravitatis ponderis fit maior, tum etiam quoniam ipsum graue contra sui naturam sursum pellitur ferturque.

Quærendum ad hæc quispiam posset, Cur Baiuli magna ferentes pondera, curui incedant? Dixerit autem aliquis, ponderis gravitate eos deprimentis id fieri. Nos autem duplici item de causa id fieri putamus, tum ea quam considerauimus, tum etiam alia, nempe ut gravitatis centrum ipsius ponderis quod sustinent, in perpendiculari collocent, ne si extra ponatur is qui fert à centro extra fulcimentum posito, ad eam partem ad quam vergit trahatur, & pondere ipso opprimatur.

Eadem de causa fit quoque ut ij qui magna pondera sinistro ferunt humero, in dextram partem inclinentur, qui vero dextro, contrario modo se habeant, æquatur enim pondus eo pacto, & gravitatis centrum in ipsa perpendiculari collocatur.


### QVÆSTIO XXX.

*Cur assurgentes omnes femori tibiæ ad acutum angulum constituamus & pectori thoracine similiter femur, quod nō fiat handquaquam surgere poterunt?*

**A** It Philosophus, forte id fieri, quod æqualitas sit omnino quietis causa, rectum vero angulum quietis angu-



angulum esse, & stationem facere; nec alia de causa stantem ipsi terræ esse perpendicularem, & ideo caput & pedes in eadem linea habere, sedentem vero non item. Tunc autem à sessione surrectionem fieri, cum caput & pedes in una linea collocantur, quod sane fit cum pectus & crura acutum cum ipso fœmore angulum faciunt.



Esto enim stans AB horizonti IBK perpendicularis, cuius caput A, pedes vero B, sedeat modo sitque eius cum capite Thorax CD, fœmur DE, crura EF, sintque CDE, DEF anguli recti, quibus ita constitutis non sunt in eadem linea caput C & pedes F. Surgere itaque non poterit sedens, propterea quod partes omnes corporis non sint horizonti perpendiculares. Ad hoc autem ut surrectio fiat, necesse est ut sedens retrahat quidem pedes in H, & pectore inclinato acutum cum fœmore angulum constituat GDE, quo casu fient in eadem recta linea, eaque horizonti perpendiculari caput in G, & pedes in H, ex cuius situs natura commoda fiet ab ipso sedente surrectio. Hæc fere, licet alijs ab eo verbis explicata, ipsius est Philosophi sententia; quæ licet vera sit, non tamen ex proprijs, hoc est, Mechanicis principijs est petita, quod quidem nos facere conabimur.

Dicimus autem primo, sedentem non ideo quiescere, ut sentit Aristoteles, quod rectus angulus quietis sit causa, sed propterea quod eius thoracis tum etiam fœmorum pondus ab ipsa sede sustineantur; crura vero & pedes ideo non laborent, quod partim suspensa sint, partim solo ipsi innirantur. Quare cum corpus totum nec se  
susti-


sustineat, nec à pedibus sustineatur, sic quies & lassitudinis allevatio. Natura autem ideo commodam hominibus sessionem facere voluisse inde apparet, quod clunes, quibus tota superior pars, & grauior nititur, carnosam fecerit, & cervicalis cuiusdam instar mollem & facilem. Sed nos ad quæstionem.

*E*sto enim stans *AB*, cuius caput *A*,  
Thorax *AC*, fœmora *CD*, crura *DB*, pe-  
des vero *B*, centrum vero grauitatis in ipso  
Thorace *E*. Modo sedeat, sitque caput in *F*,  
Thorax *FG*, fœmora *GH*, crura *HI*, pedes *I*,  
grauitatis vero centrum vbi *K*. Producatur recta  
*FG* in *L*, sitque *FL* horizonti perpendicularis.  
Centrum ergo grauitatis *K* fulcitur puncto *G*, hoc est,  
puncto *L*, in quo posteriores pedes ipsius  
sedis solo hærent. efficit autem sedens  
duos rectos angulos *FGH*, *GHI*. Rebus  
igitur ita dispositis seruatis rectis angulis , non fiet surre-  
ctio, & id quidem non ideo quod, vt ait Philosophus, æ-  
qualitas & reſtitutio angulorum quietis ſit cauſa, ſed  
propterea quod centro grauitatis extra pedum fulcimẽ-  
tum conſtituto, non habet centrum ſtabilem locum cui in  
actu ſurrectiõis hæreat, & fulciatur, vnde fit vt ſi ſedenti  
ſubtrahatur ſedes remoto prohibente, ſedens prorsus cor-  
ruat. Modo retrahat qui ſedet crura, & pedes ponat in *M*,  
à puncto autem *M*, horizonti perpendicularis erigatur  
*MN*, erit ergo fulcimentum in *M*, ſed adhuc ſurgere non  
poterit, centro grauitatis adhuc extra lineam *MN*, quæ  
per fulcimentum eſt, conſtituto. Reclinetur autem pet-  
tus ad anteriora, & cum fœmore acutum angulum faciat  
ſedus vbi *GO*, erit igitur grauitatis centrum vbi *P*, hoc  
eſt, in ipſa perpendiculari *NM*, fiet igitur inde commoda  
ſurre-

surrectio, propterea quod in eadem linea facta sint, gra-  
vitas centrum P, & fulcimentum ipsam M. Acutum vero  
angulum in surrectione necessarium esse clare patet, non  
autem effectus ipsius esse causam, ut videtur sensisse Ari-  
stoteles; nisi dicamus, causam esse causæ, siquidem acuti  
qui fiunt anguli centrum & pedes in eadem linea collo-  
cant, quicquid tamen sit, nos ideo surrectionem fieri dici-  
mus, quod immutatis angulis centrum gravitatis supra  
fulcimentum, fulcimento vero sub ipso gravitatis centro  
collocetur, & hæc est causa proxima. Hæc nos ad Aristo-  
telem. Modo quasdam alias quæstiones, nec inutiles sed  
& eas non iniucundas quoque proponemus.

Primum igitur querimus, Cur hominum & cætero-  
rum animalium, quæ aliquando erecto corpore incedunt,  
pedes non quidem breves sint & rotundi, sed longiores  
potius, & in inferiorem partem porrecti? Item cur magis  
ad digitos quam ad calcaneum porrigantur?

ad digitos quæ ad calcaneum BD fœmoris verte-  
bra E, centrum vero grauitatis ipsius cor-  
poris F. Primum igitur statuendum est, homi-  
nem & cætera fere animalia à Natura fa-  
cta esse vt ad anteriora moueantur, & ideo om-  
nes fere quod in senioribus manifeste ap-  
paret, ad anteriora ex ipsa corporis disposi-  
tione vergant. Itaque dum qui stat horizon-  
ti prorsus est perpendicularis, grauitatis centrum F in ipsa  
perpendiculari constituitur quæ ad mundi centrum A B,  
& ideo corporis moles pondusque fulcitur puncto B. Mo-  
do fiat ex vertebra E thoracis A E, inclinatio in anteriora,  
in GE & grauitatis centrum D diluetur in H, & per H per-  
pendicularis demittatur H I, non erit \*\* extra pedis ful-  
cimen



cimentum BC. Stabit ergo qui ita inclinatur, nec corruet: si autem adhuc propendeat magis, fiatque in KE, centro grauitatis constituto in M, ducatur per M perpendicularis ML, quare quoniam linea ML extra pedis fulcimentum cadit, corruet qui eo pacto inclinatur nec sustinebitur. Cur igitur natura animalibusque erecto corpore ambulant, pedes in anteriora porrectos fecerit, hinc clare patet.

Hinc etiam ceu consecretarium habemus, cur homines si impellantur, magis ad casum in posteriora quam in anteriora sint proni. Nec non etiam cur simiæ, vrsi, & si quæ cætera eiusmodi animalia diutius erecto corpore ambulare nequeant, nempe ideo quod eorum corporum moles valde in anteriora propendeat, nec ita commodo, ut humanis euenit corporibus, pedum ipsorum basibus fulciantur.

Querere item haud importune possumus, Cur grallatores non stent erecti, nisi assidue moueantur? Solutio facilis. grallæ etenim duobus tantum punctis solum tangunt, nec porrecti beneficio, quod ambulantibus accidit, uti possunt. quamobrem grauitatis centrum fit extra fulcimentum, & ideo coguntur grallatores assiduo motu grauitatis centro fulcimentum supponere, quod dum fit, a casu prohibentur.

Potest autem id quod fulcitur, tripliciter fulciri, nempe aut puncto, aut linea, aut superficie.

Quod puncto fulcitur, nulla re impediente ad quamuis partem cadere potest, centrum siquidem, motus, punctum est.


Quod linea fulcitur ad duas tantum partes, easque oppositas, habet casum. sit illud superficies, corpusue in latus constitutum.

Esto






Esto horizontis planum ABCD, cui ad rectos angulos insistat superficies EFGH, secundum latus FG. Sit autem ipsius superficiei gravitatis centrum I. à quo ad horizontis planum perpendicularis demittatur IK. Caderet autem in lineam FG. per propof. 38. vñdecimi elem. & anguli IKG IKF recti erunt. Itaque superficiei EFGH circa lineam FKG seu circa axem mota punctum I peripheriam describet LIM, & si quidem cadat ad partes CD, gravitatis centrum erit vbi M. Si vero ad partes AB, fiet vbi L. Sunt autem LKM pñcta in recta LKM, quæ quidem communis sectio est plani horizontis, & plani per IKLM, transeuntis.



Idem quoque de corpore dicimus in latus collocato. Esto enim cubus LO, cuius gravitatis centrum R, latus vero quo fulcitur, NO. Si enim ita collocetur, ut interna superficies LNOQ ad rectos angulos horizonti sit constituta, demissa perpendicularis à puncto R, caderet in S, in ipsa linea NSO. Cadente igitur corpore fiet motus circa lineam NO, centro gravitatis interim peripheriam TRV. describente.

Hinc animadvertere licet, Cur prouidissima Naturæ nulli animantium vñcum dederit pedem, sed aut quaternos, aut saltem binos, & binos quidem ipsos virtute quaternos, si quidem in quolibet animantium bipedum


pede duo saltem puncta considerantur, quibus ipsum animal fulcitur.



Sint enim humani pedis vestigia A, B, C, D, in utroque igitur duo puncta considerantur, A, B, C, D, illa quidem ad digitos, hæc autem ad calcaneum. Idem quoque in avium pedibus observatur, ex quibus concludimus, bipedum omnium fulcimentum esse quadruplex. Porro quadrupedia eo quod tota corporis mole ad inferiora vergant, quatuor fulcimenta, eaquæ distincta, & commode ab invicem remota eademmet Natura præparavit.

Eadem quoque in artificialibus consideramus. Sit enim vas quoddam ABC, cuius pes vnicus, isque rotundus BC, gravitatis vero centrum D. Quoniam igitur in pedis ipsius peripheria, infinita puncta intelligantur, dici quodammodo potest vas ipsum infinitis fere punctis, licet

pes vnicus sit, sustineri. Nonnulla autem corpora artificialia quatuor pedibus sustinentur, ut mensæ quædã, nonnulla etiam tribus, ut tripodes, qui nomen ab ipso pedum numero sortiuntur. Sit enim triangulum EFG, cuius centrum gravitatis H, nitatur autem tribus punctis I, K, L, stabit igitur. Si autem duobus tantum; non stabit, ducta enim IK si punctis tantum IK innitatur, constituto gravitatis centro



extra

extra fulcimentum IK, verget cedens versus partes, L, Si autem innitatur punctis IL, cadet ad partes K. Si vero ipsius KL, cadet ad partes I. Ex quibus apparet, inanimata corpora aut vnico pede plurium virtutem habente, aut saltem tribus actu, vt sustineantur, indigere.


Hinc etiam patet, cur senes, imbecilles, curui, & pedibus capti, baculi baculorumue fulcimento egeant, etenim cum hi debiles sint, & in anteriorem partem magno-  
pere propendeant, ne grauitatis centrum extra fulcimen-  
tum fiat, baculo vel baculis indigent, quibus centrum ip-  
sum fulciatur.

Ceterum cur duplici genu ingeniculati difficile in eo situ permaneant, ea causa est, quod grauitatis centrum in thorace constitutum, duobus genibus fulciatur, eosque premat. quæ quidem genua eo quod natura apta natura non sint, veluti pedes, ad sustinendam corporis molem laborant, idque eo magis, quod cum ossea sint, cutem inter ossium & plani duritiem constitutam, accidit arctari, & ideo dolorem & molestiam ingeniculatis facere.

Siautem vnico tantum genu quispiam nitatur, difficultatem sentiet longeminorem. Triplici enim fulcimen-  
to eo casu ingeniculatus  
fulcitur: Sit enim ingenicula-  
tus ABCDE, cuius grauitatis  
centrum F. dextrum vero ge-  
nu, cui nititur D, sinistrum ve-

ro, quod eleuatur B. Tribus ergo fulcimentis ingenicula-  
tus vt diximus, sustinetur, CDE. Diuiditur itaque pondus  
in tres partes, & ideo singule minus fatigantur. Magis ta-  
men laborat punctum D, vt, ore illud, cui ad perpendicu-  
lum F grauitatis centrum innititur.

Vtique illud quæque mirabile est, Aues dormientes  
vnico tantum pede fulcri, & quod magis mirum est, dor-  
mientes



mientes posse, quod vel ipsi vigilantibus est difficile. Cur id Natura docente faciant, eam puto esse causam, quod dum dormiunt, caput sinistræ alæ, vt naturali calore iuuentur, supponunt, quæ propter ad eam partem declinantes, vt interim æquilibrium faciant, pedem subleuant, & eo casu ceu inutilem retrahunt atque suspendunt: addita item alia causa, nempe vt pedem ipsum dormientes nativo calore confoucant.

Quæritur etiam, Cur ij qui inclinantur, vt re quampiam à solo sustollant, alterum crurium ad anteriora, nepe versus manum ipsam, quam porrigunt, extendant?

Est enim quispiam ABCD, cuius crura BC, BD, grauitatis centrum E, velit autem quippiam à solo tollere quod sit in F. sit perpendicularis, quæ per grauitatis centrum GEH. Dum igitur ad anteriora inclinatur, centrum amouet à perpendiculari, quam obrem docente Natura, cruris BC ad centrum ipsum fulciendum ad anteriora, hoc est, versus rem sustollendam porrigitur.

Huius quoque speculationis est inuestigare, Cur quadrupedia dum gradiuntur, pedes diametraliter moueant. Cuius rei verba fecit ipse quoque Philosophus lib. de animalium incessu cap. 12. Nos autem ad maiorem declarationem, quod ipse Physicis principijs fecit, mechanicijs demonstrabimus.

Sint duæ in plano parallelæ AB, CD, in quibus quadrupedis pedes E, F, B, D, quorum EF, anteriores, BD vero posteriores. iungantur BDEF, eritque EBDF parallelogrammum altera parte longius, cuius diametri ducantur

ED,








ED, BF, secantes sese in G, vbi & grauitatis centrum. Moto igitur posteriori sinistro pede B in K, si anteriorem E, eodem tempore moueret in I, stantibus interim DF, ceu fulcimentis, centrum G extra fulcimenta fieret ad partes BE. Caderet igitur ad partes BE. Si autem eodem tempore moueret dextro eodem pacto centrum extra fulcimenta positum caderet ad partes ipsas DF. Si autem moto pede B in K, & eodem tempore F in L, & D in H, E, in I, centrum erit in diametris HI, KL, hoc est, vbi M, solum quidem ab ipsis pedibus K, L, H, I. Hoc igitur pacto transfertur vicissim cum grauitatis centro simul translatis fulcimentis sese diametraliter respondentibus; quod vtique demonstrandum fuerat.

Sane & bipedia quoque alternatim gradiendo grauitatis centrum transferunt. Dum enim dextrum cruseleuatur, centrum sinistro fulcitur, & e contra.

Naturalia isthæc sunt; in artificialibus autem quæri posset, Cur Architecti, Arcium muros non ad perpendicularum erectos, sed introrsum inclinatos constituent?




Vtique hoc faciunt, vt minus sint ad ruinam proni. Esto enim, murus ad interiorem partem vergens ABCD, Cuius grauitatis centrum E basis BC erigatur à puncto B horizonti perpendicularis BF, & ad eundem à centro grauitatis E demittatur EM, tum BE iungatur. Post hæc à puncto B angulum, cum linea horizontis BK faciens recto maiorem. Itaque murus hoc pacto constitutus ad interiorem partem suo pondere vergit, cadere autem non potest, vel quod viæ

rupi, cui forte hæret, fulciatur, vel antistatis, quos no-  
strates sperones & contra fortes appellant, innitatur. Sed  
nec in anteriora corruet, quando quidem ruinam factu-  
rus, necesse est ut grauitatis centrum secum trahat in per-  
pendiculari BF, & demum in eam quæ ultra perpendicu-  
larem est BG, facta nempe circa B, ceu circa centrum, cō-  
uersione. Moueatur autem & ex semidiametro BE cen-  
tro B portio circuli describatur EH, quæ secet BG in H,  
& BF in I; Et quia EM semidiametro BK perpendicularis  
per B, centrum non transit, erit EM ipsa BK, hoc est, BI  
breuior. Abscindatur ex BI, ipsi EM æqualis LB. Erit igitur  
punctum L infra punctum I, hoc est, ipso I, mundi cen-  
tro propius. Necesse igitur erit ad hoc ut murus corruat,  
centrum grauitatis E facta circa B, conuersione aliquan-  
do fieri in I, ut demum transferri possit in H, sed I remo-  
tius est à mundi centro ipsis E, L, ascendet igitur graue  
contra suinaturam ex E in I, at hoc est impossibile; quod  
fuerat demonstrandum.

Ex his iisdem principijs alia soluitur quæstio, Cur  
scilicet Campanaria turris quæ Pisus visitur, nec non alia  
Bononiæ in foro prope Asellorum turrim, quam à nobili  
olim Carisendorum familia exstructam, Carisendam vo-  
cant, cuius meminit & Dantes Poëta summus in sua Co-  
mœdia. Propendet autem hæc in latus, & ita propendet  
ut perpendicularis, quæ à summo inclinatur partis in so-  
lum demittitur, longe cadat ab ipsa, cui nititur, basi, quod  
sane mirabile videtur, muros nempe, in ruinam pronos,  
ruinam non facere.

Esto enim turris ABCD, basi fulta BC, horizontis  
planum BCF latera AB, DC, centrum vero grauitatis to-  
tius in E. Propendeat autem ad partes DC ex angulo  
DCF. Ita autem constituta intelligatur ut perpendicu-  
laris ab A, in planum horizontis demissa per grauitatis cen-  
trum



trum E extra basim BC, non cadat, cadat autem in C. Quoniam igitur ABCD moles per E grauitatis centrum diuiditur, in partes secatur æqueponderantes, sed & centrum grauitatis extra fulcimentum non cadit, quare nec pars ACD, trahet partem ABC, nec centrum extra fulcimentum positum locum petet centro mundi viciniorem. Cur igitur Carisenda stet, & e-gregia illa turris campanaria quæ Pisis prope summum Templum maioribus præclare exstructa videtur, licet ruinam minentur, stent æternum, nec cadant, ex his quæ considerauimus, liquido patet.

### QVÆSTIO XXXI.

*Cur facilius moueatur commotum quam manens, veluti currus commotos citius agitant, quam moueri incipientes?*

*Hoc quaeritur.*

**P**ROblema hoc est mere Physicum; verumtamen quoniam ad localem motum pertinet, de quo ipse quoque Mechanicus agit, Hisce quæstionibus contemplatio hæc interfertur. Soluit autem Aristoteles inquiens, id fortasse ea de causa fieri, quod difficillimum sit pondus mouere, quod in contrarium mouetur. Demit enim quippiam de motoris potentia resistens, licet mouens ipso moto sit longe potentius atque velocius. necesse enim esse id tardius moueri quod repellitur. Hæc verba licet de ea potentia dicta videantur, quæ rem motam in contrariam partem repellit, nihilominus illi quoque aptantur quæ rem immobilem à principio mouere conatur. est enim resistentia rei quæ à statu ad motum transfertur ceu quidam

contrarius motus. Contra autem accidit illi qui rem motam mouet in ipso motu: eo enim casu mouens ab ipso rei motu magnopere iuuatur, cooperatur enim motus motori, in ipsam rem motam operanti. Auget autem res mota quodammodo mouentis potentiam, quod enim à mouente pateretur, ex se ipsa agit res quæ mouetur.



Esto horizontis planum AB, cui moles quædam insistat, CD. Modo potentia quædam applicetur vbi E, quæ molem in anteriora propellat, id est, versus B. Primum igitur, quoniam à quiete ad motum fit transitus, resistit sua quiete corpus graue, potentia impellenti, superata demum resistantia moles quæ moueri cœpit, fertur in F & mouetur, quare potentia quæ à principio resistantiam rei non motæ superauerat, pellendo rem motam pergens facilius pellit: Duo enim sunt quodammodo motores, mouens videlicet ipse, & motus quæ res mota mouetur. facilius ergo pelletur ex F in G, quam ex D in F, & ex G in B, quam ex F in G, & eo motus fiet in progressu faciliior atque in ipsa velocitate velocior, quo magis in ipsa motione mouetur.

Hinc soluitur ea quæstio apud Physicos difficillima, Cur nempe in motu naturali velocitas vsque augeatur; etenim ibi Natura mouens est, atque eadem inseparabilis à remota, vrget igitur assidue, à principio quidem tardius, post hæc autem ea quam diximus, de causa vsque & vsque velocius. Motus ergo fit in motu, qui motus cum semper à motore, & motu ipso augeatur, crescit ex progressu in immensum. Certe causam velocitatis auctæ eam esse; quod potentia mouens rem motam in motu ipso moueat, nemo vt arbitror, inficias ibit, acquirit enim corpus motum pōderosi-



derositatem quandam accidentalem, quæ cum ex motu perinde augeatur, ipsum motum faciliorem, eoque velociorem facit. Disputat hæc & Simplicius lib. 7. Physic. c. 11. Aristotelis de Natura libros exponens.

### QVÆSTIO XXXII.

*Queritur hic, Cur ea qua projiciuntur, cessent  
à latrone?*

**H**Ogidem problema est mere Physicum. Ad quod ea pertinent quæ à Philosopho tractantur libro Naturalium 8. & lib. 1. de Cælo. Tres autem affert subdubitando rationes, An quia impellens desinit potentia, vel propter retractionem, vel propter rei projectæ inclinationem, quando ea valentior fuerit quam projicientis vires?

Quicquid dicat Philosophus, id utique exploratissimum est. Projecta ideo à motu cessare, propterea quod impressio, cuius impetu & virtute feruntur, non sit projectus quidem naturalis, sed mere accidentalis & violenta, at nullum accidentale & violentum quodque, non naturale est, perpetuum est. Cessat ergo accidentalis illa impressio, eaque paulatim cessante projecti motus elanguescit, donec quietem prorsus adipiscatur. Illud quoque notamus, quod à multis vidimus non observatum, nempe violentum motum violentia prævalente non differre à naturali, & ideo tardiozem esse à principio post hæc, in ipso motu fieri velociorem, remittente demum paulatim impressa violentia, tardiozem, donec impetus, & cum impetu motus evanescat, & res ipsa mota quietem adipiscatur. Vnde etiam experientia docemur, ictum ex projectis violentius fieri, si fiat paullo remotior à principio, & tunc demum esse innocentissimum, cum ibi sit, ubi projectum ex motu plene acquisito, summam adeptum est velocitatem.

tem. Hinc videmus, vel pueros ipsos, docente Natura cū  
ruces, vel aliud quippiam, parietui allisum frangere conā-  
tur, à pariete moderato aliquo spatio recedere. Si autem  
eos interroges, cur id faciant, respondebunt, vt inde ictus  
valentius fiat atque efficacius. Eleganter ex Simplicij &  
Alexandri Aphrodisiensis doctrina, quæ lucidissima est,  
quæstionem hanc in sua Paraphrasi explicat Picolomi-  
neus.

### QVÆSTIO XXXIII.

*Dubitat, Cur proiecta moueantur, licet impellens à projectis se-  
paretur; vel vt verbis Philosophi utar, Cur quippiam non pecu-  
liarem sibi fertur lationem impulsore aliquo  
non consequente?*

**S**OLUIT, inquit, an videlicet, quoniam primum, id est,  
Impellens ipse, id efficit vt alterum, nempe proiectum  
ipsum impellat, illud vero (hoc est proiectum) alterum  
impellat, hoc est, aërem ipsum mediumue, quod à proje-  
cto repellatur. Cessare autem motum, cum res eo deue-  
nit, vt motus eidem à projiciente impressus, non possit  
amplius rem proiectam mouere, & itidem rem ipsam, aë-  
rem videlicet non possit amplius repellere. Vel etiam  
quando ipsius lati grauitas nutu suo declinat magis quam  
impellentis in ante sit potentia. Vtique res per se satis cla-  
ra. etenim motus impressus accidentaliter est, quod vero la-  
tioni violentæ resistit principium, naturale, & ab ipso mo-  
to inseparabile, vincente igitur quod natura est, paul-  
tim remittitur quod ex accidenti est, & inde projecti fit  
quies. Est autem & hoc quoque Problema pure phyticum,  
& superiori, de quo immediate egimus, perquam familia-  
re, quamobrem ex iisdem prius soluitur  
principijs.

QVÆSTIO

## QVÆSTIO XXXIV.

*Cur neque parua multum, neq. magna nimis longe proyici queunt,  
sed proportionem quandam habere oportet proiecta ipsa ad  
eius vires qui proyicit?*

**P**Ulcire dubitationem diluit, inquit, An quia neces-  
se est quod proyicitur, & impellitur contraniti ei vnde  
impellitur. Quod autem magnitudine sua nihil cedit, aut  
imbecillitate nihil contranitur, non efficit projectionē  
neque impulsione. quod enim multo impellentis exē-  
dit vires, haudquaquam cedit. Quod vero est multo im-  
becillius, nihil contranitur, & impressionem non susci-  
pit. Aliam quoque adiungit rationem, videlicet, Tantum  
ferri id quod fertur quantum aëris mouerit ad profundū  
(hoc est, ad eam partem aëris remotiorem, ad quam fer-  
tur) etenim proiectum à principio dum fertur aërem pel-  
lit, non pellit autem si nihil mouetur. Accidit igitur vt  
concludit Philosophus, proiecta isthæc contrarijs ex cau-  
sis minus moueri. quod enim valde paruum est nihil mo-  
uet imbecillitate sua impediēte. quod vero valde ma-  
gnum est, ex contraria causa nihil mouet, nempe quod  
ob magnitudinem suam nihil moueatur. Vnde fit pro-  
portionem inter proiectum & proyicientem esse in primis  
ad motum, necessariam. Hæc eadem præclare in sua Pa-  
raphrasi explicat Picolomineus.

Huic nos, de proiectis quæstioni, hæc addimus.

Cur proiecta corpora non sibimet ipsis secundum  
partes æque graua, si fuerint irregularis figuræ in ipso mo-  
tu, secundum grauiorem partem antrorsus inuiolento, &  
deorsum in naturali ferantur, & dum in latione conuer-  
tuntur, sonitum edant.

Esto pila ABCD, cuius centrum E concinnata ex  
dispari materia leui, nempe BCD, & graui ABD. non ergo,



erit centrū grauitatis & centrum molis, sit autem grauitatis centrum F. Descendat corpus prohibente remoto per rectam AG. Et quoniam grauiora deorsum tendunt magis, si à principio motus grauior pars fuerit supra in ipso descensu conuertetur pila, & situm non seruabit donec superior pars ea quæ grauior, deorsum fiat, vt videre est in

pila HIK, cuius centrum est G. pars grauior HIK. Si autem eadem pila, laterali motu violenter feratur versus N, ad eam quoque partem conuertetur pars grauior. factum enim molis seu magnitudinis centro ubi L, grauior pars fiet in MNO; quæcunque igitur sunt corpora ita constituta, vt in illis non sit idem molis & grauitatis centrum in ipsa latione conuertentur, & eorum pars grauior antroorsus fiet. Sonitus porro in ipso motu editi ea est causa, quod irregulare corpus à principio incipit conuerti, & in ipsa conuersione dum fertur aërem verberat, & ab eodem vicissim reuerberatur, ex qua reuerberatione fit corporis rotatio dum fertur, & ipse sonitus, quem Græci *ροίζον* Rhœzum appellant.

Ad hanc quoque speculationem pertinet, Cur lapides ad superficiem aquæ proiecti non statim demergantur, sed aliquot vicibus aquæ superficiem radentes, ab eadem resiliant.

Esto aquæ superficies AB, lapis proiectus C, tangens aquæ superficiem in D, & inde resiliens in E, mox iterum eandem tangens in F, & resiliens in G, donec violēto motu cessante demergatur. Vtique lapis C, proiectus in D, nisi



nisi medio densiori, aqua videlicet, repelleretur, penetraret per D, in H. At eo resistente, & adhuc vigente impetu, fertur in E ad angulos fere pares. Dico autem fere, siquidem maior est ADC ipso EDF, propterea quod vis non sit eadem, sed minor ea quæ ex D pellit in E. Durante igitur impetu quo pellitur antrosum, sunt ipsæ resiliationes, & eo cessante, resiliationes cessant, & lapis suapte gravitate demergitur.

Huc quoque spectat, Cur pila lusoria in horizontis planum projecta ad pares resiliat, angulos nempe rectos?

Esto horizontis planum AB, in quod à puncto C per lineam perpendicularem CE cadat projiciaturque pila DE, cuius gravitatis centrum F. Tangit autem planum in puncto E. Perpendicularis ergo EC, circulum DE per centrum secat, hoc est, in partes æquales & æqueponderantes, sed dum pila cadit projiciaturque, agit in planum horizontis, ubi E, & in eodem puncto repetitur, quare cum cadens & agens diuidatur in partes æquales & æqueponderantes & item repatiens & resiliens diuidatur item in partes æquales & æqueponderantes, ita resilit repatiendo, vti egerat in cadendo, hoc est, ad angulos pares, quod fuerat demonstrandum. Modo sit planum aliquod ita ad horizontem inclinatum, ut GH, & in illud cadat projiciaturque eadem pila. Dico, eam ab eodem inclinato plano ad pares angulos resilire, non tamen rectos.

Vri-

Vtique *pila* cadens, planum non tanget in E. esset enim GH, vbi AB, Tangat autem in I, & à centro F ad contingentiæ punctum I, recta ducatur FI. Erit igitur FI (prop. 18. lib. 3. elem.) ipsi GH plano perpendicularis. Ducatur item per I, ipsi EC, parallela IK, secans pilæ circumferentiam in K. Agit ergo & repatitur *pila* in puncto I non æqualiter inæquales, etenim sunt partes KDLEI, & IK, eo quod IK secet circulum non per centrum, repellitur ergo in repatiendo non æqualiter, sed iuxta inæqualitatem earundem partium. Ducatur autem recta it. circulo LI æqualis ipsi IK. Erit igitur LEI, æqualis IK, & tota KDLI æqualis toti IKDL. Vt igitur actio est per descensum iuxta rectam KI, ita est repassio per ascensum ex IL. Dico autem angulos KIH, LIG esse æquales & singulos recto minores. Connectantur FL, FK. Quoniam igitur IK portio æqualis est portioni IEL, & recta LI æqualis rectæ IK, & LF æqualis ipsi Fk, & FI communis, triangulum LFI, æquale est triangulo IFk. Quare & angulus FIL æqualis angulo FIk, sed GIF, HIF recti sunt, ergo residui LIG, KIH æquales sunt inrer se comparati, & recto minores; quod fuerat ostendendum.

Hinc colligimus, quo magis planum ab æquidistantia horizontis recesserit, eo pilam in eo proiectam in partes inæqualiores diuidi & ad minores ipsi plano angulos resilire. Nihil autem refert, vtrum planum, in quod *pila* cadit, ad horizontem sit inclinatum, vel eodem horizonti æquedistante *pila* non ad perpendicularas, sed iuxta aliquem angulum in illud projiciatur. Hæc sane ita ex demonstratione fieri ostenduntur. Veruntamen quoniam projecta *pila* materialis est, & ideo nec æqualis, nec æque ponderans & sua gravitate resistens, non ad pares ex amussi resiliat angulos, sed minores aliquantulum in resiliatione, remittente nimirum vi in ipsa reactione. Et sane fieri non potest,

potest; pilam à plano resilientem eo peruenire vnde à principio discesserat; Id enim si daretur, æterna quoque pila ipsius daretur resiliatio, & paulatim vi & impetu remittente per parua intervalla motus esset, donec res quæ movebatur, omnino quiescat.

### QVÆSTIO XXXV.

*Queris hoc ultimo Problemate Aristoteles, Cur ea quæ in vorticis feruntur aquis, ad medium tandem agantur omnia?*

**T**RIBUS rationibus soluit; quarum prima est: Quicquid fertur, magnitudinem habet; cuius extrema in duobus sunt circulis, hoc in minori, illud in maiori. Et quoniam maior velocior est, magnitudo media, non æqualiter fertur, sed à maiori quidem pellitur, à minori vero retrahitur, vnde transuersus fit magnitudinis motus, & ipsa magnitudo ad interiorē propellitur circulum, itaque eodem pacto, è maiori in minorem propulsa in centrum tantum fertur, & ibi quiescit.

Esto vortex AB, cuius centrum C, magnitudo quæ fertur AD, maior circulus AFB, minor DHEG. Velocitas igitur in A maior est velocitate quæ in D, magnitudinis ergo extremum A, velocius rapitur in A quam eiusdem extremum inferius D, in D. Velocitas igitur maioris circuli pellit Aversus. Firmitas vero minoris circuli D retrahit ad partes G, convertitur itaque magnitudo inter pellentem & retrahentem circulum, donec ex-



cremitas A in circulo minori fuerit vbi H, D vero vbi I, & ita deinceps eadem ratione vbi KL, donec paullatim feratur in centrum C, facto nempe à maiori in minorem circulum transitu.

Secunda ratio ita habet, quia quod fertur, simili se habet modo ad omnes circulos propter centrum, hoc est, in quouis circulo, qui circa idem centrum fertur. Omnes autem circuli mouentur, centrum vero stat, necesse est à motu tandem id quod mouetur ad quietis locum, hoc est, in centrum ipsum peruenire.


Tertia, quoniam circularum, qui in vorticibus fiunt, velocitas, & ideo impetus non est æqualis, sed semper exterior est interiore velocior & violentior, Æqualis autem semper in mota magnitudine, grauitas, diuersimode se habet ad circulos, à quibus mouetur, & ideo modo vincitur, modo vincit: vincitur autem à velocioribus circulis, vincit autem tardiores. Itaque quoniam sua grauitate resistens, maioris circuli motum prorsus non sequitur, ad tardiolem reijcitur, hoc est, interiore, & sic deinceps, donec tandem centrum ipsum nanciscatur, in quo nec superans, nec superata quiescit.

Hæ sunt rationes, licet obscurissime propositæ, quibus, vt diximus, vtitur Aristoteles, acutæ sane illæ quidē, at tamen haudquaquam vltro admittendæ.

Primo enim falsum videtur, quod asserit, vortices circulos esse, & circa idem centrum fieri atque rotari. Spiræ enim potius sunt, quæ ab exteriori parte remotioreque incipientes spiraliter circumuolutæ, ad intimam tandem partem, quæ media est & centri vices gerit, deueniunt. qua veritate cognita, omnis prorsus difficultas tollitur, Cum enim ea quæ feruntur, ab aqua ferantur, aqua vero feratur spiraliter, ea quoque spiraliter ferri, est necessarium.




rium. Hæc autem clariora erunt si quo pacto vortices  
fiant, quispiam considerauerit.



Esto fluminis cuiuspiam curua  
eademque profunda ripa ABCD.  
Aqua vero moles rapida EFDC,  
quæ quidem eo quod magno impe-  
tu deferatur in C, ripæ ipsius naturâ  
sequens turbinatim circumuoluitur,  
egressa autem extra locum seu ripam  
B rotationis principium secundans,  
in seipsam spiraliter contorquetur,  
& vorticem efficit GHFIK, cuius  
quidem centrum est vbi K.

Alia quoque de causa, ex quiescente nimirum, &  
mota aqua fiunt spiræ vorticesue. Esto enim fluminis ripa



ABC, sinum efficiens, qui aquam ex  
ripæ ipsius obiectu contineat quie-  
scentem, Cursus vero fluminis liber &  
rectus, sit inter lineas AC, DE. Itaque  
dum aqua AC rapide fertur ad partes  
A, quiescentem ABC iuxta lineam  
CA lateraliter propellit, & eius qui-  
dem partem quam tangit, secum ra-  
pit, puta ex F in G. Delata igitur aqua  
& currente ex F versus G quiescens  
lateraliter eidem sese aliquantulum op-  
ponit, & currentem repellit ex G in H. Cæpto itaq; spirali  
motu aqua circumuoluitur secundum lineam GHK, do-  
nec perueniat ad centrum I, vbi circumuolutæ aquæ par-  
tes sese inuicem tangunt. Porro vortices isti spiræque, quod  
nos per Padum, Abdam, & magnâ flumina nauigantes  
obseruauimus, non eodem permanent loco, sed rapientis  
aquæ motum secundantes, paulatim in currentem aquâ

delaticuanescunt, fiunt etiam eiuscemodi vortices nau-  
tis quidem valde formidabiles etiam in mari, de quibus  
Poëta libro *Æncidos* primo.

*... illam ter fluctus ibidem*

*Torquet agens circum, & rapidus vorat aqore vortex.*

Sed & idem quoque de vorticibus, qui in fluminibus  
sunt libro 7.

*... hunc inter fluuio Tiberinus ameno*


*Vorticibus rapidis, & multa flavus arena*

*... in mare prorumpit:*

Fiunt autem in mari partim occultis de causis, partim  
etiam ex violentia aquarum sibi inuicem obuiantium a-  
gitatione. Sed nos hisce explicatis commode ad ea quæ  
dixerat Aristoteles, reuertemur.

Dicimus igitur, primam eius rationem haud magni  
videri ponderis, siquidem non per circulos actu distinctos  
aqua circumfertur, sed ipsa mensura mole tota simul.

Est enim vortex AB, cu-  
ius centrum C, semidiameter  
CA, fiat autem rotatio totius a-  
quæ CA ad partes D, in linea  
autem AC, sit corpus aliquod a-  
quæ rotatione circumlatum AE,  
inter circulos maiorem ADB,  
minorem EFG. velocius autem  
mouetur ADB, ipso EFG, citius  
ergo fertur pars superior ipsius  
corporis vbi A, quam inferior  
vbi E. At id nec A repellit, nec E retrahit, siquidem eodem  
tempore quo A permeauit circulum ADB, eodem & E per-  
currit circulum EFG. Itaq; A reuerso in A & E, punctum  
reuersum erit in E, nulla facta corporis E, quoad situm,  
mutatione quod voluit Aristoteles.



Ad secundam vero dicimus, non ideo quod omnes circuli æqualiter circa centrum ferantur, nisi alia quæpiã extranea vis interefferit, quæ ea ab exterioribus circulis pellens agat in medium.



Tertia quoque ratio laborare videtur.

Esto enim vortex AB, cuius centrum C, sit autem corpus aliquod E, cuius natura apta sit rotationi aliqua tenus resistere. Quoniam igitur eius resistantia aliquatulum ab aqua rapiente superatur in ipsa rotatione, partim aquæ imperum sequetur, partim suapte natura retardabitur. Quamobrem aqua quæ est in A, translata in H, corpus ipsum non erit in H, sed in G. Tardius igitur corpus quam aqua ipsa, rotationem complebit, non tamen propterea, nisi alia quæpiam adsit causa, feretur in medium.

Cæterum horum vorticum effectum & causam observare licet, si vase quopiam aqua pleno aquam ipsam baculo manuque circulariter agitauerimus, fiet enim vortex, & si quippiam quod leve sit, in aquam motam proiecerimus, ea quam diximus de causa in motum ipsum, hoc est, vorticis spiræque, centrum feretur.

Hæc nos, ut vera proponimus, & fortasse decipimur. Certe Philosopho tantæ auctoritatis contradicere, magnæ videtur audaciæ, aut potius insanix. Quicquid tamen sit, pro pulcherrima veritate laborasse, a parte aliqua laudis non fuerit prorsus, ut arbitror, alienum.

## APPENDIX.


**M**Odum inueniendarum duarum mediarum proportionalium non tantum utilem esse, sed prorsus necessarium, illi norunt, qui in Mechanicis disciplinis vel parū fuerint versati. Nulla enim alia ratio est, qua corporeę magnitudines seruata figura & similitudine augeri proportionaliter imminuiue possint. Quamobrem factum est vt in his inueniendis tum vetustissimo tum etiam inferiori æuo, clarissimi Viri magnopere laborauerint. Plato etenim, Eudoxus (cuius modum repudiavit Eutocius) Heron Alexandrinus, Philon Byzantius, Apollonius, clarissimi Geometrę, Diocles, Pappus, Sporus, Menęchmus, Archytas Tarentinus, Platoni æqualis: Eratosthenes, & Nicomedes ad has inueniendas varias rationes excogitarūt, quorum omnium modos, & instrumenta, demonstrationesq; diligentissime collegit, & in illos Cōmentarios coniecit idemmet Eutocius, quos elegantissimos in Archimedis libros de Sphæra & Cylinde scripsit. Nos autem ijs omnibus accurate perspectis, & diligentissime ponderatis, inuenimus eos fere omnes tentando negotium absolueret, quod sane laboriosum valde est & operantibus permolesum. Itaque cum modum praximue inuenissemus, ex qua is qui operatur tutissime & facillime ad quę sitas ipsas medias manuducitur, hunc pulcherrimę huius facultatis studiosis inuidere nefarium iudicauimus. Quod si quispiā dixerit, Ballistarum, Catapultarum, Scorpionum, & ceterarum eiusmodi Machinarum vsum, olim apud nos desuisse, & ideo Problemata hoc videri superuacaneum, Respondemus, nulla alia ratione æneorum tormentorum pilas augeri imminuiue seruata ponderis ratione posse, innumeraque esse, quę vt ritē perficiantur, hæc penitus indigent speculatione. Nos rem Mechanicis utilem, Mechanicis



chanicis nostris Exercitationibus annexere, haud im-  
portunum iudicauimus. Sed tempus est, vt his breuiter  
præfatis, ad rem ipsam explicandā commodè accedamus.

*Datus duabus proportionalibus prima, & quarta duas inter eas  
medias in continua proportionē inuenire.*

**E**Sto prima datarum AB, quarta BC, inter quas secundā  
& tertiam oportet inuenire. Ducatur recta DE, cui à  
puncto F, vtcunque sumpto, perpendicularis demittatur  
FG, Tum ab F versus D duplicetur quarta BC, sitque FH,  
deinde ab H ipsi FG parallela demittatur HI, & ab HF  
abscindatur HK, ipsius BC quartæ medietati æqualis.  
Post hæc puncto K spatio autem medietati, primæ data-  
rum æquali, in linea HI notetur punctum L, & ipsi HL  
fiat æqualis FM, & KM iungatur. His ita constitutis pare-  
tur seorsum scheda regulaue quæpiam NO, in cuius late-  
re accipiatur OP, æqualis medietati primæ datarum seu  
ipsi KL. Tum regulæ latus aptetur puncto L, extremum  
verò O, feratur assidue per rectam EK, versus K, nunquam



interim

interim regulæ latere ON amoto à puncto L, idque donec punctum P, obuians incidat in lineam KM, putavbi Q extremum vero O inueniatur in R. notato igitur in lineâ EK puncto R habebitur, quod quærebatur. Erunt igitur AB prima, RK secunda, QL tertia, BC quarta.

Hæc praxis ijsdem principijs demonstratur, quibus suam ex Conchoide ostendit Nicomedes. Conficit ille instrumentum, ex quo describit Conchoidē, ex qua postea duas medias venatur. Nos autem nec instrumentum construimus nec Conchoidem describimus, & duabus fere lineis rem absoluius, vt nemo fere non dixerit, hoc istud quod docemus, à Nicomedeâ praxi esse prorsus alienum.

Sed nos, vt elus, quam ostendimus, operationis demonstratio habeatur; ipsius Nicomedis ex Pappi libro 3. propos. 5. desumptam in medio afferemus, quippe quod isthæc ea quam in suis, in Archimedem commentarijs, refert Eutocius, sit lucidior.

Datis duabus rectis lineis CD, DA; duæ mediæ in continua proportionē hoc modo assumuntur.

Compleatur ABCD parallelogrammum, & vtraque ipsarum AB, BC, bifariam secetur in punctis L, E, iunctaque LD producat; & occurrat productæ CB, in G, ipsi vero BC ad rectos angulos ducatur EF, & CF iungatur, quæ sit æqualis AL. Iungatur præterea FG & ipsi parallela sit CH, eritque angulus KCH, æqualis angulo CGF. Tum à dato puncto F ducatur FHK, quæ faciat KH æqualem ipsi AL vel CF. Hoc enim per lineam Conchoidem fieri posse ostendit Nicomedes, & iuncta KD producat, occurratque ipsi BA, productæ in puncto M. Dico vt DC ad CK ita CK ad MA & MA ad AD. Quoniam enim BC bifariam secta est in E, & ipsi adijcitur CK. Rectangulum BKC per 6. secundi: vna cum quadrato ex CE, æquale est quadra-



quadrato ex CF, quorum quidem quadratum ex AL  $\alpha$ -  
 quale est quadrato ex CF, ponitur enim AL, ipsi CF  $\alpha$ -  
 qualis, ergo reliquum BMA rectangulum  $\alpha$ quale est reli-  
 quo Bk C. Vt igitur MB ad Bk, ita Ck ad MA. Sed vt MD  
 ad Bk, ita DC ad Ck. quare vt DC ad Ck, ita est Ck ad  
 MA. vt autem MD ad Bk, ita MA, ad AD. Ergo vt DC,  
 prima, ad Ck secundam, ita Ck secunda ad MA tertiam,  
 & MA tertia ad AD quartam, quod fuerat demonst-  
 randum. Hæc Pappus. Quod autem in nostra Praxi diximus,  
 QL esse tertiam, e ratio est, quod LR vt in prima figura  
 est, sit  $\alpha$ qualis ipsi LM secundæ figuræ, in demonstratio-  
 ne Pappi, ex quibus demptis QR & LA, quæ sunt  $\alpha$ qua-  
 les, reliqua QL primæ figuræ  $\alpha$ qualis est AM secundæ fi-  
 guræ, hoc est, ipsi tertiæ proportionali: Est igitur, vt in pri-  
 ma figura dicebamus, AB prima, kR secunda, QL tertia,  
 BC quarta.

Vides igitur tu quilegis, nos ex Nicomedis demon-  
 stratione (quatenus ad praxin pertinet) superflua res ecaf-  
 se, & absque Conchoidis instrumento lineæ uerem ipsam  
 confecisse, idque non tentantes, vt alij, sed progre-  
 dientes, & quasi manu ductos quæsi-  
 tum inuestigasse.

**F I N I S.**